

# KRIS JIAKA GIMTHUAKTE

Richard Wurmbrand



# **KRIS JIACA GIMTHUAKTE**

in PAITE/TEDDIM CHIN EDITION

**Rev. RICHARD WURMBRAND**

*A letkhia*

Rev. N. Kai Za Nang

Editor & Promoter

**LOVE IN ACTION SOCIETY  
P.O. BOX 4532, NEW DELHI-110016, INDIA**



**KRIS JIKA GIMTHUAKTE**  
**(TORTURED FOR CHRIST)**  
**PAITE/TEDDIM-CHIN**

©Richard Wurmbrand  
1st Edition 1989  
Sut Khatna: Copy 5,000

Published by:

**Dr. P.P. Job**

Printed at Sabina Printing Press Faridabad, Haryana.

# A SUNGA THU TUUNTE ZONKHIAK BAIHNA:

Pek Nambat

1. Hih Laibu gelhpa Pylakna thu
2. Hih laibu pulakna thu: Rev. W. Stuart Harris....
3. Ei Kampaua thu lamkai: Rev. N. Kai Za Nang....
4. SEH KHATNA: Pasion Om Umlou mi khatin Pasion muta....
5. SEH KHATNA: Kum 8 sung GUUKmanga omna....
6. SEH THUMNA: Kum 14 sung Suangkul taan zoha pawtkhiakna....
7. SEH LINA: Komunist suangkula KOL kg. 24 agik kibulh....
8. SEH NGANA: Leinuai Saptuam Tancin Thutak Orthodox Siampi leh Arch Bishop ten Komioniste huh uh....
9. SEH GUKNA: Cialna thumasa genkhiakna Thukin mahmah: Tualsihte 'AW GING'....
10. SEH SAGIHNA: Leinuai Saptuamte hon thuk-hah, A zalen gama Kristian omten i huhtheih daan uh....

# HIH LAIBU GELHPA TANCIN TOMKIM:

Richard Wurmbrand, A thupi Pasion nasem lian khat, Pasion thugen siam, Kum 14 sung vive Communist suangkul sunga kikhuma a tenna Rumania gam sung ngeia thuakgima; Rumania Kristian makai minthang mahmah, a gam sunga a mah bangkhopa a minthang leh upna toh kidim tamlou hial hi.

Kum 1945 a kipanin Rumania gam pen, Communist in hon ukta ua, Tua huna Kipanin Saptuam pen amau thahat leh thuneihna nuaia koihcip hong sawmpah lian uhi. Tuaphetin Richard Wurmbrand in a cipih communist nuaia sal tangte leh communist galkap Rusiami Rumania a hongsemte lak ah Pasion nna pen agukin a sempaha, alohcing mahmah hi.

Hibanga a sepna hangin Kum 1948 in aji Sabina toh mata omin suangkul a ngakpah lian uhi. A ji pen sikha nasem pawlte lakah Kum thum sung a sema, Amah Wurmbrand zong amah bawlse tute cihlouh midang toh kimukha ngei lou hialin-lungjuang leh thawmhau takin kum thum sung mah aomna ngeingei ah khumin a oma; tuakhit ciangin midang hentate toh koihkhawm in, bawlsiatnate thuakkawm jel in Kum nga sung aomden sak uhi.

Kristian a lamkaih naah hong minthang paha, gam-



tuam tuama palaiten za uha, communist vaihawmtute lakah, thatlou hial dingin ngetnate a bawl uhi. Ahihhangin juau thu-in "Rumania gamsunga kipana taikhia," ci-in dawng uhi. Guksep Palik (Secret Police) lawikhat in suangkulh sunga kipan pawtkhe phet hi-a kibawltawmin, aji kiangah a va pai ua, a pasal si ta a, suangkulh hanmuala akivuina a va telta bangin a va kigen uhi. Hibangin a inkuanpihte leh gamtuamtuama a lawmleh vualte lakah a sita hiin a genthang vengvung uhi.

Kum giat suangkul a tan zoh nungin hong pawtkhia a; a guk a a sep Saptuam nasep mah a semzom pah lian a tuaciin Kum nih khit 1959 kumin matin aom nawn jela, Kum 25 sung mahmah suangkul ngak dinga atungthu khen tan sak ahi ta.

Kum 1964 in Ngaihdamna hun a hon zen zen man un ahong pawtkhe nawn a, a sep ngeimah a sem pah lian hi. Suangkulh a thumveina va lut nawn ding pen lauhuai mahmah ahihdan theihpihin Norway gama unau Kristianten Rumania gama pan, a pawtkhiaksak theihna dingun phalna angetsak ua, tua hunlain Communist-vaihawmpawlin Politics toh kisaia suangkulh tangte pen a juak jel uhi. Henta mikhat pawtsak theihna dingin sapgam Dangka £ 800 (Rs.16,800/-vel) ahisak ua, ahihhangin amah pawtkhiaksak theihna dingin bel £ 2,500 (Rs. 52,500/-vel) abikhiah uhi.

Kum 1966 May kha in Washington khopi, America Innpi-a (White House) Senate's Internal security subcommittee ah Thugenna hun apia ua, a kizepna puante suahkhia in a pumpi tunga a soisakna pawnte uh mun 18 omte a lakvek hi. A tancin thukijakna tuamtuam te a



phuankhiaka omin leitung a jel suak pah hi.

Hihkhawngte jiakin, communist vaihawmten thah ding a sawm ua; tua thupen September 1966 in a vahil gu khat a om hi. Ahihhaingin tuabang a si dinga vau-nate'n amah a lausakin a daisak tuam kei hi. Amah pen "Leinuai Saptuam Awging," cihin aom hiala, Kristian lamkai lian tak tak ten "Martar hinglai," cih leh "Sik-bang um khen lama - Paul," cih minte bang a pe hial uhi.

(Sikbang cih pen Russia Communist nuaia kum-pite thu a ki theih mah mah louh mana churchill in Sik bang um khenlama om toh kibanga ana gen jiak a hi a, tua ciin sikbang (Iron curtain) pen Russia leh akinaihpit te genna in a kizang hi).

# PULAKNA

Rumania gama ka hoh masak pen December 1964 kum ahi a, kha bangzah hiam akipan tua ahoh ding ka hihpen Pasionin hon theikhol sak hi. Tuaciin, Rev. John Mosley kithuahpihna in Hungary lama kipanin gamgi ka kanta hi.

Rumania a vaihawm ten limtaka honna enjui ahihdanuh ka theikhe paha, Kristianten bel honna kipahpih mahmah uhi. Bucharest a German Baptist Biakinn ah Pasianni masa bel ka mang uhi. Nitak kikhopna hun ah thu omdan tuamtuanmte ka kizatuah sak uha, a tawp ding kuana mi tampi ten hon houpih souhsouh na lak uah; pasal din sangsim khat ahong kihel kha a tua mipa'n a Inn ua hong dia honcialin banghiam tuah ding aomhial alezong thuakngap ding khop hial in hong cial petmah hi. Tuaciin, jan sawt nung Nai sawm vel in tua hongcialpa Richard Wurmbrand, a ji Sabina leh a tapa Mihai-te omna Innlam juanin ka paita hi.

Thawm ging neilou deuh in Innsung ka lut ua, tuamun leh tua hun ngeiin, Tumlama a thu kana jak gige uh pastor in, atuah khempeuhte leh kum 14 sung vive suangkulh sunga a kikhum sunga bawlsiatna mulkim-huai mahmah a thuakgimte ngei honghilih vek hi.

A tapa Innkong ah ava pawtkhia a, a ji a va pawtkhe nawna, Palik ten Inn hong umkimvel khinzou vek ua, a

moto un Inn pua a hon na ngak danin ahon gentuak ua, Bang tan hon um kimvel ding ahi ua? Bang thu ahongom dia le?

Wurmbrand, a thugen a atawp pah a, thumkhawmna ka neijui pah uhi. Pasion in a sikhate humbit dingin ka ngen uha, thumkhawmna ciamteh tuak mahmah khat hi-in zong theiing. A satunga a bawl siatna pawnte uh zong ka mu a, ka na ngaihsut lai sangin mulkimhuai zomahmah in zong ka mu hi. Pasionin ka thumna uh hong dawng ngeia, Inn kongka kava pawtkhiak ualeh kuamah muhdng ana omta kei.

Hih Pasion Inkuan muanhuaite ka muh masakna pen ahi a, Kris adia hibang lawma kipe zoua sahkhilangsan pen ka muhun ka lawmpa toh lamdang kasa hial uhi. Tuaciin, hih laibu pulakna nei dinga ciala ka omna zong thupi sain ka ngaisang petmah hi. Pasion laka cihtaktakna toh thu-ngenin, thumin, Europe suahlam amite ngei in, mite it thei a, a lungtangte uh kiheia; Jesu Kris jiaka gimna leh sawina thuakte huhnopna leh thuakpihna pe ngei dingin-ka ngen petmah hi.

By:- Rev. W. Stuart Harris, F.R.G.S.  
General Director,  
European Christian Mission.



# LAIBU GELHPA THUMAKAI

## HIH LAIBU KA GELHNA JIAK JAW

Leinuai Saptuam, sikbang te umsuak sunga omte ngeiin, A zalen gama Kristian om khempeuh kianga hong thu vaikhah pen k'ongpuak hi.

Kum bangzah hiamtak ka na makaih Leinuai Saptuamten, a zalen gama kong paikhiak Theih dingdan Zongkhe ding leh, noute kianga hong vaikhak thute uh, thu kin mahmah leh poimoh petpet te hong genkhia a, phuangkhe dingin hong ci uhi. Lamdang taka a lungnathuai pipi leh khasiathuai taktak thute na simkhak ngei dinguh bangin; a zalen gam pen ka hongtung thei nawn mawk mah hi.

Ginom tak leh muanhuai taka sawi-gim na thuak petmah Leinuai Saptuamte, communist gamsunga sikdena omte deihna bang ngeia, hong vaikhah thute uh-hih laibu ah ka gelh hi.

Tuaci-a amaute hong ngette, poim,oh a ngaia, lung gel petmaha; na khotuah ngeina ding uh deihna mahmah in, Amasa bel in-kei tung tang thu ka gelh a, Leinuai Saptuamte nasepte a zomtouin ka khin hi.

RICHARD WURMBRAND



# EI KAMPAUA TEISAWN PULAKNA

Tuhuna Pasion nasem minthang, Kris jiak a Communist sik denna nuaia Martar kici ngala lah Hinglai toh kimuhkhak ding pen Nau suak khe ding ngak (vil) toh kibangin ka om themthuma, Hanship E.C.C.Kumsim khawmpilian January 1978 zangzou phet, ka tenna Imphal juanin ka paia, Manipuri Singing Grouppte ka buaipih na lamin ka sum neihteng lah abeita ngala.

Vanleng a tuanna ding leh lamkala zat tawm ding lelmah Dr. B. Langkham laka la-in Shillong Presbyterian Church Circuit House a tung, Richard Wurmbrand leh aji Sabina toh a seppih muanhuai DR.P.P.JOB, kiang ka juanpah tingteng hi.

Aji toh nuihmai siausiau leh ngaihnat-nelhuaitaka honna uelkam ciangun gamlapi a Nu-le-pa toh kikhen kimutuah nawn mah ka bangua, ka ki maingal pah uhi. Communist-te sawi gimna hanga atuapa T.B. avei jiaka a langnih lakkhiak ahihman ni dang bangzou nawnloua, tut leh lup kul tam a pautam zou lou ahih dante ka jak ciangin lung hon khoih mahmaha; 'Ka neihsa hilou, mi sum leitawia kei mimal mahmah lunglutna a hong paia, Na tancin laibu a ka sim Kris itna jiaka communist-te hon sawi leh sutna liam pawnte mun 18 ka mit ngeia mu ut ka hihdan,'ka hilh ciangin, aji in a puan ak hon

suahsaka hon velsak (lah) ciangin, Jesu kilhna pawnte Thomas etlai ka phawka, "Pu aw, Thoma banga ginglah honci ken; Mal suahlama unau Kristiante laka Kris min thupina dinga ka zat ding leh ka ginna ngei hon suhat dinga ka deihman ahi," ka cithei teiteia; Toupa min ka phata kipahjiakin mittui a luangkhe lou theikei.

Hihni pen February 5, 1978 ahi a, Kal khat sung Laitumkhrah Presbyterian Biakinn huangsunga athugente in a ngaikhe te a zohdan, Itna thawnpiak kilakhawm zoujaite jiaka Pasion min A thupidante, ka damsunga ka tuahte laka loup pawla ka theih ahi a, mangngilhni omolu ding hi; Toupa min ka phat hi.

Tuanungsang Kris adia gimthuakte adia thumsakna leh ka septheih lamlam sep ka thanuama, Wurmbrand laibu gelh tuamtuan (adiakin Communist-te paidan diklou eigama dia leng kul ngei hi a ka theihthe houh) ei kampaua omdin a deih huai mahmah.

Ahi a, i gam kivaipuakna mipi vaihawmna zalentaka zat sawt theih hilou ding ahicah alanga, ki sina theiha, ciintuak tamtak omte i mabana ding ahi ka ci hi.

Hun paisa leh tulai communist gama Kristian ten, a tam lamlam khap jui leh-uh jaw, hibangzahta gimthuak a om zengzung louhial ding uh hi a ciin ngaihsun nak ing.

Thudik gum tentana, diktat taka zanga zumpih (dawilokpih) louin, atam lamlam thu cise louin, a valloh ua, muhsiamlouh leh huatin aom ua, a pawlpi mite mah heksiat leh thuneitute huat aomin mulkimhuai gelgawtna, sawinate gentaklouh neih leh lam hinna dong taan in a piannna khovel uah a talawi uhi. (Amaute bang



a pasalpa hangsan Kristian thudik guma thutak aom i khualzinna leitung ah Jesu'n ta sam in mimal innkuan leh ki Thuah na pawlpi sungah zong lailai). Hih laibu in Leinuai Saptuamte apana i sin ding tampitak hon kawku-muha, ei kampaua a omkhiakna ding in Sanggampa Jelkhan thang bulpatna ban ah, South-East Asia Director Dr. P.P. Job (Kris leh Agama sanggama honnei), kithuahpihna toh ki bawlkhia ahihmanin Toupa min ka phata, A simkha khempeuh Toupa kha Siangin veva vualjawlin Toupan minthanna ngahta hen cih ka thumna ahi.

(REV. KAI ZA NANG) Editor & Promoter T.F.C.  
'Koinonia',  
Paite Veng, Mission Row  
Imphal-795001, Manipur  
March 21, 1985.

## SEH KHATNA

### PASIAN OM UM MAWNGLOU MI KHATIN PASIAN MUTA

Sahkhua himhim up neilou Innkuan khata kipan a khanglian ka hi a, ka naupan lain zong sahkua thulam sinkhak ka nei kha kei hiala; tuaci a kum 14 ka hih a kipan Pasion om umlou pawlah ka kip mahmah hi. Hihpen ka naupan laia ka gentheih luat man ahipen hi. Ka pian kum akipanin tagah ka hi a, Kidoupi masa lai akipanin tagahin gentheihnate ka thuak ta hi. Kum sawm leh li a upa ka hong hihin tulaia Komuniste mah bangin Pasion omding cih ka um mawng kei hi. 'Pasion omlou ahi,' ci-a a kigelh laibute bang ka sim seka, tuaciin, Pasion hiam Kris hiam aompen aumlou bikbek bel hi tuanlouin, mihing lungtanga dia lauhuaia ka theih mana hua ka hi lel jaw hi. Tuaciin, sahkua mawng-mawng hua pawlin ka hong khanglian ta hi.

Himahleh, a nunglama ka ngaihsut kik aleh, ajiak dingpen theikhezou kei mah leng Pasion telkhiak mipa khat hi dinga A hehpihna ngahmi khat kana hita mawk



hi. Tuabang dinga ka nuntakna hoih peuhmahlou ahihmanin a cinlou lua mahmah ka na hi.

Pasian om umlou mikhat himah leng, auphuailou zah dong in Biakin kai khawng hong ut sak mahmah a, Biakin kong banga ka paikhak ciangin, a sunga va lutloua paisuak san pen bang hamsa kasa thei mahmah hi. Ahihhangin tua Biakinn sunga bangbang koih uha, bangbang bawl uham cihte bel ka thei siam het kei hi. pasian thupha kigenkhiate ka ngaikhe jela, ahihhangin tua ka thujakten ka lungsim a zou thei het kei a Pasian omlou takpi mah ahi cih thulah ka pom ta ngala. Pasian thuthu a om ding cih leh Pasian pen lungtang lianbela tensak ding cih pen ka zadah mahmah a, atua thamlouin, lungsim Pasian ngaihsutna mawngmawng neihding zong ka zadah hi.

Tuabang tengin om mah leng, Lei leh Van kikala koilai mun hiama Itna lungtangpu khat bel om mahmah danin ka tuat hi. Naupan lai leh tuailai nite a nopnate ka ciam tawm mahmaha, koilai mun hiam ah Itna lungtang a hong angvan tu ding khat om mahmah leh ciin ngaihsutna pen ka nei tawn tung hi.

Pasian omlou cihpen ka um kip mahmaha, ahihhangin tuabanga Hehpih Pasian hong omlou mawkin hon. lunggim sak mahmah hi. Nikhat tuabanga lunggima kaom laiin Catholic Biakinn khatah kava lut a, mite khukdina kuna bang bang hiam thu gena omin kava mu a, Amau lakah khuk din in athugen uh Ka ngaikhe dia; amau thunget bang in ka ngen sam ding cih na ka nei hi.

Amaute A siangthou Nungak Mary lakah thumin aomua, "Mary, cibai, Hehpihna toh Kidim," ci-in.

Amau bangin ka ci-ci-ta maia, siang thou Mary lim bang ka en-ena, ahih hangin bangmah lamdanna ka nei ta keia, hon lunggimsak semta hi.

Pasian omlouh um mahmah hinapiin, ni khat bel thungetna ka nei ek mawk a, hibangin ka genta hi:—"Pasian aw, Nang om mawngmawnglou na hi ciuh ka thei tel hi. Ahitazongin, a omkha bang na hikhata zenzen lecin zong kong um tuan kei ding! Nang om na hi ciuh hong up ding pen kei nasep ding hilouin Nangmah ngei nong kilaka nong upsak kisam hi," ciin. Pasian om ding cih um mawnglou ka hihnain lungmuanna hontun thei kei hial hi.

Hibanga lungsimbuai taka ka om laiin Rumania mual tung gam a khua khatah mistri siam khat in "Ka Pasian aw, hih leitung ah Nangmah nna semin, ka tha-it seka; Vantunga ka muh ding bang hih leitungah zong Kipahman muh ka ut hi. Tua ka kipahman dingin-Jesu pen Juda cii leh kuang a kipan hongpiang ahihmah bangin, Kris kianga Judami khatbeek ka pilut masiah, silou hial ding hi leng. Ahihhangin, ka gentheiin ka upa ta a, ka damthei kei laia, ka khawsung ah Juda mi khatta zong a om kei na lai hi. Nangmah ngeiin Juda mi khat ka khua ah honpi lut inla, tua mipa Kris kianga pi lut dingin ka hihtheih tan in ka na soal ding hi," ciin Pasian lakah thungetna na nei ahi cih a khonungin ka theikhia hi.

Ahang ding bangmah omlou piin tua khua in hong hip mahmah a, sep ding bangmah lah tua khawsung ah ka nei ngal kei a. Rumania khawpi sungah khua Tul sawm leh nih tak aoma, ahihhangin tua khua neu pen



takah ka va hoh hi. Keipen Juda mi ka hih tua a Mistri  
siam in atheikhhiat phetin,, tangval in Nungak mel  
hoihtak mai a zoh theihna dinga theihtawp suaha ajawl  
jawl sangmaha thupi zawthamin honna jawl ta hi. Tuma  
a a athungetna dawnna hikha ngei dingin honna gelkha  
paha, Lai Siangtho bu sim ding hong pe pah hi. Lai  
Siangthou bu pen kana sim suak jel thama; ahihhangin  
amah hon piak Lai Siangthou bu pen keima' simte toh  
tehin ana tuamse hi. Keimah leh ka zi ngei, Pasion thu  
awi ka suahna ding ua amau nupain hongna thumsak  
tawntung uh ahihdan a khonunglam in hon hilh uaa,  
tuat khawng jia mah ahi ngei dinga, a honpiak Lai  
Siangthou bu pen A Aw laimal beka gelhmai hita louin,  
itna meikuanga a thungetna hanga ki gelhbeh ana hita  
hi. Hih Laibu pen sim hak kasa mahmah. Kei hindan  
khelhna leh mohna a dim zou leh Jesu nuntaknate,  
Amah sianthoudan leh kei kihhuaidante; mi huat-hatmi  
ka hih dan leh Amah itna hauhdante ka tehkak a, tuaciin  
khasiatna leh dahna toh kidima ka sim ciangin ka khitui  
a luang khe pahpah hi. Tuaciin A Tapa dingin Pasion  
ngeiin hon pomta hi.

Kei nungzekin ka ji zong hong piangthak paha,  
tuaci-a mi tuamtuam Kris kianga hon pilut jelin, hun  
sawtlou cik sungin Rumania ah LUTHERAN SAP-  
TUAM hong piang hi.

Tuaci-in Kumpi Nazi hun hongtungin thuak-  
gimna ding ngen mabanin ka neita uhi. Kumpi Nazi leh  
a lawiten amau bek dika kikoih a, kulmut mahmaha  
mimal vaihawmna (Dictator) toh vaihawmin Protestan  
leh Judamite ahah gawt diak uhi.

Pastor dia seha ka om ma leh Toupa nasepna adia kisakkholhna ka neihma ngeiin zong hih Lutheran Sap-tuam ah lamkaitu pen khat kana hi a, a phutkhetu a ka pan manin, moh pawtu pen in ka pang hi. Ka ji ngei toh tamveipi mah mat a omin Nazi thukhenna maiah kaihlut leh satin ka om sek uha; Nazi houh a lauhuai diaka, ahiihangin mailam huna Komiuniste khutthak ka thuak dingte uh cepkholhna bang phet ana hi uhi. Ka tapa Mihai houh humbitya a om theihna dingin a Juda min khek bang hong kul hial hi.

Hih Nazi hunpen keimah adingin a kimatna (Punna) mahmah a om hi. Hih hun sunga pumpi kivuak leh kisanate thuakzohtheih ahidante leh Pasion huhna ngeia mihing bawlsiatna leh sawina, mulkimhuai tak-takte apan nuntak theih ahidhan khawng leh ahamsa hun mailama hong tung pah dingte a asimthama Pasion nna sep dingdan te bang hong ki sinsak ahimanin.

## **RUSSIA TE LAKA KA SEPNA**

Pasion om umlou mi ka hihna ah ki siamlouh lua ka hihmanin ka Pian thakni akipan Russia mite laka Amah thupha gen ding pen ka veikha tawn tung hi. Amaute pen a neu ua pan Pasion omlouh thu ki sinsaka khangli-ante ahi uh. Tuabanga Russiate veia amaute kiang ahoh ka utna ka lohcingta. Nazi hunlaia Russia mi galmat tul tampite Rumania ah ahongom uha, tuate lakah nasep ka pan theita hi.

Limdang petmah ahi. Russia mi henta khat ka tuahni pen ka mangngilh thei kei ding. Aman khawllam siam (engineer) ahiih thu ahon hilh zoh pet in, Pasion om



ahi cih a up leh uplouh thu ka dongpah a, "Um kei ing, "ciin hon dawng leh pen mi khat peuhin uma, umlou" thei ihih manun lamdang kisalou ding hi. Ahihhangin, tuabanga thu ka dot takin lamdang salua a hong enin, "Tuabanga upna nei dingin galkapte lam a kipanin thu ngahlou hi-ung, thupiak ngah leng banghangin ka umlou maijen dia," ciin hong dawng hi. Ka lungtang a dawt mahmah a, khitui toh ka ki dimta hi. Pasion sil thawnpiak loupipi penpen-mi cih adinga a na piaksa nei-lou lailai ana hita maijen! Komunisten amau deihtu a om dinga phutluiha ana omsak uh hi maimah a, amau thupiak juia uma-umlou dinga om maimah hitel ua. Amau lungpuaka bangmah ngaihsun ngamlou hi maimah ua. Hibang in akuma sim Russia mite omdan ana hi maimah ta; a gam sung ua Komuniste a lut nungsinh uh. Hih Komunisten mite tunga mulkimhuai leh lung-jinhuai mahmah nna a sepkhelh te uh ka muh in Pasion kiangah lungsim ngeina bang pu-a, zalen taka nna khat-peuh angaihsut theihna ding uleh Amah Pasion leh A Tapa Jeu Kris hon san theihna dingun keimah hinna ngei zong pe phalin ka ki ciamta.

Russia mite hilh dingin Russia gam ka va phak kul nawn se lou ahi ta ve.

August 23, 1944 akipanin Russia galkapte Nuai sawmval tak Rumania gam sung ahonglut uha, tua ci-in Komuniste ka gam ngei uah hong lian pah uhi. Tuain lauh-thawngna liantak mai-Nazi khutnuaia thuaknate bang thuak ding haksa hetlou hi tah e, cih ngaihsutna hong peta hi. Hih hunlaiin Rumania ah mihing Nuai sawm leh giat a oma, tuate lakah Komuniste tul sawm

bek ahi. Russiate Foreign Minister Vishinsky pen Ka Kumpi it mahmah uh King Michael I zumpi a va lut in a dohkang va tum hialin: "Komuiniste kumpi nasepna a na guan ding ahi," a vaci hi. Ka gamsung ua galkapte leh Palikte galvan khempeuhte lakkhiak sak vekin, thagum zangin leh mipi adia huathuaipiin vaihawmin hongpang uhi. Amerika leh Mangkang (British) te huhna jiaka hibang a hongom thei ahi uhi.

Mihingten Pasian maia eimah mimal mohna bek kipuak ding hilouin namcih toh kala mohna-te zong pawkha ding ihi uh. Namcihte saltanna tungtang zong Amerika leh Mangkanggam a Pasian thuawite lungtang ah a puakgikpi uh hongsuak ta. Lauhhuaina leh tual thahna nuaia liangvai taka hong opkhum ding a Russiate hongpi lut, Amerika leh Mangkangten a sepkhelhuh lian mahmah ahihdan a kiphawksuah uh kisam mahmah hi. Tuahangin, hih mialnuaia sal tangte Kris vaka a hong lut theihna dingua panpiha, aman a piak uh ki phamoh mahmah hi.

## **ITNA AW LEH ZEKHEMNA AW KIBANG**

Komiuniste vaihawma a hongpan takun, mipite pimang na dingin zekhemna aw siammel takin honzangpah ta uhi. Itna aw leh zekhemna awte pen kilamdang hetlou hial hi. Nungak ji dia deiha helte leh jan khat lel khawng kitenpih utten zong "Kong it hi," aci ve ve uhi. Jesu'n zekhemna aw leh itna aw khenkhia ding leh Ngia belam vun silhte zong belam tak toh khenthei dingin hong hilh hi.

Komiuniste a hong gamtat takun...Siampi, Pastor



leh Saptuam Upa tul tampiten tua aw nihte a khenkak thei kei hial uhi. Kommunisten ka Parliament Innpi uah Pasion thu-ummite kaikhawmin Khawmpi khat a hongbawl uhi. Tua ah Siampi, Pastor leh Upate pawl cih akipanin tul li val a ki paikhawm hi. Hih khawmpi in President dingin Joseph Stalin a telcing uha, amah pen tualaimahin •Leitunga Pasion omlou aki ci pawlpi (World Movement of Godless) a President mah ana hi hi. Abanbanin Bishopte leh Pastorte ading uha, “Komiunis leh Pasion thu-up pen ki thakhat ahihmanin kituak taka omkhawm thei ding ahi uh,” ciin honggen khia uhi.

Upaten abanbanin Komiunis phatna leh pahtakna thute, tuabanah kumpi tunga Saptuam a muanhuai ding dan khawng a hah gen mahmah uhi.

Hih khawmpi a ka ji toh va kihel ka hi uha, ka tukhawm uhi. Ka jiin tuabang teng amuh khit ciang kei kiangah, “Richard aw, Dingkhia inla, Kris maitanga zumhuaina a belhte uh sawp siang in, “hongci hi. “Tuabangin hih leng na pasal neikha nawnlou ding na hi, ‘ka cih leh ama’n “Tuabang meidawi, pasal dingin ka deih kei,” ciin hong dawngkik hi.

Tuaphetin ka dingkhia a, Pasion thu-ummi that te pawl phata gum zawta louin, Pasion leh Kris ngei pah tawia, ginomna leh muanhuainate Amah tunga piak masak ding ahihdante khawng ka gen ta hi. Tuamuna thugen khiak khempeuh koimun peuha jak ahihtheihna dinga Radio toh kibulh ahihmanin Komiunis Inpi a pan Kris thu kigenkhia pen koimun peuhah aki za vekta hi. Anung sawtlouin tua ka thugen jiakin sawina ka thuak a, hilezong kithaman kasa veve hi.



Katholik pawla kulmutte leh Protestan pawla lamkai ten Komuniste maipha a zong mahmah uha, Katholik lamkai kulmut khat ngialin houh Sek (tubouh) leh Kawite lim pen (Kominists symbol) a Puan-akpi ah a suang hial hi. A heute lakah "Your grace," hongci nawn kei unla, "Comrade Bishop," hongci ta un, aci hial hi.

Resita khuaa Baptistte pawl khawmpi ah kava kihela, amauten Russiate puanlap san nuaia dingkawmin Russia Nam Lapi a sa uhi. A saptuam President in, "Stalin in bangmah a sia bawlloua, Pasian thupiak pen bukim sak ahi jaw, ci-a a hon gen ban ah, Lai Siangthou thu sinsak thupi mahmah khat a genin, a phat zawmah lai hi. Siampi patrasociu leh Osianu te ngial houh a na uang diak uha, A guka sem Palik (Secret Police) te lakah nnasepna lian khat angah hial uhi. Rumania gam Lutheran Saptuam lamkai Rapp in Bible College khata semin hibangin a sinsakte athuhilha, "Pasianin kilakna thupi mi thum lakah aneia, Khatna ah Mosi tungtawnin, Nihna ah Jesu tungtawnin; Thumna ah Stalin tungtawnin; tuaciin a masate gel a nanung belin a khengvek zouhi," ciin.

Baptist saptuam mi khat a ka itin bel, hibang thute a va kikum louin Kris adinga muanhuai taka omin a thuak ngam tawntung hi. Khenkhatte bel Kominiuisten a lamkai dingte uh a guansak uha, amaute deihtelna om hetlou mahin bangteng a saisak uhi. Tulaiin zong tua-bang a guanten ma akai lai uhi. Amauten Kris ading hilouin Komunist ading, a sem hong suak jaw uha, amau thu juilou peuhmahte hekin a mansak jel uhi.

Russia a Pasion thujui taktakten a gamsung ua, Helpina (Revolution) hongomkhiet akipana Leinuai Saptuam (Underground Church) a patkhiat uh bangin, Komiuniste hong hat akipan Saptuam lamkaiten amau kalha gamta, aheute uh heksia a, a matsak sekte uh hangin; Rumania ah zong Leinuai Saptuam patkhiak louhtheihlough hongsuak ta hi. Tuaci a Pasion thu gena thute hilha Kris kianga khanglai leh naupang neute pilut ahihtheihna dingin.

Unau dangte toh pangkhawmin aguka nasepna ka pankhe ta ua, Mi tamtakte muhin tuapen zahtathuai hita mahleh, tuate jiakin ka nasepna te uh hong thadah sak tuan kei hi. Norwegian Lutheran Saptuam ah Pastor nna ka sema, World Council of Churches ah Rumania apan Palai khat kahi nawn hi. (Hih W.C.C. in Komiunis toh Kithukim in Rumania ah nna asem ding cih ka um kha kei hiala). Hibang tan nih neia vaihawmnate a ka kihelna hangin, aguka ka nasep dan theiloute maiah phattuamna lianpi hon neisak hi.

Ka nasep lamnih a phathei hi:

A khatna ah-Russiami galkap tulsawmte  
lakah agukin kasema,

A nihna in, Rumania mi Komiunis te nuaia sal  
tangte laka ka sepna ahi.

## **RUSSIATE-TUABANG LAWMA DANGTAK**

Ken jaw Russiate laka Tangthupha gen pen, Vangam nou khat bangin ka ngai hial hi. Nam tuamtuam tampite kiangah ka genta na a, Russia te bang jena Tangthupha lunggulh a dangtak ka tuak kha nai kei. Kham ah a dangtak petmah uhi.



Ka lawm khat Siampi kulmut in, Russia mi Bulian khat, akianga vaki phuangkhe dinga ahoh dek thu Telephonein ahon hilh a, amah Russia kampau siamlou ahihmanin kei omna ahoh dingin a hilh hi. A jingciangin kei kiangah hongpai petmaha, Pasion a itin angai pet peta, hilezong Lai iangthou bu pen amukha ngei keia, Biakin zong akai kha ngei sam kei (Russia gama bel Biakin tawm petmah hiven); sahhua thu sinsakna zong a zakha ngei samkei hi. A thu bangmah theih aneih hetlough hangin Pasion pen A itin angai mahmah mawk hi.

Jesuin mual tunga A thugente leh Gentehna thu a gen tuamtuam te ka simpaha, tua thute ajak ciangin, nuamlua Kisa in a hong lam a, "Kilawm hina maijen e! Amah Kris neiloua kei bangci nuntak ding kahia," ciin. Amah pen Kris a mi kpak petmaha kipak, ka muh masak bel ahi hi.

Nna khat ka theihkkelh om hi. Kisakkholhna bangmah bawl sak masa sak loupaiin Kris thuakna leh Singlamteha khailupa a omdan thu ka simpah pah mawk hi. A upkhak hetlough lampang, Kris vuak leh sata aomna thu; sing dawna khaia oma, ahong sihdan thute ahon jaktakin khase luain ahong kapta hi. Hondampa ah a upna a ngata a A Hondampa pen A si hi!

Amah pen ka en a, keipen Pasion thuawi bek hiloua, Pastor leh midangte sinsaktu kana hihdante khawng ka ki ngaihsut ciangin ka ki zumpih tun tun hi. Hih Russia mi Bulian khatin a thuakpih bangin, kenlah Kris thuakna bangciklai mahin ka na thuak gimpah nai ngal keia. Ke'n amah thuakpihdan ka muh pen, Mary Magdalene,



Jesu sing amteh phunga kapa, muanhuai taka A Toupa hankhuk dong a tunpha a kapnu, mukha bang hialin ka ki ngaihsun hi.

Tuazohin, A thohkikna thu ka simpilha, A Hondampa Hankhuka pan Thoukik ahihlam atheikha ngeikei hial a, hibang thu kipahhuai lua a hon jaktakin, a mah khuk ngei akhuta tum awiawiin (amau ngeina bangin) hongki ciam awiawia, (akiciamna pen kich amna siang-thou hiinumung) Kipakluain hongkikou khia a, "Ahing, Ahing," cikawmin hong lamkhe nawn hi.

Thungetna nei dingin ka ciala, tuabang thungetna Cihite bang thei ngeilou ahihmanin a paijia ding athei hetkei hi. Ka khukdin tuak uha, aman "Aw, Pasian, Nangpen mihoih lua mahmah khat Na hi, Kei pen Nang hi inla, Nang pen kei hilengjaw, nangmah khelhnate ka hon ngaidam ngei mawngmawng kei ding hi. Ahihhangin Mi hoihtak na hi a, tuahangin keima' lungsim leh kha tengtengin kong it hi," ciin thumna ahong nei hi. Hih mipa thumna ngaikehi dingin vana Angel honten zong A nasep lai uh khawlsan duam hial dingin um ten tan ing. Hih mipen Kris a Nungta ahita hi.

Ni khat, van juakna khat ah, Russia mi galkap bu Kupten khat leh Numei bu khatmah toh om kava tuak-kha hi. Van tamtak a lei dek uha, ahihhangin van juak mipa'n Russia kampau theilou ahihmanin a ki dawp moh jen uhi. A pau uh lehkhiat sak dingin kava naiha, ka ki mel theih pian pah uhi. Ka mansiang takun, amaute annekpih ut in ka ciala, amau zong hon juipah liam uhi. Innsunga an ne dinga ka pat pet un. "Pasian thu umte innsunga hongom na hi ua, kouten thungetna nei masa

gige ka hih manun," cikawma Russia kampau zanga thungetna ka neih aleh; alungtang uh khoih mahmah ahihmanin annek ding lam phawk pha nawnta louin, a sikkeu tawite uh bang akoih keh hial uhi. Thudot tuamtuam: Pa Pasion, Tapa, Kris leh Lai Siangthou thu khawng ahondong dong uha, zakha ngei nailou ahihmanun, lamdang sain a ngainuam petmah uhi.

Amaute laka thugen pen anuamlam hihet lou hi. Gentehna thu: Belam za khat neia a laka khat mangsak a, adangteng nusia a zongpa thu, ka gen leh a thesiam het kei uha; "Bangcidan hihiam, belam tua zahzah aneih theih mawk? Komionis pawlin laksak lou uhiam?" ciin hongdong uhi. Tuaphetin ken zong, Jesu pen Kum-pipa ahihdan ka hilhkik leuleu hi. Amaute'n, "Kumpi khempeuh hoihlou vek ahih manun, Jesu zong tuabang mi hi ding ahi," hong cihsan uhi. Grep huana nasemte gentehna thu ka hilh nawna, ajaktak un; "Hoih e, Hih mite'n Grephuan neitupa apana alakkhiaksak theih na ding ua helna a bawl uh, semhoih mahmah uhi. Grephuan pen mipite khuta aomding mah ahi, "a ci uhi. Ka genkhiat khempeuh amaute adingin a thak ahi a, atheithei mahmah kei uha, Toupa Jesu pianna thu ka hilh leuleua, tuatakin vantang mi ngaiha zong Pasion gensiat nacing mahmah mi sia, Tua Mary pen Pasion ji hi hiam?" aci uhi. Hibanga houlimna mi tuamtuam toh ka neihna panin, Russia mite Komioniste ukna nuaia kum tamtak omte laka Pasion thugen dingin, pauthak hiam tulai toh kituak silte toh teh siama gen kul hi tah e, cih ka theikhia hi.

Afrika gam laizanga Missonari sema va omte'n, Isai



laibu a “Na khelhnate uh san-au bangin om mahleh, vuk bangin a ngou ding,” cih thu pen lehkhiat hamsa a sa uhi. Amauten vuk pen amu ngeikei uha, vuk cihna ding kampau mal zong anei kei uhi. Tuaciin amauten “Na khelhnate uh san-au bangin om mahleh, kokonat (coco-nut) sung ngoutak bangin angou ding hi,” ciin a lehkhia-atsak uhi.

Tuamahbangin, kou zong Komiuniste theihshiam dingdan dana Tangthuphate gena ka leh kiat uh a ki sam hi. Tuapen koumau beka ka hihtheih uh ahi keia, Kha Sianthou in koute zangin A Nna, hongsem khia hi.

Tuma a Kepten leh Numei Buliam zong tuani mahin a hongpiangthak uha, Russiate laka ka nasepna uah zong hong nak panpih mahmah uhi.

Tangthupha bute, Pasion thupha kigelhna laidal tuamtuam tul tampi mahmah ka sunkhia uha, Russia mite lakah ka hawmkhe jel uhi. Russia galkap piangthak mite tungtawnin, Lal Siangthou bute leh laibu tuamtuamte tampi mahmah, Russia gamsung ah ka lalut thei jel uhi.

Russia mite laka Pasion thute hawmjakna dingin sepandan ding thak hoihtak zong ka nei uhi. Russia gal kap apang, aji a tate uleh a tenna Inn khawnguh kum tamtak nuse ta ahi uha; naupang khawng amuh ciangun a ngaithei mahmah uhi. Tuaciin ka tapa Mihaii leh naupang dang kum sawmnuai lam bangzah hiamte, Lai Siangthou leh laibu tuamtuamte a ziap khawngua paw-sakin kholai ka vaksak sek uha, Russia galkapten amuh ciangun ngaina mahmah in muamkhum bang leisakin ana zolsek uhi. Tuaciangin naupangten zong akipahna



uh etsakna dan deuhin a laibu puakte uh a pejel ua, galkapte a kipak thei mahmah uhi. Kou picingte adinga a langtanga sep dinga a lauhhuai mahmahte pen ka tate un launa omloua uangtakin a va semthei jel uhi. Amaute pen Russia lakah Naupang Missionari's ahi ua; a sep gahte uh ahoihin a lungdamhuai thei mahmah hi. Bangpeuh beidothuai taka a omlaiin, Russia galkapten hiban gin Tangthupha ana ngahthei uhi.

### **RUSSIA GALKAPTE GIAHPHUAL A THUGENNA**

Russia galkapte lakah mimal khatbek hilouin, mi bangzah zah hiam kkipawl khawmin thute genin kava semthei uhi.

Russia galkapte'n nai (sana) pen a deihthei mahmah uhi. Kholai vak a mipai tua sana bulh a muh ciangun aman uha, a sutkhe pahpah ua, a khut langnih bangun tam pipi bang a bulh ngenngon sek uhi (Russia ah muh hamsa mahmah hi). Tuaban ah sum zat ding a taksap ciangun ajuakkhe naawn ua, Rumania mi sana deihte in kiman deuh takin a va lei jel uhi. Tuabangmah in Kou Leinuai Saptuam in zong tua lei ding paulap aneiin Tangthupha hilh leh laibu piakawm in ka va hoh thei jel uhi.

Russia galkapte phuala ka hoh masak nipen dingin Ni thupi- Misiangthou Paul leh Peter ni ka tela, Sana lei ding paulamin ka va hoh hi. Nai honna juak khempeuh uh a man tamlua, a lian lua, a neulua cih pawl bang neiin a banbanin ka va vel hi. Galkap tampite'n hongum pelpualin, honna juak souhsouh ua, a tawpin ken zong

ciamnui kawmin: "Paul hiam, Peter hiam min nei khawng na omkha uhiam?," ciin ka donga, bangzah hiam ana om ngei uhi. Tuatakin ken zong" Tuni pen Orthodox Saptuamte'n misiangthou Paul leh Peter a pahtawini uh ahi cih na theikha uhiam?" ci a ka dot leh a lak ua upa deuhte'n ana theikha uhi. Tuaciin Paul leh Peter kici kuate hi uhiam ci-a ka dot nawnpah aleh, kuamah a thei a omta kei uhi. Tuaphetin amaute tangthu ka hilhpah lian hi. Galkap upa deuhtak khatin ka paulai hongtuha, "Sana lei dinga hongpai hiloua, upna thu gen dinga honghoh na hi ve; hihmunah tu inla koute hoihtakin honhilh in; Ahihhangin pilvang mahmahin; Kouten lauh ding leh lauhlouh ding theivek ka hi ua, tua nangmah kiima omte pen bel ahoih a gamta ngen ka hi uh. Ka khut na khuk tunga kon koih ciangin, Sana thu pen gen pah lian inla; ka lak khiat ciangin upna thupen gen pan nawnin, "honci ta hi.

Mi tamkuamin hon umkim vel ua, Paul leh Peter thute, Kris jiaka A sihdan thute uleh Jesu thute bang abanbanin ka hilhta hi. Muanmohhuai mite hongpai zeuhzeuh jel ua, tuaciangin ka khuk tungah akhut ahonkoihpah a, sana thu ka genpah lian hi. A paikhiat ua a khut a lakkhiat ciangin upna thu ka genban ka sunzompah jel hi. Hibangin Galkap Pasion thuawite huhnain, aphual uah kava hoh thei jeljela, tuaciin a lawmte uh tampi'n Kris a hon muhloh ua, Lai Siangthoubu zong tampi mahmah ka hawmkhe thei uhi.

Leinuai Saptuam a ka unau tampite uh hih thu jiakin matin aom ua, vuak leh sat khawng a thuak nasa thei mahmah uhi. Hihbangin thuaksak mah Ie-uh, mi



khat mah zong lunglel leh koute pawlpi langpang a omkha ngei kei uhi.

Hihbanga ka sepna lamah, Russia gama Leinuai Sptuamte laka unau khenkhat toh kimuhna hun lemtang bang ka nei thei jel jel uhi. Amauten thil tuah leh thuthak ajakte uh bang honhilh jel uhi. Amaute maiah misiangthou mel kilawmtakte muhin a om tawntung hi. Komioniste Sahkhua gensiatna nuai leh kalhna nuaiah kum taktak ana omta ua, mi tampite Komionists Sanginn (school) ah kisinin ana khanglian ta uh Ahihhangin amauten citui laka ngasa sa om, salimtak nei bangin a khate uh Kris ah siangthou leh mohna beiin a humbit thei jel uhi.

Hih Russia gamsunga Pasion thu awi miten haksain gimhuai mahleh kha kilawmtak anei uhi. Amauten "Ka lutung ua, aksi, sek (tubouh) leh kawite lim ka taaklatte uh - Kris kalh tute aa, ahih thei ung." aci ua, acih uh bang ngeiin a lu tungua suanlough theihlough ahihmana suang ahi bek uhi. Amauten a lawmte uh (Russia galkap pawlte mah) laka Tangthupha ka gennate uah hon huh hoih thei mahmah uhi. Amauten Pasion thuawite jia khempeuh, Kipahna cih louhngal aneikim uh cih ding ahi. Kipahna zong a pianthak tungun a neitham ua, ahihhangin a mangsak pah uhi. Limdang sa in Baptist saptuam mipa khat kiangah, "Bangcidan mawng hiam, kipahna pen na neih keei louh uh?" "ka cih aleh aman," Bangcidan peuhmaha kouten Pasion thuawi taktak ka hihnate uh, thumsektu leh a mangthang ding khate itna tak toh zohsawma ka pan taktak dante uh; koumau saptuam kentu Pastor mai nangawna



selguk kul gige ahih tel cianga kipakthei mahmah ding ka hi ua? Ka Pastorpa ulah Guksepalik (secret police) te adia enkhetu a guuk pan ahih ciangin. Kou leh koute ki-enkhia in, Belampu mah zong a belamte mansak (negai) tute a suakta uhi. Koute lungsim sungnung pentak ah hotkhiak hihna kipahna pen ka neitham ua, ahiihangin noute banga polam a kilang kipahna pen jaw nei theilou mah hi ung. Koute adingin Pasion thuawipen hamsa in lamdang mah hi. Nou a zalen gama omten khamangthang na mat ciangun noute om banga lungmuang taka om dingin na man ua, ahiihangin kouten jaw tuabang a khamangthang mat ka neih ciangun, thongke ding leh a ji hiam a tate uhiam, a pasal uhiam mah zong genthei taka nuse dingin ka mankha uhi. Kris kianga mite ka pilut ciangun ka kipak thei mahmah ua, ahiihangin aman piak ding ompah penin hong lungkhamsak nak hi," ciin hondawng a; hi petmah hi.

Pasion thuawi jat tuam mah mah pen Leinuai Sap-tuamte akipanin muin theita ung.

Amaute ah lamdang ka sak uh tampi omin ka mu uhi.

Pasion thuawite laka a taklou pawl aki om mahbanging; Russia mi Pasion om umloute lakah zong, ataktaka tua gindan umlou pawl om veve hi.

Russiami nupa khat Limbawlsiam (Sculptor), Pasion thutak ka hihh jela, amau "Hilou, Pasion omlou hi; Koute pen Pasion neilou (Bezbozhniki) ka hi ua; ahiihangin koute tunga thil hongtung jak nophuai tak khat honhilih n'ung, aci ua:

“Nikhat, Stalin lim pen ka bawl ua, Ka bawlsan laitakun ka jiin, ‘Ka Pasal aw, a khutpi bangloh ding ihia? Khutzung dangte sanga hoih zodeuha i bawl theih keia, khutzung leh khezung dangte toh kibang veka i bawlleh, sek leh vanzat tuamtuamte, laibu leh tanghou them khawng nasan len theilou ding hi; a hinna zong khutpi telloua hi theilou ding hi. Ahihleh, khutpi pen kua bawl hi peuhmah hiam? Maxism (Maxist kisinsakna) Sanginn (scholl) a i sintak mahbanging, Vantung leh leitung pen amau hici-a hongom khe mai ahi uh cih pen i theita hi. Amaute Pasion siam hilou uhi. Ka na sintaksa banging tuapen um ing. Ahihhanging, Pasionin vantung leh leitung pen siamlouin khutpi kia mah zong na siam hitalehzong-phatna leh pahtawinate piak pen killawm mahmah hi.

“Edison, Bell leh Stephenson te’n, Elektrick meivak, sikkhaua kihouna (telephone), Rel (Train) leh adangdangte ana mukhhiak manun phatin pahtawihang. Ahihleh, bangjiak peuhmaha — khutpi mukhetu pen phata, pahtawina petheilou mawk ihi hiam? Edinsonin khutpi pen na neikei leh, Bangmah mukhelou dinga, semkhe theilou ding hi. Tuahanging khutpi bek bawltu, Pasion zong biaktak hi, “honci hi, aci a.

Papisa tampite a jite un a dik leh ahilua khawng a hilhkhak ciangua ahehuh mah banging, a papi zong hong heh mahmah hi. “Tuabang thu haihhuai gen gen ken. Pasion pen a omhet kei cih sin zouta hi teh! Hih Innsungah banghiam aguka ngaihkhiaakna khawl bang na kikoih gukha hita leh, buaigawp thei ihi cih pen theilcu nahi hiam? Pasion pen om hetlou mah ahi cih kia ngaihsun



nawnin; Vantung azong kuamah om mawnglou ahi.”

Ka jiiin a hondawng nawn jela, “Lamdang zo semsem suak hi. Vantung ah bangkim siamthei khat om hi a theiin ka pu, ka paten na um ua. na bia bang hita le-uh zong khutpi pen nei mawngmawng dingdan mah kana hi a; Athupipen Pasianin Bangkim siamthei ahihmanin, khutpi zong bawlthei tham ding hi. Hitamah leh, Vantunga kuamah omlou ahihleh keimahin khutpi bawlpa “KUAMAHLOU,” pen bia a kun ding in Kithukim zouta hiing,” hongci lai dep hi.

Tuabangin “Kuamahlou,” betute a suak uhi. “Kuamah lou,” acih uh a upna pen uh hongkhanglian semsem a, khutpi kia thamlouin, aksite, paakte, nua-pangte leh mihing hinkhua-a a kilawm nna khempeuh siampa ngei hiin a umta uhi.

Hih pen, nidanglaia Paulin Athen khopi a “Theihloulouh Pasian,” bia a tuahte toh ka teh hi.

Hih nupate in kei a kipana, adiktak Vantunga om, “Kuamah hilou,” Pasian, Kha-a om, Itna, pilna, Thudik leh Thahatna kha anei; tua a maute it mahmaha, A Tapa tang neihsun sawla, Singlamteh tunga amaute adia kipumpiakpen; gingta a neikhata ahih dan uh a jaktak un; gentheih vualloihin a kipak pet pet uhi.

A theihkhak hetlouhpi mah ua Pasian tak umkha ana hi uhi.

Ke’n amaute hotdamna aneih uh kitheihcetna leh tatkhia ahihuh kitheih telna aneihna dingua kal khat suan dingin huhkha thei zenzen ing.

Nikhat, Russia Nungak Bu khat kholai ah ka tuak kha a, Ngaihdam ngen kawma va naihin akiangah,

“Kholai a theih ngeilouh numei houpih pen kilawmlou ahihلام theiing; ahizongin Pastor ka hi a, ka phatuamn-gaihna jiaak lel ahi jaw a; Thudang bangmah jiaak hilouin, Pasion thu hon kikuppih ut hizaw ing, “kava ciguih mawk hi.

“Kris itmi na hi hiam,” ciin hondonga, ken zong, He, ka lungtang tengtengin ka it hi, “ciin ka dawng pah hi. Tuaphetin ahon ngawngkawi a, ahon tawp (kiss) ekek a, Pastor adia tuabang nuamkhin khollou ahihmanin ken zong midangten kitanau ahon sak dinguh, cihna in ka tawp thuk samta hi. Aman ka kiangah, “Ken zong kris ka it hi,” ahon ci a; tuaciin ka Innلام ah ka tonpih ta hi. Ka houlim khawmta ua, Kris min bek a gena, thu dang theih aneita kei hi, ahihhangin Kris pen nasa takin A it mawk hi.

Hon dampa ahihلام zong atheikei hiala, ‘Gupkhi-atna,’ cih khiakna zong a theimawng kei hi. Tuategentak-louhin Jesu pen koimun a tenga, bangtobanganungta a - sii hiam cihte leh A thu sinsak leh A nasep khawng zong athei kei hial hi. Hih minu pen kei a dingin a limdangpi khat suak hi. “Bangcidana Amin bek na theih, iit thei mawk nahi hiam,” ci a ka dot aleh:

Amah numeiin, “Ka neulaiin ka saangkahna ah lim kigelhte apan lai sinsakin ka oma, ‘A’ taangin ‘Apple,’ ‘B’ taangin ‘Bell,’ ‘C’ taangin ‘Cat’; tuabangin adang tampi sinsakin leh hilhin ka om hi. High school ka tun ciangin — Komiunis gam venbit leh kep pen ka sep ding ci-a hilhin ka om hi. Ahihhangin bangcibanga siangthou leh hoih hi-uhiam cihpen ka theizou keia, tuabang theithei dingin, alimte toh hilh leh sinsak ka kul hi. Tuaciin,



Kapi-ka puten milim khat—mihing hinkhua a a kilawm, phattaak leh thudik khempeuh sika a kep uh khat ka mukhia hi. A min 'Kristos,' (Kris) aci ua, ka Pipen tua ma ah akun gige hi. Hihpen Amin bekma thei kahih hangin ka it hi. Hih min in keimah ah banghiam hihna riau khat neimawk hi. Tua thamlouin, A min bekma zong ka gen ciangin hong lungdamsak mahmah hi." ciin hong dawng hi.

A thugente ka jak ciangin, phillippi laikhaka kigelh thu khat, "Jesu mina mi khempeuh khukdin ding," cih ka theikhia hi. Kris kalhtuten bangtan hiamin Pasion theihna pen lamang thei mah le-uh; Kris min mawl tak ah thilhihtheihna (thahatna) aom a, tuain vakah hongpi ding hi.

Tuin keimah Innsung ngei ah, kipak mahmahin Kris a sangta a, athei tela; A min kia ana itpen, a lungtengah a nungta in a teengta hi.

Russia mi khempeuh toh ka ki thuahkhaknate uh tuabangin a nuama, honlunglawpsak thei mahmah hi.

Unaunu khat, Rel khawmun khawnga Tangthupha laidala kigelh hawmjak sek in, Russia mi bu lian khat amu kha a, ka omna Inn ahilha; nitak khat a honghoh ta hi. "Bangci dana ka Inn a hongpai nahi hiam? chi a ka dot aleh, aman "Vaakna zonga hongpai ka hi, "ciin hondawng hi.

Tuaciin, Lai Siangthoua thu tuamtumte ka simpih a, hoihtak mahmaha ngaikhia a ka khuk lenkawmin ka tu khawm uhi. Bangzah hiam ka sim zoh nungin, aman "Hon pikhial mahmah lou dingin kon ngen petmah hi. amialna laka om mite apan hongpaikhia ka hi a,

hehpihtakin hon hilhin; hih thu - Pasion thu taktak mah ahina hiam? ciin hondong thak thaka, "Himah e," ci a hoihtak a ka hilhcet aleh sawtlou sungin Kris pen a sangthei pah ta hi.

Russia mite pen sahkhua zuihna lama a jawntat hiam a daupan hiam khatpeuhmah zong omlou uhi. Sahkhua pen a dou uhiam, Kris ita a zon uhiam in zong cihtakna toh zongin a ki pumptiak pah uhi. Hihbanga agamtatna hangun Russia Kristiante peuhmah A mangthang Khate mantuin a pangvek thei pah uhi. Hihte hangmahin Russia gamsung lou, gamdang pen Tangthupha thehdalhna dinga Lei hoih hiam aki tuahpih mundang omlou cih theih hial hi. Amaute pen Leitung ah sahkhua toh kisai a akulumut mahmah ahi ua, amaute pen hoihtaka Tangthupha i piaksawn theih ualeh pen, Leitung kikhek zou hial dingin ka um hi.

Russia mite Pasion thupha a a dangtaak pente hina pi ua, mi tamtakin i phawk khaklough uh pen, a dahhuai mahmah khat ahi hi.

Ni khat Rela ka khualzin laiin Russia mi, Bu lian khat toh ki maingatin ka tukha uhi. Pasion thu ka genpih pat a leh amah updanin hon kalh pah hi. Lai Siang-Thou kalh mi minthang tuamtuam - Marx, Stalin, Voltaire, Darwin leh mi dangdangte kampaute lasawnin kei paunawn na ding awngsaklou hialin hon genpiha; amah updan Pasion omlou cih ah hon pilut a sawm samta hi. Aman a genzoh tak in ken zong, "Pasion omlou ahih aleh banghanga buaina hiam lungkhamnate na tuah cianga, thungetnate nei sek na hi hiam?," ci a ka dot leh, gutate i phawnkhak lauthawng a ombangin hon gena, "Bangci-



dana thungetnate ka neihlai hon thei mawk na hi hiam?"  
ciin hondawng hi.

Tuaciin ke'n zong, "Kei hon dotna pen hondawng masa in, hehpihtakin, bangjiak pen taka thungetnate nei veu na hi hiam," Ka cihnawn aleh, akunsuka "Kikapna phuala German mite'n hong umtuah laiun, Lungdong mahmahin thungetnate ka nei ngal ua; thungetna a sam ding mel zong thei tuan louin 'Pasian leh Nu - kha aom hi, 'ciin thungetna ka nei ngei uhi," honcikhia hi. Lungtang enpa a dingin tuapen thungetna hoihtak ahih mel zong theihlauh ahi mah hi.

Russia mite laka ka nasepnate un gah tampi tak a suangkha jel hi.

Piotra (Peter) pen thei gige ing. Russiate thongsung a kikhum koisan, koi mun pen taka sii hiam cihpen ki theilou hi. Amah pen upa nailou hial, kum 20 mi ding khawng bekma hi a, Russia galkapte toh kitona hong lutkhawm ahi uha, a guksima kikhopna a hong piangthakin, Baptisma zong a tangpah lian hi. Tua Baptisma a tan zohin, Lai Siangthou a koipen thu in a lung khoihpena, Kris kianga piluta omhiam cih ka dot aleh.

Ni khat ka kikhopna ua, Luke 24 a Emau lampi juana khualzin mi nihte leh Jesu a ki houlimna thu ka gen ana hoih ngaih mahmah a, khua a tun dektak un 'Amah (Jesu) paisuak dingdan pianin a kibawla,' cihlai thu mahmahin alungtang dawtpen ahi cih hon genkhia hi.

"Jesu banghanga tua cise hiam, lamdang sa ing. Bangjiak pen mahmaha paisuak sawm hiding hiam?"  
ciin hondong hi. "Jesu'n Amah a ngaina hiam, ngaina-

lou cih athei uta, ngaina ahihuh a theihtakin a kianguah a lutsam ta hi," ciin ka hilh hi.

Komiuniste mihoih tamlou hial uh ahi. Phutluiha mite zoh sawm ua, jingkala kipan jansawt tantanin hon thuhilh ngap uhi. A gam sungua sanginnte, Radiote, Thukijaknate, kongzing khawnga thugelh kitaakkhiate, etnop milim pai (taang) theite, sinemate leh kikhophawmna khempeuhte tuabanga thugenna leh kithuhilhna danin a zangvek uhi. Utin-utta kei le'ng, Pasion omlouci-a thuteng a kaihkhawmte Jesu'n hon zahtak sakin hon ngaih thupisaka, jaidam taka eite kongkhak hong kiuin, A hoih leh migitnain hongzou hi. Hibanga Komiunis leh Kris paijiate tehdana thu a kigenleh, amah lungtang pen a zouta hi.

Russia mite lakah Jesu hoihna leh migitnain a zoh pen amah bek hilou hial hi (Kei zong Pastor hi hilhial mah leng, tuabang dingin ngaihsutna ka nei kha mawngmawng kei hi).

A pianthak nungin Piotrain Russia gam leh Rumania gamsungte ah a lauhhuaipi lak mah ah tamvei pi mahmah Pasion thubu tuanna laidalte a hawm jak jel hi. Tuaciin matin aom khonga, 1959 tan suangkul sung angak cih a kitheia hilezong tu-a si khinta hiam, Vanmuna omta hiam? ahihkeileh leitunga kidouna hoih sunzomlai hiam cih a kitheikei hi. Amah omna pen Pasion lou ngal athei omlou hi.

Amah bangin midangte zong piangthak bek hilouin amangthang ding khate manin hong hahkat thei mahmah uhi. Kris adinga khamangthang mat thu-ah, eite i tutmuang mai dinguh hilou hial hi. Hahkat taka sem a, i



pan ciangua zong, i sep ding mah uh a kimkhat bek a sempan phet bang ihi uhi. Kris adinga kha i matte mah, adang kha mantu dia i bawl kisam hi. Russia mite pen a pianthak ciangun, Leinuai Saptuam ah hahkat thei mahmah uha, 'missionari,' bangin pangthei jel uhi. Kris adingin bangmah khawksak leh lauh himhim anei kei uha, a sep leh bawl khempeuh uah a ginpa uh Kris adinga semkhe tawm lua leh sem sawtlou law dingin aki thei uhi.

Ka nasepdan uh nihna pen Rumania mite laka aguka missionari na sep ahi.

Tua missionari nasema ka neihte uh Komiunisten amaituamnate uh ahawkkhiaksak pah uhi. Atunglaiin zekhemin saptuam lamkaite a maulam ah hiiplut teitei a sawm uhi, tuaciin zekhemna bek hitalouin thuaksaknate a tungsak uhi. Tul tampi mahmahte mata omin thongsungah akhumlut uhi. Tuaciin Russiate mahbangin koute lakah zong Kris adia khate mat pen a lamdang nasep khat ahongsuak hi.

Keimah ngei zong sawtlou nungin Pasion in Kris adia a honzohsak mi tamloute toh suangkul sungah ka taangkawm uhi. Dantan sungkhat a papi khat, a tate mi guk mahmah nusia a, a gintakna jiaka tansaka om khat toh ka omkhawm kha uhi. A ji leh a tate nek ding zong neilouin a na om uhi, amaute zong mukha nawnlou mai thei ahi. "Kris kianga nang konpi jiaka na Innkuan sunga hibang buaina leh lungkhamna hongpiangkha pen ah, kei tungah banghiam lung hihlouna na nei hia?," ci-a ka dot guih leh, "A lamdang Hondampa kianga non pina tungah kipathu genzoh vualloh ka

nei hi. Tua Hondampa ka muhna ding lampi danglah omlou hial ahi a, "ciin hondawng hi.

Hibang thil tungte laka Kris thu gen a kihilh pen hamsa mahmah hi. Pasion thute laibu khawngah ka sunkhia uha, Komiuniste, tuabang laibu kisunkhethak endik tuten zong ana paisuaksak jel uhi. Komiunis laibu endiktu khatpa lakah, laibuta khat a kawm tunga Marx, Komiunis mukhepa lim tuanna kapia a laibuta min dingin "Sakhua pen mipite phutluihna ahi," cihleh a dangdang ka zang uhi. Komiunis laibu hingei dia ngaih-sunin a Komiunis sealte a namsuak pahlian uhi. Hih laibu pek masate ah Marx, Lenin leh Stalinte kampaute ka gelh uha, tuaten endiktute a lungkimsak in laibute a hawmthoh sak a, ahihhangin a pek tawplam ah bel Kris tangthuphate ka gelh uhi.

Leinuai Saptuam pen bangtan hiam ah a guk aom mah ahia, bangtan hiam ah bel vuk khal bang in, a langtangin asem hi. Komiuniste pawl kholai fanga vakte lak bangah kava tel uha, "Komiuniste lai buta te ka va hawmkha jel uhi. Marx lem, a kawm tunga tuangte amu uha, deihlua in a kiphu nawinawi uhi. Saulou a sim nungun dal sawmna apha ua, tuaciang in Kris leh Pasion thu bek kigelhna apha ua; kouten lah gam lapi ah kapai khengta ngal ua.

Hibang sepdan thaka kithuhilhna pen a hamsa mahmah. Ka mite uh gimsakin aomua, a neihteng bang uh Komiunisten a laksak lai uhi. Loukhoumite lou leh gan vulhte laksakin aom ua, summet bawlte leh puankhui mite omna Inn neu nounoute natawm a laksak uhi. Mi haute bek hiloua a jawng leh tagahte neihsa natawm



laksak vek ahi uh. Inkuan cih te'n thongsunga khum mi a neikha ciat uha, kuapeuh a buaivek uhi. Mikhenkhatin, "Banghang hi dinghiam, Pasion itna in gitlouhna hibanga a vualzohsak mai," a ci hial uhi.

Ahi ngecia, Sin tawpni Hoih (Good Friday) ni-a Jesu'n Singlamteh tunga khaikanga aomlai a, "Ka Pasion, Ka Pasion, bangdinga hon taisan na hi hiam,?" a cihlai in zong Nungjui masate a dingin Pasion thu va genpen a hamsa veve hi. Ahihhangin Jesu mahin "Zoh ahita," cih kampau aneih nawna in, eite akipan hilouin Pasion apanin sep zoh theih ahi cih thudik hon thei sak thei hi.

Jesu'n eimah banga genthei Lazar, si dekdek leh puksi dekdeka oma, uiten a meima khawng aliahsak gawpgawp uh, ahihhanga atawpa Abraham angsunga piluta a omthu eite hon hilh hi.

## **LEINUAI SAPTUAMIN A LANGTANGA A SEP DAN**

Leinuai Saptuam pawlte, mite Inn peuh, gamnuai peuh, leinuai peuh leh amaute akimuhlem theihna te uah a kikhawm khawm jel uhi. Tuataka a langtanga sepkhiaik dingdan bang gelkhawm jelin konglai khawng ah thugennate bang ka nei uhi. Tuabang a septe lauhhuai mahleh sepdan danga septe sangin Khate tamzaw kaman jel uhi. Hibang nasepnate ah ka ji pen a lunglutin a hahkat thei mahmah. A umsa mi bangzah hiam khawng konglai khawnga kikhawm zokin late bang akisa a, tua lasakte ngainuamin Komuniste a hongtaikhawm ciangun ka ji in thugennate anei jela, Palikte pawl hong

ki latmain Ka zou jel uhi.

Nikhat mun tuamtuama nasema buaitaka ka omlaiin Bucharest khopi a Malaza khawlpì kongmai ah Ka Ji-in tua Khawlpì a nasem tul tampite lakah Pasian thutak, Hotkhiakna thu a tangkoupìh hi. A jingchiangin tua nnasem pawlten helna abawl jìakun mi tamtak kaplupin aom ua, Pasian thutak pen ahuntaka na zakha ahi maimah uhi.

Koute pen Leinuai Saptuam ka hih hangun, Baptistpa John mahbangin mi nautangte leh thukhen tute maiah Kris tangthupha ka gen jel uhi.

Nikhat, gíngtami nihten Ka gam Khawnbawl Lian pen (Prime Minister) Gheorghiu Doj innsung ah lut ava sawm uha, ava lut thei ngei uhi. Kris adia theihpihtu ava pangin Kumpipa tatkhelhnate - huham taka mite a thah uapana kiheia tawpsan dingin ava ci ua, tuaphetin Amah hehluain amaute suangkul sungah a khum ek hi. Kum bangzah hiam nungin tua Khawnbawl Lian pen achina a, kum bangzah hiam sung Tangthupha a gen jìakua a thuakna un gah ahonsuah panta. Hibang beidot hunin tua Khawnbawl lian in akianga thu kigente athei gige lai hi. Lai Siangthou a kigelh bangin, 'Namsau hiamtuah sanga hiamjaw leh thahatjaw' Toupa thute in a lungtang apheikhap ta a, tuaciin Kris kiangah a ki aapkhe theita mawk hi.

Tuanung sawtlouin amah pen a sita a, gíngtu nihten aman apiak ma-un, a upthak Honpa kiang ajuanta hi. Komiunis gamsunga gíngtu hangsangten ahinkhuate uh hibangin a zangsek uhi.

Hibanga Leinuai Saptuamin aguka kikhopnate



banah asim atham kiain semlou uha, konglai khawng leh vaihawmmite lakah zong hangsantakin Tangthupha tangkoupih uhi. Man tamtak ahia tua aman tamtakpen pe dingin koute a mansa ka hi uhi. Tua thamlouin, Leinuai Saptuam pen tuni dongin tua man tamtak pe dingin aki mansa gige ahi. Guksep Palikten Leinuai Saptuam penoudaltu hat omsun hi-a a theihmanun, nasatakin a dou petmah uhi. Ahi nguta, a suk chimih kei uale bel, Pasian omlou ahi ci a a sinsakna pen uh vualleding ahihman in ahi.

Dawiten alauhuaite atheihuh mahbangin guksep palikten zong alau huaite atheisiam mahmah uhi. Mi'n Kris aup aleh tuami pen ut dandana thuzohtheih, louh khua leh tui ahih louhdan zong thei mahmah uhi. Mihingte pen thongsunga khumin a bawlse thei mah uha, ahihhangin Pasian a upna pen uh bangmah alohthei kei uhi, hinapin lah hahtangpimahin a dou kenkan uhi.

Tuateng tuak-mahleh Leinuai Saptuamin amaute ait in a lainat mahmaha, tua ahihmanin palikte lakngei ah zong amaute hum leh panpih asim athamin a om uhi.

Koute laka gingu pawlkhatte, Palikte form bangbang silhsakin Palikte lakah nnasemin ka omsak uhi. Amauten a upna uh iimguin tuabangin a vapang uhi. I hihna tak gen ngamloua, lawmte leh inkuanpihte muhsit mahmah, Komuniste uniform va silha ompen, nuam ciamlou, ahihhangin Kris a itna hang bekun tuabangin a va om uhi.

Kholai vaka omlai gukmangin ka oma, kuamah theihlouha khumbilha ka omlaiin, kei-mah omna mun thei utin Aummi mah Zatou (Doctor) khatin guksep

Palik pawl a va zomta hi. Tua Zatoupain koimun peuha Zatou pen kilut thei dinga khum cibilha ka omna pen hong mukhe thei ding ci-a a lunggelna ahi hi. Komiunis suakta ci a ngohin a khanvual tengin mudahin a ensan ua, ahihhangin Kris ummi bawlsia leh gawt mite puan silha vak vialvial pen suangkul sunga tangte puan silh sangin Kris adinga ki pumpiakna thupijaw ana hi maimah.

Tua Zatoupa in leinuai thukpi sunga khuma ka omna munah ahong mukheta ngeia, damlai ka hihthu khawng unaute ana hilhsawnta hi. Tua suangkul sunga Kumgiat leh alang ka omsungin, ahongmukha a mah bek ahi hi. Amah hongmuh jiajin ka damlai thu khawng ana ja ua, tuaciin 1956 a U.S.A. President Eisenhower leh Russia President Khrushchevten kilemnathu a genkhit un-suangkul sunga tangmite khahkhiakin aoma, keimah ngei zong gingtami tampiten hon ngetsakna uh bangin hun sawtlou sung ding ka pawtkhe theita hi.

Keimah hongmuhkhiakna ding bekbeka guksepe Palikte va zom Zatoupipa hang hikeileh khahkhiakin ka om mawng kei dinga, tuanaksangin suangkul sungah (ahihkei lezong hankhuk sungah) ka om den ding hi.

Guksepe Palikte laka vakihel koute laka a ummite mahin, Palikte hongthah a sawmdan thu uh tam veipi hong hilh khol jel uha, tuate apha tuam petmah hi. Tuni dongin hicibanga aguka pang pawl Leinuai Saptuamin aki neitou jela, tampi ten houh dinmun sang pipi a va ngahloh uhi. Amauten Kris aupna uh selguin koute agukin honhuh tawntung uhi. Nikhatni ciangin amauten tuni a a guka hna a sep uh Kris thupen taangpi



theihin a phuangjak ngei ding uhi.

Tuabangteng ahihhangin, Leinuai Saptuam mite pen theihkhiak pawl bang omjelin, tuate suangkul sunga lutpal aomjel uhi. Ahangbel, Kou pawl lak ngeiah zong Juda Iskariot bangbang, mi tampi aommanin. Mite vua, bawlgawp loh sualgawpin; a unaute uh matsak dinga zongin ciklaipeuhin a maute zong a na tha-it mahmah, veve uhi.

## SEH II

### KUM 8 SUNG GUKMANGA AOMNA

Alangtang hitaleh Agukin zong February 29, 1948 tan ka sema, Tua Ni pen Ni thupi leh kilawm mah mah Ni khat ahi a, Biakinn lam juana ka pai laiin Guksep Palikten hon gumang ta uhi.

Tumalamin Lai Siang thou a “mihing kiguuk, “cihte kigen veukha a omdan ka theitel keia, tu-in bel Komiunisten honghilhta uhi.

Tuahunlaiin hibangin midang tapi zong gukmangin naom ngeimah uhi. palikte moto khat ka maiah hong khawl guiha, asung atuang mi-te hong tawmkhia in, keipen manlangtakin moto sungah hongguang lut uhi. Tuaciin hun sawtpi a dia gukmangin kana omta a, Kum 8 sung mawngmawng ka sih-kahin atheipha omlou uhi. Suangkul sunga tang mi khenkhat suangkul sung pana pawtkhe phetmah bang akibawlin ka ji bang ava veh uha, ‘kei kivuina a tel bangin,’ ava kigen uhi. Ka jiiin tuabang thu a jak ciangin alungkham petmah hi.



Tua hunlai mahin Saptuam pawlcih akipanin mi tul tampi petmah suangkul sungah hong kikhum hi. Saptuam lamkaite bek hilouin-mi malmal zong aupna hang ua Kris gum tentana, Kris adinga sahkhhi taka pangmi peuhmah hong kikhum hi. Suangkul sungteng mi kidim ta a, Komunist gamdangte mahbanging Rumania ah zong-suangkul sunga ompen bawlsiat leh gelgawtna thuk ding cihna a hi mai hi.

Bawlsiatna ka tuahte uh a mulkimhuai thei mahmah hi. Tuabang ka thuakte pen gentam nuam keiing, mulkimhuai thei mah ahihmanun; i gelkhak ciangin jan bangan ki ihmu theilou hi.

Laibu dang khat 'In God's Underground' cih ka gelhna ah tamzawtak ciangzaw leh kitel takin Pasion toh suangkul Sunga ka ki thuahnate uh ka gelh hi.

### ***Genvuallouh Bawl siatnate***

Pastor Florescu pen, temta a aat leh mei-aam (siik aam) khawnga bik a vuak leh satnate athuak hi. Tuazohin a kikhumna sungah gilkiial mahmah Zusa (saju) honpi khat a khahlut ua, jan khovaka ihmu theilou hialin a ki veng hi. Akhawl zek ciangin tua zusaten kikeih huan a sawm jel uhi. Nipi kalnih sungjen sun leh jana din sakin aom. A unaupihte genkhia a va mat dingin aphu ua, atawpin a tapa kum 10 lela upa honkai lut ua, apa mai ah a jep ekek uhi. Apa'n a deihna bangua a genkim vek masiah tuabanga vuak dingin a ci uh. Pastor pen a hong hai phiala, a thuk teiteia, himahleh a tawpin atapa kiangah," Alexander aw, a deihna bangua genkhe mai ding ka hi-ta, Ka thuakzou nawn mahmah kei, "ci'n a

hong kikou khia hi. A tapa in, "Pa aw, alawmte hekkhia a man saktu pa a honnei hial dingin, ka tungah bangmah diklou takin bawl het kenla, thuak teiteiin. Ahon thah hial ualeh 'Jesu leh Ka Pa Gam," cih thumal toh siding ka hi," ciin a dawng hi. Tuatakin Komuniste ahong thangpai diakta uha, tuang tunga sisan kitheh jiajua zou khop hialin naupang pen a satpai ua, mitphiat kal tom-louin a sipahta hi. I unaupa uh Florescu penin hibang a tuah nung sang nidang abangthei nawn kei hi.

A sunglam sikzum adim sikkol hongbulh sak uha, athuak-hak thei mahmah mai. Taang lou hiala ka omtheih laiteng uh hongsun kei ua, mun vot mahmah khawnga honomsak veu ahihmanun, khodam sain ka liing konkon sek uha, tuaciangin hongnak sut semsem hi.

Pasian thu-ummite a bungbu-a khaia kivei gong-gong khop hiala vuak leh saat khawng; vuk bawm, vot mahmaha khum bangin a ki om hi. Puan pan mahmah silhin tuabang vukbawm vot sungah khumin ka om hi. Suangkul sunga sem Zato tein Baang awng vangpanin hong en-gu gige ua, votsa a sizou ding phiala ka om ciangun akin a kinin honvengtute hong koihin hong lakhia jel ua, ka thuakgim petmaha, tuni dongin Vuk-bawm bang zong honkhiak ding hamsa ka sakloh hial hi.

Tualou zong, koute pumpi sanga lianzo zek singkuang sungah khumin ka om uha, akil teng ah sikzum a pousak uha, taang hetloua ka omlai teng unbel, ahon sun khol kei ua, ahihhangin, sawttaktak hon dingsak uha ahihmanin ka cii banguh aliinga, tuaciangin hon dawt kha nak sek uhi. Komunisten Pasian thu-ummite hon



soisak dante uh thuakngap huailou ngen ahi. Amauten hong bawl siat ciangun a kipak thei mahmah ua “Koute dawite hi—ung,” akici zomah lai uhi.

Koute doute jaw sa leh sisan ahi kei ua, lalnate, thuneihnate leh hiai khovela vaihawmmite ahi jaw uhi. Komiumiste ciindan pen mihing akipan hilouin dawite akipanin tuabang nna, sem ahi uh cih muh khiakin aom hi. Kha-thahatna, dawi-thahatna ahi a, tuate Pasion. Kha bekin a douzou hi.

Hong bawl sia mite lakah, “Na lung sung ua heh-pihna neukha beek honneilou na hitel uhiam? tatkham louin sathau in na kangthei kei dinga, sing zong atthem omlouin na ekkhe theikei ding “ciin hon dawng jel uhi. Ken zong, “Hih Lenin kampau pen kenzong ka thei hi, Ahihhangin hihthu toh kibang deklou hial hi, Singpen na tan ciangin tua singin bangmah phawkkhalou hial hi. Nouten mihing khophawk theite bawlsia nahih manun, na vuakna khempeuh uh na a sa theivek uhi, “kaci kik a Bangmah phatuam tuanlou hi. Amaute nna (material) toh kisai lua uha a mihinpihte uzong sing leh aktui hawng bang lelin hong gelkha uhi. Hibang upna pen adiklou leh gitlouna in a amaute lungtang jelzou mahmah hi.

Pasion om gingtalou mite gitlouhdan leh nunsiat dan pen gintak hak sa hial hi. Mihing nahoih sep jiaka kipahman muhhiam, nahoihlou sepmana gawtna muhding hiam omtuan ahihkeileh kidekna dinghiam migitna ding tuam omlouhi. Mihingsunga gitlouna omin hun ta ci-a tawphun neitheilou hi. Komiumis mibawl siate’n “Pasion omlou hi, tunung hun cih zong

omtuam kei, gitlough ciingte kigawt cihzong omtuam louhi; koute ka ut bang khat ngial in houh, "Aomlah ka up mahmah louh Pasion tungah lungdam thu kou ing; ka lungtang sungah gitlouna oma tuate ka ut bang-banga ka zattheihmanin leh hinna ka neih laimanin, "acih kaza hial hi. Hibanga ngaih sutna uphuai lou lianga hiamgam leh a mulkimhuaipen, hentate tungah kisungbua gige hi.

Ganhing khat Ole in mihing bang nane taleh thangpaiin poisa mahmah ning, ahihhang Ole pen mihing banga lungsim ngaihsutna neitheh ahihlouh manin salin hilh thei keiing. Amah pen Ole himawka, ganhing ahih manin. tuabangin Komiuniste salha vatai pen a kithaman hilou hi. Komiunis paidan leh ciindanin amau mimala hoihna omte lak mangsak veka, amihinpihte uh ahehpih theihlounate uleh anunsiat-gamtat hoihloute uh bang, kihak theihpih zomah lai uhi.

Amaute akipanin sinkhiat khat nei ing. Amauten Jesu adia a lungtang ua mun neuta khat mahmah zong a otnop hetlough uhangin, ken zong ka lungtang pen Setan adingin ka awn hetkei dinghi.

Amerikaa vaihawmna Innpi (Senate-Parliament) a International Security Sub-Committeete ma ah dipkuathuai leh mulkimhuai mahmah thute ka genta hi. Kristian mi khat, Singlamteh khat a hen belha, sunli leh jan li a khaithu khawnguh, tua mipa maitang leh a pumpi ah aut dandan in bawl sia in a thuaksak uhi. Tuaciin, a domkang ua a dingsak uha, Komiunisten a enghou uha, "Enmah dih uh, Na Kris uh! a kilawm ngei e, Vantung panin gim namtui honkhe nasa na maijen e!"



cihkhum uhi. Siampi khat a vuakgawp nungun, vuakgawp aom sam a Kristianpihte laka Topa Nitakan (Sakramen) dia zun leh ek hawmdia a sawl teitei thu uh zong ka genta hi. Hih thu pen Rumania gam sung khat Pitesi khua a thiltung ahi. Tua Siampipa laka tuabang chiamnuih thu-a, na a sepsanga banghanga sih telzaw mailou na hiam ci-aka dot aleh, "Hephihtakin, kei tungthu hon vaihawm sak kei un, Kris sangmahin zong ka thuak tam zaw hi," ci-in hongdawng hi. Komiunis suangkul sunga ki soisaknate toh tehkakin Bible a gawtmun kigente leh Dante's Inferno-a thuaknate bangmahlou bang ahi uh.

Atunga thil tungte pen Pitesi suangkul sunga Nipini khata thil tung lel ahi ua, ni dang khawnga te bel genseng ding hilou hi. Hibang thute ka gengen aleh ken zong thuak zoulou kha jel kahihmanin gen-gen zong nuam kasa kei hi. Hibang a Kris-a unauten nathuakta uha, nathuak lellel lai uhi.

Upna lam toh kisaia a suanhuai mahmah khat Pastor Milan Haimovici ahi a, Suangkul tangte akitam mahmah manin a sungah kinch gawpin kioma, ka minte uh zong a hong theiseng kei uhi. Suangkuldan bohsiat mana 25 vei ciangtoh jep dingmi bangzah hiam aomua, aban banin a samkhia uhi. Hih Pastor in midangte thuakding ana thuak kha veua, tuahangin miten zong a zah mahmah uhi. Tuahangin ama muanhuaina leh cih-takna hangin Kris zong a zahtak loh hial uhi.

Komiuniste huham dan leh a sawi uh gingtute thuakna satdante pen gen jelni cileng zong, genkhit zoh ding hilou hi. Ahan san dante uh thupi mahmah hi. Suangkul sunga ahansan dan te un a tang nailoute lung

tang zong akhoih pha hi.

A khatpen Leinuai Saptuam a nasem nungaknou khat ahi. Tangthupha a guka a phuankhiak jeldan leh naupangte Kris thu ahilh jel dan Palikten atheikhia uhi. Anase theipena gawt ahihtheihna dingin alunggel ua, amanpah kei ua; nibangzah nungchiang hiama pasal nei ding ahihmanin tuani a mata suangkul ngaksak dingin a gel uhi. Tua a pasal toh a kitenni ding, a damsunga ani kipahhuaipen zang dingin hongki jema, thakhat thuin kongkhak hongki hong guiha, guksepe Palikte ahong lut huthut ta uhi.

Tua Mounu dingin ana muhphetin, a kol bulhsak dingun akhut anape pahhi. Tuaciin hehpihna tellou hialin akhutate kol a bunsak pah ngal uhi. A it mah mah a pasal ding enkawmin a khuta kolpen a tawpa, "I kitenni ciit ciata hibang suangmantam hongpiak manun leh Amah adia thuaktaka seh ka hihmanin lungdam mahmah ing, "acihkawmin Kristian dangte leh a pasal dingin, mittui toh enkawm vungvungin a pikhe ta uhi. Komuniste khuta nungak aom cianga a bawl siatdan ulah theihsa a hi a, Kum 5 sung soisaka a om nungin Kum 30 val mahmah mel bangpu hialin honkhah khia uha, huhamleh nasetaka sawia om ahi cih aki theikhe mahmaha, hibang hun sungin a pasal in ginomtak in a ngaka, a hongpawt khiaktak in, "Ken Kris adia ka sepkhiak theih sun sun hibang ahi," ciin kipahmel toh hongpai khia hi. Leinuai Saptuam ah hibang Kristian deihhuai taktakte a om seuhseuh uhi.



## **LUNGSIM KHEK DIA KHUAK SOISAKDAN (SILDAN)**

Tumlam miten khuak sildan (brainwashing) Korea kidouna leh tulai Vietnam kidounate jia kin a theita uhi. Kei zong kakhuak hon sil sakta uh. Kisoisaknate lakah jaw a mulkimhuai pawl mah mah ahiding. Kum tamkuam sung pen, nisim in dakkal sawm leh sagih sung-teng hithu bek ngaikhiain ka om jel uhi:-

Komiunis hoih hi! Komiunis hoih hi!

Kristian hihpen haihuai hi! Kristian hihpen haihuai hi!

Tawpsanin! Tawpsan in! Tawpsan in!

Ni tampi, Kal tampi, kha tampi, dakkal sawm leh-sagih sungjel, Kum tamkuam tak buanin kaom uhi.

Kristian tamtakin hibanga kibuanna pen ka zoh theih danuh hongdong khasek uh. Tuabangte zoh-theihna dan lamkhat bek aom:- Tuapen "lungtang silsiang," ahi. Jesu Kris itna in lungtanga silsianga, tua lungtangin Amah a itnak leh pen ki soisakna bangpeuh zong a thuakzou thei hi. Hehpihna toh kidim ji-in, a pasal adia a ngaplouh bang aom a? Nu-itna in a ta a ding a angamlouh bang aom a? a Nausena panga khoilian Mary banga Jesu nait nak aleh hibang soisaknate nathuakzou ngei ding.

Pasianin eite thuakzohna sangin eite hehpihna a en jaw hi. Komiunis suangkul sunga tang Kristian ten zong bangci zahta itna nei uhiam cih a theitu leh na enkhatheijel kahi a, Pasian leh mibing pen a hehpih petmah na uhi.

A bawlsiatna uleh gel gawt utnate un tawlngak utna

hun anei kei. Hong bah mahmaha, khawphawkloua ka omlaiin leh ka lawmte hihbanga kiphuangkhe dia hon lamet bangua ka omzoh louh nungin ka omna dantana hongkoih nawnuh ahihtuaka, khua phawklou leh si dangin kalum mai maha, ka hong halh deuh cianga hon vaw nawn dingin honna tang ana hi ua. Hibang in mi tamtak zong abawl sekmah uhi, kei pen bel bangcidan hiamin honsoisakna mun ua panin kahongkik thei vanglak jel hi. Ka nungjang guh lite leh ka guh dangzong hon suktan-sak uha, mun tam tak hon suliam uhi. Ka pumpite bang ahal uha, mun sawm leh giat tak a kuak kiaukuau, Oslo khopi a Zato (Daktor) ten, hibang a kalam mate leh ka tuap a T.B. natna pawnte a muhun, hi bangin ka dam theilaia ka gamtang cihte bang alamdang nakhat jaw ahi peuhmah aci hial uhi. A damdawi sinna laibute gendan bang hileh tuma peka si khinta ding ka hi a, keimah mah in leng a lamdang mahmah khat ahi cih zong ka thei hi. Pasion pen a lamdang mahmah semthei Pasion mah ahi hi.

Sik bangum sunga Leinuai Saptuamte ading leh, amaute tang a kahong kikou khiak theih na dinga Pasiannin hibang nna lamdang ka tunga hon semkhia ahi cih kaum hi. Eite sanggamte muanhuitaka thuakte thukhah, hon tangkoupih ding leh, a dinmun uh na na theihpih theihna dingun damtaka ka hong pawtkhiak theih nawn pen Topan lem asa hi.

## **HUN SAULOU SUNG ZALENNA— ZATNAWNNNA**

Kum 1956 a hong hita a, Kum giat leh a kimkhat



sungkul ah ka tanga, Ka pumpi inzong asiatphah mah-maha, ka pang lah meima pawnin a dimta a, nase taka vuak leh satin kaom sek a, gilkiak leh vuaktang, puksi phialphiala koihin kaom a, thudot leh vaugawp ngiin-geiin ka omhi. Hitamahleh, amau lungsim banga omloua, ka tunga lametna himhim aneihnawn louh takun ahon khahkhia uhi. Suangkul ka tan tungtanga housiatna leh demna ding a zong lailai uhi.

Ka dinmun ngeia omding pen nipi kal khat sung bek hong phalsak uhi. Nihvei bek thugenna ka nei mana, honsam nawnpah ua, thute gen nawnlou ding leh sahk-haw thila ki tahlut nawn lou dingin hon vau uhi. Bang ahia kana gentaak? Ka suangkul tanpihte dohzohna nei dingin kana hasuan jela. Dohzohna mahmah nei dingin. Tua dohzohna nei dinga ka hilh ciangin "Na dohzou le-ucin America ten hong hunkhe ding uh ahi, na cihna hiam ciin Palikten hong hawkkhum jel uhi. Hun hongki hei jelin, nna zong hong kikheng jel hi, ka cih chiangin Palikte mah in, 'Communisten vaihawm denlou dinguh ahi, na cihna ahi a, na juau pumlum ahi,' honcihsan jel uhi. Hibang a seppen mipi vantang laka ka nasep tawpna ahonghita. Vaihawmtuten aguka thugen khawng amaute lauhmanin ka sunzom ngam nawnkei ding cih bang hon-gingta uh ahi maithei. Ahihhangin agingta khial mahmah ding uhi. Aguk mahin tuma lama ka nasepna mah ah kakik nawnta a, ka Inkuanten hon hub nasa ngial uhi.

Tuaciin, a muanhuai mi kiselgute lakah ka nasep pen ka sunzom thei veve a, ginna a a kiplou mite lakah Pasian om umlou mite ngaihdan a diklouhdan genin,

amaute hanga liamma ka thuakdante bang etsakding kana nei ta a, Pasion uma hangsan dingin ka hantoh jel hi. Tuaciin tunglam thahatna in amitte uh ahihduk communiste lakah a guka Tangthupha thehjak dante bang ka gel ua, Miten Pasion nasep pen amuh theih kei ualeh, A nasepmu te nasep zong mu theilou hial ding uh ahi.

Atawptawpin, tawlnga loua ka heisuk-heitouh hongvilden Palikten hon mukheta ua, suangkul ah hon khum kik leuleu uhi. Tutungin jaw mite theih mahmah ka hihtak jiaq adiam ka Inkuan te a man kei vanglak uhi. Kum giat leh akimkhat sung khumbilhin ka omta a, Kum thum bek zalenna ka ngaha, tuin Kum nga leh akimkhat sungmah tang dinga sehin ka om nawnta hi.

Tua ka tan nihveina pen amasate sangin a huaise jaw hi. Ka pumpiin a thuaklela, siatlam Ka manoh huaihuai hi. Tuata kallak ah Communiste leikawm (nuai) sunga Leinuai Saptuamte lakah Toupa nna pen ka semzom thei veve hi.

## **TAN KA KIHAWM UA KOU THU KA HILHUA AMAU HONGVUA UH**

Hena om midangte laka thuhilh pen hahtangpi-a kikhama ahi. Tuabang laka thuhilh teitei pen nasetaka vuak ding ahi cih pen kuapeuhin akithei hi. Koute laka tamtakin tuapen lau tuan louin thuhilhna pen neihding ka sawm tentan uhi. Tan kihawmna nei kahi mai ua, kouten thute gena, amauten honvuak ding. Kouten thuhilhpen ka kipahlam uh ahi a, amauten hon vuak pen a kipahlam uh ahi jela, kipahna lam nei ciat ka hi mai uhi.



Unaupa khatin a kol tanpih khat thu ana hilh laitak hon vengtuten amu ngeiua, aman pah ua, akai khia ua, a jep ek ua, bah gawpa si phiala aom nungin tuanglai ah a hong koih nawn uhi. A pumpi a sipawt niaunuau leh a lupna a si luang jejua kawmtoh a taisan uhi. Sawtlou nungin khua honphawka, a hongthou khia a, "Unau, hon tohbuai lai ua ka thugen nanungpen kha bang eita?," ciin mite dongin a thugen maban a sunzom jel hi. Hibangin tamvei tak hondong sek ua, theih zong kithei seng lou hi. Akilawm taktak nnate zong musam ing.

Akhenciangin thugentute pen mi mawl mahmah ahi uhi. Kha Siangthouin a zat ciangin mi mawlte thugen mahmah a khum diak hi. Hibang hun haksa laka thugen pen nuamciam lou hial ahibangin, a gen vanglak ten alungtang tengteng utoh a gen jel uh. Tuaciin, tangvengtute honglut dingua, siphial mahin hong jep nawn dingua, tuabang a nna pen hongpiang jel hi.

Cherla khua suangkul sunga tang, Kristian khat Grebu pen vuaklup thoh dinga a tungtang thutanna bawl ahi a, Awlawlin a khen ua, Khatvei a siakbawk ah a khen ua, Sawtlou nungin a khen nawn ua; Khawphawk-lou leh siphiala a om ciangin Zatou in zatuiin a kapa, a honghalh nawn ciangin ann limlim a nesak ua, tha hoih a honneih nawna dingin. Ahoih deuh ciangin a khet ngeiun a khen nawn ua, a sih dongin tuabangin a soisa uhi. A soisate laka a makai leng Communist pawl Central committee member laka khat, amin zong 'Reck', kici ahi.

Hih mipa Reck in akal laklakin Unaupa Grecu kiangah communistte hihdan ngeina bangin a gena,

“Ngai in, kei Pasion ka hi a, Nang tungah sihna leh damna thuneihna ka nei hi, Vantunga omin nang dam leh damlough hon gen theikei. Bangkim keimah khuta om ahi. Ka ut leh na dam dinga, ka ut leh na si ding, Pasion ka hi’ ciin. Kristian dangte kiangah leng tuabang ngenin a ci hi.

Tuabang dinmun mulkimhuai leh haksa taka Grecu a omlaiin, dawnna ngaihnop huai tak lah bangin a dawng cih amah Grecu ngeiin honhilha, hicibangin agena, “Na thugen a thukdan theisiamlou na hi ve! Pasion mah jaw na hi ngei hi. A khan ding dan bangtaka tangngolte zong a khanlet ciangin a tawp ah pangpalek hongsuak thei hi. Nang leng mite soisa leh thattu dinga bewlkhiaik na hi hetkei a, Pasion toh kibanga siamkhiaik na hi. Jesu ngeiin a damlaiin amite kiangah ‘Pasiante na hi uh,’ aci hi. Pasion mijia pen nangma lungsungah aoma, Tampi, nangmah banga mite bawlsia a soisatu - Sawltak Paul mah bangin, ni khatni ciangin nna hoih septheihna ding hun a neihlaiua hoihloupi—a a omlai hunte uh zumhuai lua ahihdante akiphawk khe sek uhi. Tuaciin, Pasion mijia koppichte ahonghi jel uh. Tua ciin nang Mr. Reck zong, nahihna ding diktak pen jaw mite bawlsia a thahpeuh hilouin, Pasion—pasion batna nei na hih jawk ding ahi,” aci hi.

Tua thugen ajak laiin Reck in bangmah in a sim kei, Saulin Stephen thugen bangmaha a simlough mah bangin. Himahleh tua thugenten alungtang ah nna a sem dena, anung sawt kihallouin ahihnading diktak pen hon theikhe samte hi.

Communistte satna tengteng leh, soisakna leh



huhamtaka a gamtatna uapan sinkhiak theih hongki lang jaw-pumpi tunga heutu pen Kha ahi cih ahi. Hon soisak laiun a kithuak ngeia, Kris loupina leh eimah ngeia a omna in, huai pumpi thuaknate pen gamlapi leh eimaha omkha khalou bangtakin hontheisak thei hi.

Kal khat sunga tanghou beu khat bek leh antui ningtak mai nisima honpiak laiun zong sawma khat piak ka sawm sek ua, Nipi kal sawmna jela tanghou beu khat ka donte uh, koute sanga hatlou jaw unaute piain, Toupa laka sawma khat pia in ka ki sim mai uhi.

Unau Kristian khatleng si dinga sehin aoma, a sih ma a, a ji muh ding a phalsak uhi. A ji kianga a thugen nanungpen hi bangin a gena, "Kei hon that dingte itna toh si ding ka hi cih thei gige in. A nasep uh atheikei ua, nangmah kianga ka hon nget leng amaute na it ngei ding ahi. Na ittak honthahsak jiafun haw het ken. Van tung ah iki mu nawnna ding hi," cih ahi. Hih thugen ja, palik bu lung akhoih mahmaha, anungin Kristian asuaka, suangkula a tanna ah ka tangkhawm ua, hon hilh hi.

Tirgu-Okna suangkul ah valnou khat Matchevici henta aoma, Kum 18 beka upa ahih apan tang ahita. A soisak nasat jiafun T.B. aveiloha, bangci ci hiamin a omdante a Inkuanten ahon theikhia ua; streptomycin kikapna buk 100 a honkhak uhi. Suangkul veng Poilitical Officer in a sam ta a, a parcel ensakin hibangin a gena, "Hiah, enin na damzoh nangei ding zatui na inkuanten honkhak aoma, ahiihangin inkuante akipana vankhak himhim suangkul tangte adia phal ahi kei. Keimah ngeiin nang hon panpih ka ut mahmaha, Na naupang lai ngala, suangkul sunga tanglum hial dingin

ka hon deih het keihi. Tuahangin ka hon panpih theihna dingin nangzong honpanpih inla, Na tanpihte tancin hon hilh inla, hileh ken zong hiai parcel ka honpiak phal theihna jiak, ka heutute laka ka gen theih na dingin," aci hi. Matchevici in a dawnga "Limet a ka ki et cianga lawmte juausanpa muh veu ding jaw ka ut kei, tuabanga ka hinsangin si nuam zaw ing, "ciin. Tua Officer pain akhut a singa, "Ka hon phat khop mai Nang a kipan hibang kana dawnga dik ka lamen kei him uhi. Thudang khat kon dong nawn ding: 'Na hen takpihten bangkim hon zasak gige ua, Communist utin nangzong hon hek jel uhi. Bak banglel ahih uh ka thei ua, ka um kei hial uhi. A gente uh bangteng dik hiam cih thei ut ung. Nang ading in bel hektu a suak ua, na sep leh bawl khempeuh, nang adia lauhuai pipi hong hilh vek uhi. Na lawmte na juausan utkei cih ka thei uh. himahleh nang hon dou tute tancin hon hilh ve, tuaci-a nahinna na ki hutkhiak theihna dingin, "aci nawn leuleu hi.

Matchevici in "Kris juitute laka khat ka hi a, Amah ngeiin malmate nangawn it dingin hongci hi. Amaute ka melma himah le-uh, siatna jaw siatna in ka thuk nuam kei. Amaute heksia a ka bawl siat ding sangin ka thumpih jaw hi. Amaute ka hehpiha, kei communist toh ki khutzop ding ka ut kei hi, "acih san hi. Matchevici pen a tanna dan tan ngeiah Political Officer toh hongton ua, ka omkhawmna dantan sung ngei uah a sita hi. Asih lai ngei zong ka mu a, Hinna pen adang taak mah leh Itnd in a zouta hi.

Mi genthei jawng mahmah zong, la leh tumging ngainami ahihnakleh aneih sunsun sengin a ngaikhe sek.



Tuabang ging kilawmte a zaknoplam ahihmanin sum tasam a om leng khawk a sa kei.

Kei zong suangkula kum tampi ka tan jiakin zong khawk kasa tuan kei. Akilawm mahmah nnate kamu tama, suangkul sunga tang hatlou taktakte toh zong ka omkhawm a, mi siangthou, ginna a mi suanhuaite, kum zabi masa a Kristiante toh kibang hialte toh zong ka tangkhawm uhi. Kris a dinga si dingin lungdamtakin a paikhe jel uh. Tuabang mi siangthoute ginna a kalsuan mi suanhuai taktakte khalam kilawmnate genchet siam ahaksa mahmah hi.

Hiai a ka gente alamdang tungtuan hi tuamlou uhi. Leinuai Saptuamah a lamdangpipi nnate zong lamdang salou zou hiala ahi dingmah a koih pawl a tamta hi.

Leinuai Saptuam pen Itna Saptuam ahi.

Suangkula ka lut main Kris pen ka na it mahmaha, Tuin suangkul sunga Kris mou, A Khalam pumpi, ka muh nungin Kris ka itna toh kibangin Leinuai Saptuam leng ka itta hi. Amaute kilawmna leh kipiakzohnate lah ka mitngeiin ka muta ngala.

## **KA JI LEH KA TAPA TUNGA THILTUNG**

Ka ji laka kipana pikhiak tuama ka om nungin, amau bangciin a om jel ua cih pen ka theikei. Kum tampi nungin bel suangkula na tangtei ahi cih ka thei. Pasalte sangin Kristian numeiten suangkul sungah a thuak nasa jaw uhi. Tangveng gilou leh huham taktak ten nungakte khawng a pawngsual sek uhi. A thohdan uleh a bawldante uh a kihhuai thei mahmah hi. Numeite pen tui jawlna ding leipal a tousak ua, pasalte mahbangin a

semsak uhi. Phalbi laiin leng suahtdul (lei luahna) khawngin lei a luaksak jel uhi. Nohci juak utte a tate vengtu a koihin a om jel ua, bawl siatna lamah aki dem sek uhi. Ka jiin a nuntakna dingin Bawngte bangin loup a ane jela, hiai tui jawlna dinga nasema om gilki-alten jusate leh gul tanpha ane jel uhi. Pasion Ni-a tang vengtuten a kipahpih pen ubel, Numeite Danube luipi a paihkhiaka, va lakkhiak nawna, a kizepna puansilh laite uh kawt gawp toh om gian-guante nuhsanin a otkhum jel ua, a luipi mahah a paikhe jel uhi. Tuabangin keimah ji ngei zong a na bawl sam uhi.

Nu leh pa tuabanga khummanga ka om nungun ka tapa pen uh kholai khawngah a na vakthap hi. Mihai in (tapa min Mihai ahi) a naupan cik akipanin sahkxaw lam anangaihsak hi. Kum kua mi phet ahih a a nuleh pa lakmanga ka om nungun a Kristian hinkhuaah ham-satna hon tuak pan samta hi. Amangbatna in a sahkxua letkip bang zong ginlelhna a neisak dekdek hi. Amah khanvual in a tuah ngeilouh haksatna a tuakta hi. Tuaciin a nek muhna dinga kilohna bang ahon ngaihtuah a kulta hi.

Kristian martar aom Innkote panpih pen phallouh ahi. Ka tapa na panpih nupi nihte zong suang kul sungah a khum veve uha, a vaw ek ua, Kum 15 nung natanin leng a jawnloh hial uhi. A hinna hial tan ngama ka tapa uh na panpih Nu khat leng Kum giat tangdia thu tan sakin aom, a ha tengteng a satbal sak vek ua, a guh leng a sat tan sak ua, mi banglou in aom hial. Nna sem dinga damkhe thei ding vual ahita kei.



## MIHAI IN KRIS A UMTA

Kum sawm leh khat ahonghih ciangin Mihai in kiloh dangte mahbangan a nek ding a lohke theita. A thuaknate'n a ginna lam a haksa sak zek hi. Anu kum nih a tan nungin amuh a phalsak ta ua, sibbang um sunga om a nu a va muta hi. Anu pen a nin mahmaha a gawng mahmah hi, a khutte bang zongn in-gawpleh a suangkulh tanna puansilhte bang zong nin nemnomin a va mu a, ahaih dek hial hi. Anu'n a tapa Mihai kianga a gen masak pen bel "Mihai aw, Jesu gingta in," cih ahi. Tuaphetin amuh batlough dingin anu pen tangveng tuten a pikhe pah ua, Mihai pen khase takin a kapta hi. Tua laitak mahin Mihai pen a piangthak ta hi. Tuabang a haksa anu omna a zong Kris pen ittaktak theih ahiah lai leh Hondampa diktak mah ahi na hi, aci a; "Kristian pen a gupna ding leh genna ding hoih dang omhet kei leh zong, ka nu ginna mahmah kia zong kei adingin guptham acing hi, "aci hi. Tua nipen Kris a pomtaktak ni ahita.

A sang kahna ah zong hamsatna tampi atuak hi. Naupang hoihtak ahi a, lungdam manin zong Nekctie (ngawng-oh) san a pia uhi. Tuapen Young Communist Pioneers pawl memberte ciamtehnaahi a, ka tapa in "Ka nu leh Ka pa suangkula khumte pawl ngawng-oh pen ka ok ngeikei ding," aci a; hiai jiaktakin sanginn a pan hawlkhia kin aoma, kum khat a khawlsan nungin Kristian ta ahiam ki-iim in a va lut nawn veve hi.

Huai nung sawtlouin Bible kalh lama thukhat gelh dingin sawlin aoma, Tua-ah "Bible kalhlama pan him him, a kip keia; Bible kalh himhima thugen mawng-

mawng diklou ahi. Ka Proffessor un Bible pen sim ngei nailou ahi kha ding. Bible leh science pen a ki tuaklem geh uh hi,” ciin a gelha. Anohkhe nawn ua, hiai tungin bel kum nih hial a khawl san a kulta hi.

A tawpin Seminary a a sin a phalsak ua. “Marxist Theology” (Karl Marx sahkhua ngaihndan) sinsak ahi a, Bangteng Karl Marx ngaihndan a hilhcet vek ahi. A pawllak uah Mihaiin a selkhe ta a, a pawlten leng amah a gum samta ua, tuaciin a Theology sinlai zong zou manlouin a nohkhe nawnta uhi.

Ni khat, hunkhat ah a Professor un Pasion omlou ahi ciin thu a gen ek a. Mihaiin ana selta a. Khangthak hiai zahzah a pimang jiaka a tunga mohna atun nasat dingdante a na gena, a lawmten amah thugen ana huh ta ua, A genkhe ngam hih akul ngut hi. Laisim lah a ut ngala. Tuahangin Kristian suangkul tang, Wurmbrand tapa ahihlah lah a im bikbek ngala. Ahihhangin a kal laklakin a na theikhe jel ua, dan bang jel in a Sang siate ma ah a samjel ua, a hawlkhe jel uhi.

Mihaiin gilkiial zong a thuak mun mahmah hi. A tangpiin Kristian suangkul tangte Inkote pen gilkiial thuaka silou deuh phet bang ahi sek uhi. Amaute na panpih lah dan a tatkhelhna ahi jela.

Keimah ngeiin ka na theihkhak Inkuan khatte thuakdan ka hon gen ding:- Sanggam pa khat in Leinuai Saptuam nna a sep manin a ji ittak leh a tate guk, suangkul a lutsan a, A tanu Kum 19 leh 17 a upaten lah nasep ding amu thei kei lai uhi. Communist gam ah nasep ding pethei Communist Kumpi kia ahi ngala. Kristian tate, “mikhiial,” ciha omte lah sep ding ape



nuamkei uhi. Hehpihtakin hibang nmate pen mihing hindan ngeina bangin ngai mai mah kei unla, ahi dingdan tak na gel sau mai un. Kristian martar tanu nihte pen Kristian ahihsam hangun anaute uleh Anu uh ngaplou etkola khoina dingin nohci a juak ta uhi. A sanggampa uh Kum 14 miin tua thu atheih ciangin a hai lohta hi. Mihaite koihkhawmna Inn ah koihin a omta hi. Kum tamtak apai nungin apa uh zong hong pawtkhe ta hi. Thil tungte leh omdante a theih ciangin a thuakzouta keia, "Pasian aw, suangkul sungah hon tangsak nawn maiin, Hibang thil te ka thuakzou mahmah kei, "ciin thu angenta mai hi. A thungetna pen a lohcingta a, naupangte kianga tangthupha a hilhjiakin a tang nawn ta hi. A tanute zong kijuakin a om nawnta kei uh. Guksep palikte phutluhi banga nna a sep manun nasepna ding kip amu ta ua, tuin mite hekkawiin a pangta uhi. Kristian martar tate ahisam ua, Kristian inkuante lakah a tui tum uhi. Kholaita a pawt ua, houlimnate angaikhia ua, secret police te lakah a gensawn jel uhi. A killawm kei lua akihhuai ngei mai uh cimai keiun; hih zaw ahi ngei maia, ahilh angin nang a zalen gama om, Nang na panpilh louh jiaka Kristian inkuan tamtakte tuabanga om ahi uha, tuabanga mulkimhuai mahmah hongom khiakna zong nangma khelhna ahi veve hi.

## SEH III

### KUM 14 SUNG TAAN ZOHA A PAWTKHIAKNA

Aki gawmkhawm in Kum 14 sung suangkul ah ka tanga hihhun sungin Bible hiam Lai dangdang zong muh ka nei kei. Lai gelhdan na ngawn ka mangngilh pian simsim, gilkialna leh zatui-zaha a hongbawl siatnate uh hangin Pasion thu siangthou zong ka na mangngilh khin hial hi. Ahihhangin Kum 15 ka tan cinna ni geihin mangngilh khin hial ta ka hi hia ka cih laiin Jacob in RAKel Thalohin Kum 14 a semgima, ait mahmah hangin sawtlou cik sung hiin a theikhia a, "cih thute ka lungtang ah a hong lotta hi.

Tuanung hun sawtlouin ka gam sung ua ngaihdamna hun ahontak manun, America mipite hon nohsakna hangin zong khakkhiakin ka omta hi.

Ka ji ka mu nawnta a, aman Kum 14 sung vive ginom leh muanhuai takin honna ngak ngiungeu hi.

Suangkul tang khempeuhte a van neih khempeuh uh laksak ahik nak manin koute zong duaisan lou hiala



genthein ka hongom ua, khosakna ding thak kon panta uhi.

Siampi leh pastor tang pawtkhe peuhmahten Saptuam pawl neu nounou a nei thei ua, Kei zong Orsova khua Saptuam honpia ngei uhi. Communist te sahkhuu lam sai pawl (Department of Cult) te'n hih saptuam ah member 30 a Koih ua, 36 val aom louh ding uh ahi cih hon hilh malam uhi. Tuaban ah amaute sika pangin tua saptuam mi tuamtuam te tancin aguka palikte laka ka report jel ding ahihdante, tuailai leh valnou lam him-himte a tellouh ding uh ahi cihte hon hilh uhi. Hih pen Communist ten kithuzohna vanzat dings Saptuam a zatdan uh ahi mah hi.

Thute genin om leng angaikhe dingin mi tampi a hongpai ding uh cihpen ka theia, tuabanga va sep ngam lah hitalou, tua saptuam ah bagmahpi sepkhiak ka sawmta kei hi. Leinuai saptuam pen a kilawmna leh a kihtak-huaina khempeuh tangsam dingin ka juita hi.

Ka tan sungin Pasion in nna loupitak in a sema, Tumalam bangin Leinuai saptuam pen manghilh leh taisanin aomkeia, Americate leh Kristian dangten hon panpihin honna thumsak pah ta uhi.

Ni khat, sunnung lamin ka tawldeuh jiajin sang-gamps Inn khat ah ka va tawldama. Inneipan hon kaitou a, "Gamdang unaute ahong uh," ahon ci a, tum lam gamah hon mangngilh ngeilou leh hon taisan ngeilou Kristian aom mah ngei uhi. Galkapte laka Kristiante'n bangci ci hiam Kristian martarte inkuante a panpihdan uleh Bible leh thu kigelh dangdang khaklut dan ana gel uhi.

Dantan leh lama ka va lut aleh, sanggam mi guk ana om ua, Hon panpih dinga hongpai ahi uh. Ka houlim jualjual ua, Ka na khawlna innn ah suangkul Kum 14 tang khat aom a ci ua, amah mu nuama hong ahiah uh leh keimah pen tua mipa kahihdan ka hilh hi. Amauten "Lungkham meldeuha muh sawma hong ka hi ua, Ka muh utpen pa uhjaw na hi kei ding e, na kipah mel lua, "honci teitei uhi. Tang pawtkhepa mah ka hi a, ka kipahna jaw miten hon manngilh louin hongpai jel ua ahi," ciin ka hilh hi. Tuaciin Leinuai saptuam adingin huhna tuamtuamte ka mu gige deuhta uhi. Kristian inkuante huhnate leh Bible te, gelh tuamtuamte bang agukin honpe theita uhi. Tuin jaw panpihnate bang ka mu jel ua, Leinuai saptuam in leng hoihtakin nasep ka sunzom jel uhi.

Pasian thupha hongpiak jiak bek uh hilouin hon it uh cih hon theih sak manun ka lungmuang tuam mahmah uh.

Lungsim khek dia buana (brain-washing) ka omlaiun, "Kuaman honit nawnlou uhi, kuaman hon it nawnlou uhi," cih thu pen ka za sek uhi. Tuin jaw America leh English Kristiante'n ahinna uh zong tan ngam khop hialin hon it uh cih hon theisak ta ua, Kana sawmpih bangun aguka kihuhdan ding ana gelkhawl ua, Palikten hon umcip laiun zong mite insungah a bokvak lut thei jel uhi. Palikten insunga lut ahiah uh atheimahmah kei uhi.

Bible khawng a liauh aliau thei te a dingin, tu banga aguka honpiakgukte uh Bible manphatdante theih siamtheih vual ahi kei him hi.



Gamdang Kristian unaute panpihna leh thunget-saknate tanglou hile-ung Kei leh ka innkote damin ka pawtkhe kei ding uh. Leinuai Saptuama Pastorte leh martarte zong tuabang ahiding uh. Gou, sum lam leh lungsim lama panpihna Great Britain gama European Christian Mission in hon piak jelte uh keimahmah zong ana lakhatu kahihmanin a manphatdan ka gen thei hi. Koute adia a honsawl mite pen uh Pasian sawl Angel bangin ka sim hial uhi.

Leihuai samptuamin pan ka lakthak deuh hangun kei adingin zong suangkul lut nawn ding alauhhuai hi. Hicih laitakin Kristian pawlnihte "Norwegian Mission to the Jews," leh "Hebrew Christian Alliance," te'n hontat khiakna dingin £ 2,500/- ana pia ua, tuaciin Rumania pen ka pawtsan theita hi.

## **COMMUNIST RUMANIA GAM KA NUTSI-ATNA JIAK**

Leinuai Saptuam lamkaiten pawtkhia a, zalen khovela amaute thukhahte genkhe dingin honsawl kei le-uhjaw lauhuai mahleh, Rumania pen pawtsan ka ut naikei. Noute kiangah athuaknate uleh a kisapte uh genkhe dingin hon deih ua, hiai tumlam gamte ah ka hongpai a, hileleng ka lungsim pen amaute lakah aomden lai hi. Amau ten a thuak nasat dante uh leh a hangsan dante uh, na jak ding uh kul kisa mahmah keile jaw Rumania pen ka pawtsan kei ding hi.

Rumania ka pawtsan ma-in Guksep Palikten nihvei honsam man uhi. Dangka ana muh tak danuh hon hilh uhi. (Rumania gamten Communiste honglut jiaka

hamsatna tamtak athuak nungun, amite banguh dangka in akhawng jel mah uhi.) “Tumlam gamte ab va paita inla, na duhthusam bangtakin Kris tancinte vagen jel inla, ahihhangin koute jaw hon khoihkha kei hial in. Hon doulam pangin bangmah thu, vagen kei hial inla, Na tunga ka nasepkhiak dan uleh thil paidante na gen ngeingei aleh, na tunga ka honhih dingdan uh imlouin ka hon gen mai dinga; amasa belin, £ 500/-lel sengin zong migilou ka guai thei ua, kon thatsak uhiam kon gukhia uhiam ahithehi hi.” (Orthodox bishop khat, Vasile Leul, Australia gama pana hon gukkhiak utoh suangkul sung dantan khat ah ka tangkhawm ngei uhi. A khutcin tengteng a tansak ua, a sahkhia sak vek uha, Berlin apana hon gukkhiak ngei uh leng ka muta ngei hi. Tulaiin Italy leh Paris a kipanin Rumania mi tamtak agukhia jel uhi.)

Guktat hat hiam, nungak toh kithuaha khial in hiam, na tuailaia na sepkelh paulam hiamin na min zong ka gense thei uhi. tumlam mi Americate ngial houh, tuabanga bumhai bang a baihlam diak uhi,” Ciin honvau uhi.

Tuabang a hon vau nungun, tumlam gama hongpai khiak pen hon phalta uhi. Ka khuak sung honsoisak pen uh phatuam mahmah dingin a gingta uhi. Khenkhat tuabanga abawlte uh tumlam gam ahongtun ciangua bangmah gen ngam nawnlou bang atam ngei uhi. A khenten Communiste a phat zawmah lai uhi. Tuabang ahihmanin ken leng amaute thu kalh lama bangmah gen ngamlou hial dingin hon gingta uh.

Rumania ka pawtsan mazeka ka thilmuh



nanungpen jaw hon soisatute leh suangkul sung lut dinga thu honpepa Colonel han va totkhaka, pakbawk vakoih ahi. Hicibang ka sep pen communist khalam toh kisaia vuaktanga omte, laka Kris jiaka kipahna ka neih bang vapiak sawn pen ka sawm, cihna ahi.

Communistte nasepdan tangpite ka hua a, ahih-hangin a mihingte bel ka it hi. Khelhna pen ka hua a, khelhna nasem mite pen ka it hi. Communistte leng ka lungsim tengtengin ka it ahi. Kristiante pen a that thei mah uhi, ahihhangin a thatpa hiam nu hiam mahmah aki-it theihna nak pen jaw a that theikei uhi. Communist hiam keimah ngei hon soisate khatmah zong huat ka nei kei hi.

## SEH IV

### KOMUNIST SUANGKULA KOL KG. 25 AGIK KIBULH

Judaten tangthu khat anei ua, Ijip gama kipan amau suangtute a taikhiak laiun, Tuipi San a Ijip mite a kiaklup ek laiun Judaten kipaka a lasak uh Angelten ana pawl sam uhi. Pasion in Angelte kiangah, "Judate pen mihing ahi ua, a pawtkhiak theih manun kipak dingmah ahi ua. Noute lakah amaute bana ka lamen lai hi. Ijip te leng ka bawlkhiakte uh hisam lou uhia? Amaute zong itsam lou ding kahi hiam? Bangcidana asiat tungtang uh muthei samlou na hi ua?", "aci, ciin a gen sek uhi. Josua pen, Jeriko khaw kulh kianga aomlaiin, adak khia a, a envela; a malamzek ah mi khat temsau dohkhiaksa tawikawma ding den amu a, Josua in ava naiha, akiangah, "Koulama pang na hi hia, ka melma te lam apang!" ciin.

Josua muhpa pen mihing hileh pen, "Noulama pang ka hi," aci hiam," Na melma lama pang ka hi," aci hiam, "Kuamah lam apang ka hi kei," aci ngei ding. A koilam pen hiam panna nei ngei ding ahihmanin. Ahih-



hangin tua mipen mundanga pan a hongpai ahihmanin, dawnna lamet huailou tak leh theihiam haksa takin adawnga, "Hilou e," ciin. Hiai "Hilou e," cih pen bang-cihna ahita maia le?

Tua 'mi' pen 'Koulam,' 'Amau lam,' cih omlouhna gam, kuapeuhmahin bangkim hehpihna leh itna-a ki-et na gam, itna mita nna khempeuh neia ki-etna gam aki-pana hongpai ahihmanin ahi.

Mihingten phakna ciang inei nak uhi. I phak tantana Communiste pen i buan ding mah ahi uhi; Communist te paidan hoihlou gumtute ahih jiakun. Ahihhangin Kristiante pen mihing mai ihi kei ua, Pasion tate, Pasion omdan kikoppihte ihi jaw uhi.

Tua ahihmanin, Communist suangkul sunga soisa-kna leh gulgawtnate kana thuaksate'n Communiste honhawsak tuamkei Pasion silsiamte ahihmanun. Bangcidanin amaute iit thei dinga le?

Alawmte uh jaw ka hithei sam kei. Lawmte hihna lah lungsim khat pua a omna ahi ngala. Communiste toh lah lungsim khat ka pawthei ngal kei a. Pasion lam sil lunggulh mawngmawng a hua ua, kenlah Pasion pen ka it mahmah ngala.

Communsit lama pang na hi hia, ahihkei leh amau te dou? ciin hon dongta le-uh, ka dawnna ding pen khauhtak ahi ding. Communist pen mihingte adia siatna tuntu mulkimhuai bel ahihmanin. Tua ahihmanin Communiste a bei siang masiah uh dou ka sawm hi. Khalam ah bel Jesu toh vanmunte ah ka tukhawm ua, "Hilou e," cih theihna mun ah Communiste a khelh-nate uh tam mah leh, theisiam hehpihna gam ah; mi

cihten Kris batna lampi a atawptan a tun ciat theihna dingun, Angelte tha-it taka a gamtatna munte uah ka oma, tuahangin ka tup pen jaw Communist te kianga Tangthu Pha thehjaka, tangtawn hinna thu thehsak ahi, ka tuppen.

Kris, Ka Kumpipa'n Communiste leng a it hi. Aman mi khempeuh A ita, mi diktat 99 te, a mangthang mi khat zong dinga a kuankhiak san ding cih Agen hi. A nungjuite leh Kristiana sinsaktu minthang taktakten hiai hehpihna thute A min bekin ana sin uhi.

St. Macary in "Mi khatin mi tampi hehpih thei henla, mi khat kia hehpih thei hetkei taleh; tuapmi pen Kristian ahita kei, ahehpihna in mi tengteng ahuap theihlough jiakin, aci a; St. Augustine in "Mi khempeuh mi diktat hivek uhenla, mi khat bek a khial hi leh leng, Kris in Athuak bangbang, hongthuak veve dinghi, mimalmal hongitna alian mahmah ngal "ciin a sinsak jel hi. Kristian ki sinsakna pen akitela, Communiste leng mihing mah ahi ua, Kris in Amau leng a hehpih mahmah hi. Kris lungtang bang lungtang puten tuamah bangin a it ding uhi. Khelhna pen homah lehang a khial mi pen a ki it mahmah hi.

Eimah ngeiin amaute i it manin Kris in zong Communiste a it mahmah cih i thei hi.

Communist suangkulte ah mi tampi, kg. 25 hiala gik, kolte bunkawmin sik lingte bang hal aamin, aki bi soksok ua; tui tellouin a gawl sunguah ci-altak sikkeu khat khawng sungin a dangtak ciangua lah tui pe tuanlou, gilkiak thuaka vuak khawng thuaka kho vot thuak kawma amaute gawttu Communist adia phatuamngai



- mahmaha thum teitei zong ka mu uhi. Hibangte pen mihing adingin hihvual ahi keia, Kris itna lungsunga hongom in a thuakzou thei lel hi.

Ahongswawt deuhdeuha, hong bawlsetute mah zong suangkul sung hong tanglut sam uh. Communist kiukna nuaiah communist mi leh a thukhentute mahmah zong, a melmate uh toh kibang phial mahin suangkul ah aki khum zihzeh uhi. tuaciin sawia omte leh soisatute mah zong suangkul khata dantan khat ah ka omkhawm jel uhi. Tuabang bunin Kristian hilouten amau na soisate bang ana soal ek jel uhi.

Kristian ten bel amau jiaka soisak a ahilouloua ngoh ding khawksa lou khopin amaute ana hunkhe jel uhi. Tanghou athat lel ka donlai un leng koumau nek siksik, hiam koumau tanding zatui-zaha te bang, damkhiak pih dinghial khop te na tan zong, kou hon sawi tute adinga pe phal Kristian tamtak leng ka mu sek hi.

Tuma lama Rumania Prime Minister nahi sèk, Kristian, Iuliu Maniu leng suangkul sunga tansak aom in asih ding kuanin hibangin thukhah aneia, "Ei gam sungah Communist pen zoha ahongom khak leh, Communist hilou, soisaka om mipite thangpaihnain communiste tunga phuba lak asswm ciangun Kristian khempeuhin amau nuntakna hial zong tan ngamin tua Communiste a hotkhiak ding uh ahi, tuapen Kristian te sepkhiak ding dan siangthou tak ahi, aci hi.

Ka pianthak tung deuh laiin, lampi a ka tuah khak peuh mite bang, hotdam ahiah uleh hihlough ka ngaihsun nak hi. Hilou dinga gintakhuai melte bang ka muh ciangin lungtang bang sut bangin na kasa a, Dam zoulou

ding bang khopin ka thuak hi. Ka kikhopna banguah mi khatin sepkhelh nanei ta leh sawtpipi bang ka kahpih sek a, Mite khate hotkhiak utna bang ka lungsim ah alian mahmaha, tu dongin leng ahi lai hi, tua ah communist te leng a valkha tuan kei uhi.

Suangkul sunga eimah kia aki om ciangin gentheih louh khopa gil kial sek akihihmanin, hoihtaka thungetna neih theih ahi keia, zatuiin hon kap-haisek ua, mi hai mah bangin aki om sek hi.

Guhvuak mahbangin hatloutakin ka om sek uh. Toupa Thumna gen suak ding bang a sau thei lua a, tuabang dong lungtang zong kipe zoulou kha sek hi. Tuahangin ka thungetna nak pen jaw “Jesu aw, Nangmah kongit hi, “cih ahi sek hi.

Khatvei tuabanga ka thunget pen Jesuin hong dawnga, “Na honit na maw? Ka honitdan kahon en sak sam ding hi,” ahon cita a. Thakhatin ka lungsung pen hong am puapin ka theia, Emau khua juana sinsakte laka zong Jesun thu agen lain a lungsung uh hong am puapin athei mah uhi. Kei zong tuamah ka bang hi. Kros a eite khempeuh adia ahinna pepa hon itna ka thei. Tuabang hehpihna-itnain Communist leng a maih tuam keia, bangci zong tenga takhial nasa hita mah le-uh, Ait vevehi.

Communist ten amulkimhuai khelhna thupi mahmah ana semkheta ua, a sem lel ua, ahihhangin hehpihna jaw tui tampiin leng a taimang thei tuan keia, tuilian in leng atum mangthei samkei. Hehpihna jaw sihna toh kikima haat ahi a, kihajatna pen hankhuk bangin a gilou hi. “Hankhuk in mi khempeuh, genthei leh mihausate,



namcih-micihte, vaihawm dana ngaihdan tuamtuam zong, naupang akipana ateeek tanpha in, mikhial leh mi siangthoute zong, tankhaak vek a sawm hi. Tuamah bangin hehpihna itna in zong a huapvek hi. Kris, Thoukiknawn pen itna zong Communist zoh ahih masiah uh a dai tuam kei ding hi.

Pasian nasemtu khat ka omna dantan sungah si phiala omsain hon vawklut uhi. Amai khawngleh a pumpi te ah sisan khawng aluang je jua a, a vaw nasa mahmah uh. Ka hon sil siangta ua, ka taanpih mi khenk-hatten, communiste hamsia ana loh bualbual geuh ua, tua mipa in na a thuak kawmin "Hehpihtakin hamsia jaw na loh hial kei un, Na dai unla, amaute adingin thungetsakna ka hon nei ding," ahonci kheta hi.

## **SUANGKUL SUNGA ZONG KA KIPAHTHEIH DAN UH**

Ka suangkul tan Kum 14 sung ka hon suikik ciangin kipahhuai tak hiin ka theihkhiak ton aom hi. tuabang hun mulkimhuai laia zong ka kipahtheih dan khawng ubang, ka taanpihte uleh, hon sawitute leh honvengtute ngeiin leng lamdang honsa uhi. Lasakte bang akhaam ua, la ka sak ciang bangun hon vaw sam na ua, ka lasak utna uh atawpsak thei tuankei uhi. Nightingale vasa in leng a haam khit cianga gohlup ding ahi cih kithei gige thou mah leh hamkhiak ding a khawl tuankei bangdan deuh ahi. Suangkul sunga Kristian omte kipakin kilaam petmah hi. Tuabang lungkhamhuaina munte a bangci dana kipakthei kahi ua?

Suangkul ka taan laiin, Jesu'n "Na thil muhte uh

muhna mitte a vangpha hi." A nungjuite laka A cihte bang ka va ngaihtuah khaseka. A genlaiin A nungjuiten Palestine gam a fan zoh phet un ahi, mulkimhuai mahmah thil tungte amuh khit phet uh ahi.

Palestine gam pen nuaisiah mite tenna gam ahi a, koi mun peuhah leng gim thuaknate aom ciat hi. Nungjuiten natnate, gilkialnate, lungkhamnate a tuak uh. Gam ittute tenna Inn, Nu leh Pa suangkul tanjiaka tagahte omna Innte khawng ah zong alutkha ngei dingua, tua munte ah a taangkha louten ataangkha te ngaiin akap ngei ding ua, muh nophuai jaw ahi kei hial ding.

Ahihhangin Jesu'n, "Na thil muhte uh muhna mitte a vangpha hi," aci ngala. Ahang bel, A nungjuiten lungkhamna bek mu hilou ua, mi khempeuh Hondampa leh a hoih belbel tuntu, Mihingten muh a sawm pen uh amuh khak jiaak uh ahi jaw. Hicibang hinna khenlam ah hindan nuam leh kilawm a om cih pen tangngol pen nahpa tunga a vak theih phet laiin pangpaleka a suahkiak hun cianga pak hoih taktak leh ci tuam tuamte aboh theih hun ding akitheih bangdan deuh toh kibangin ka thei uhi. Tua kipahna tak pen koute a ahi.

Ka kim ah Job mah banga gimthuak nasa jawte bang zong a tam uhi. Ahihhangin Job in atawp in a neihsa teng leh nih a tam, aneithak cih itheiu, Mi genthei Lazar banga gilkiak a meima tuamdim toh kibangte zong aki om hi. Ahihhangin angel ten Abraham angsung atun uh cih ithei hi. Tuhuna a hihna bang uh hilou, denlam cianga a hihna ding bangun amaute ka ensek hi.

Ka kiang naicin mahmaha, Martarte, niin leh kih-



huai mahmaha om a, bah mahmahte denzek ciangmaha mi siangthou manglukhu kilawmtak khu ding bangin ka mu sek hi.

Tuabang mite, tu maha bel hinailoute, den zek mah cianga ahihna ding lam uh i et leh pen, hon soisatute lak ngeiah zong Tarsus khua a Saul, Mi Siangthou Paul kha, hong hi pah thei dingte bang muhtheihin aom sek hi. A guka om Palik Officer ngei, amaute laka thu kana genna teekteek tein zong Kris mukha ta a, kipaktaka suangkul tang dia honglut ta zong aom uhi. Tangvengtu pawl, koute hon vua a, hon vengtute lakah, Philippi khua suangkul tangvengtu Paul te vaw khin zeta piangthak nawn mai dingte bang ka mu thei jel hi. Bangcik ciangin "Hotdama ka omtheih na dingin bang ka sem dia? "a ci ding ua aw, ka ci sek uh. Kristian te Kros a a gak belh ua, mihingte ek bang a neksak laiun, ciamnuih na a na zang ka muhette pawl bangin Golgotha a mipite, a khelh jiakua kisika awm ki tuumtuumte hon mukha sak hi.

Suangkul sunga ka omlai ngeiun eive Communiste mah zong hotdama ahongom dinguh lametnate ka neih bangua ka lohcin uh. Hiai mun ngeiah amaute laka moh paw nasa ihi cih bang kon phawk khe jel uh. Amaute sawi a ka om ciangun ahi, amaute it dingdan khawng ka sinjel uh.

Ka tanaute tamtak thahlupin aomta ua, A thatpa ngei zong keima innsung teekteek ah hong kikheekin a piangthak ta hi. Pianthakna dingin mun kilem tak ahongsuak maimah. tuaciin Communist suangkul ngei akipanin Communiste laka Kristiante nasep jiating

gelsiam mi bang hong piangkhe theita hi.

Eite thil muhdan leh miksite muhdan aki banglou-mah bangin, eite muhdan leh Pasion muhdan pen a ki lamdanga, eite muhdan banga Pasionin mulou hi.

Mihingte mit ah, kros a ki gakbelha, mihing ek thaksa khawng kitah pen, amulkimhuai mahmah ahi. Bible ah mitphiatkal lela eite thupina tungthei hiin a gen gal a. Hibangte ahihmanin Communist khelhna mulkimhuai leh huhamte, mihingte adia ngaihdam vual hiloute, thuk ngei dia kilawmte bang. Pasion mit ah bel a nep deuh ngei ding cih a uphuai mahmah. Amaute hon sikdenna Kum 50 hita leng, Kum, tul khat ni khat bek banga simthei Pasion adingin jaw, mitphiat kal khat lel ahi ngei ding. Hotdam theih ahi lai uh.

Van jerusalem pen Nu bang ahi a, Nu bangin it ahi.

Vantung gam pen Communist te adingin khak ahi tuam keia, Bangpeuh amaute adingin abei tuankeia, midangte banga a khelhnate uh kisik thei ahi ua, kisik ngei dingin zong amaute i sap ding ahi.

Itna kia in Communist te a zou thei. (Saptuam makai khenkhatte itna, Communistte deiham itna hiloute)

Kihuatna in mit a duuksak. Hitler pen Communiste doupa khat ahi a, amaute ahaw petmahte laka khat ahi. Hinapiin amaute zoh naksangin, leitung maikaih seh thum suah seh khat zou dingin a maute a panpih khajaw hi.

Suangkul sungah missionary nasep dingdan itna toh ka gelkhawm jel ua, amasapen a a makaite (communist heutute) laka sep masak ding kulin ka thei uhi.



Mission lamkai khenkhatten Saptuam tancin a simtawm deuhuh ahimai thei. Norway gam pen Kris adia bangci dana zouthei ahi ua? A Kumpipa uh OLAF pen thuzoh masak pena neiin, Russia in leng a Kumpipa uh Vla-dimir Kristian hong hihleh Tangthu pha a za thei phet uhi. Hungary gam ah leng a Kumpipa uh St. Stephen Kristian honghieh takin Kristian gam a hong-suak mai hi. Poland leng tuamah bangin.

Africa gam ah leng a Kumpipa uh Kristian a hong hih phetin mipiten aju mai uhi. Tu lelin, gal kap leh mi nautang mawl taktakte lakah i sem ua, amaute Kristian hoihtaktak hongsuak mah le-uh, a gam pumpi ngaihtuahin ahu uh a na kei hi.

A vaihawm milliante uh, politic saite, economic lam saite, scientist te leh siamna ci tuamtuam nei uliante a hinna uh leh khosaknate uh makaitute ahi ua, mite lungsim putdam ding natan bawlsak uh ahi maia, tua-hangin a maute i zoh masak ngei akula, tua hileh a kaih mipite zong i zou uh cihna ahi.

Missionary te galdot banga galdona i hunggel ciangin, Communist-te pen haksa loutaka sualdan ding aom hi. Amaute lom khat banga kituaktaka a pankhawmna jiakun.

Africa President pen Mormon (pawl khat ah) na kihei ta leh, amah kihei jiak' lelin Americate tamtak a kihei khol kei dinguh, Ahihhangin Mao-Tse-Tung hiam, Breshnev hiam Ceausescu hiam Kristian lamah hong kihei leh pen bel, a gam pumpi in hongki hei mai ding uh cih auphuai hi, ahangbel amakaite laka a kingak nakluat manun amakai te un hu anei nasa uhi. Ahihhan-

gin Communist lamkaite tuabangin ahong kihei ut ding ua hia? Kihei nuam tham e! A jiak bel, tuin amaute akipak het kei ua, amau ngeiin a na gawtsa uh mite toh kibang lela dinmun lauthawnghuai aom ahihlam akithei uhi. Communist Russia a vaihawmtute khempeuh cih phialten amsute tawpna ding suangkul sung hiam, amaute lawmte ngei kaplup hiam honghi ding ahi a, China ah leng tuabangmah ahi ding. Amaute gamsunga Minister nahi ngeisa, Iagodate, Iejoy te leh Beria te, thahatna tengteng neitu ahi ding uh cih khop hiala thupite mah zong, a gam ua Communist hel laia a kalh pawlte tunga a gamtat mah bangun a kaplum lel uhi. Tunai cin in leng Soviet Minister of Interior Shepelin leh Yugoslavia gam Minister of Interior Rankovio te, puansia bang pheta paihkhiak in aom uhi.

Toupa lungsim toh aw toh phat ning,

Amah tungah kipak ning;

A honitna lamdang ka phat ding,

Ka kum khaw la ding hi.

Communiste nuai Rumania gam khawngah vuak thuaka Tangthupha gentheih ahi a, Kris a unaute, Kha Siangthou-a i pianpihte ngeingei uh hamsatnate, sum leh paiin huhthei kei mah lehang i thumpihna beek uh kisas ahih manin I Pa uh kianga ngetsak ding pen manggilh kei ni.

I pianthaka Kris pen eimaha ahonglut takin, zalenna ineisak theina hia? Ahihkei leh, suangkul sunga khum bangmaia koiha, zute bang dawn sak teiteia, dangkate banga kimawl sak ihi hiam? Ahonitdante ahongen dek pat cianga a tanna dantan sunga sawnlut jel ihi hia leh?



A lutang leh A pumpi sisana silin, na soisa sek mah lehang, aman jaw eite hongit lai veve hi. Salam saltanna a kipan hon pikhiak na ding leh i khalam hotkhiakna dingin naak thuak hina lawmlawm e maw? Kum bangzah ta, Kris pen suangkul ah na na khumta a? bangzah vei mahmah kilhbelh nawn jel nana sawmta a? Bangzah vei kilhbelh lai nasawma? Setan gama kipan hon zongkha a, vualjawlna manpha penpen, hotdamna honpe ta a, Amah na na it sang sika na kilhbelh beh lai zomah aleh sinlai na lua hilou hiam? Aman jaw na it sam theih hun ding ngakin hon taang gige hi.

## **KHALAMA COMMUNIST—TE BUAN DINGDAN**

Communist vaihawmdan pen akipahpih omlou hi. A sunga a metna ngahpha ten zong kipahpih taktak theilou uhi. Jan simin a kongpi uah secret police te honglut dingua, pawl lamkaite kikhek jiak lel bangin hong man kha maimah dinguh, cihte lauina mangbang naak sek uh.

Communist lamkaite meltheih mahmah zong ka na neita a, a puak uh agikthei mahmah. Jesu kiain khawl tawldamna ape thei.

Communist vaihawmte Kris adinga zohtheihna i neihpen, Nuclear vanzat toh kibang, siatna akipana bitna muna pilut toh kibang hialin angaih theiha, tua-banah galvan bawlina dinga dangkate tampi mahmah a zatbei sek manun mi tampi gilkiak na akipana hutkhiakna a hi thei sam hi. Communist vaihawmte zoh na pen Kris leh Angelte kipahna ding lah ahi ngala. Saptuam

zohna ahi theia, tu-a Missionary tampiten gimna tampi toh a sepna gam uh New Guineate, Madagascar te khawng bang zong a minsa bang ahi mai ua, communist in alak zoh ciangun bel, adangte lakah bel a haksa pi nawnkei ding hi.

Kei pen ka valnou tanpha a Pasion om pen a um theilou mi khat ka hi a, ka na muh taak daanin tuabang a Pasion om, umlou mite hong piangthak leh communist apan piangthak ten, Pasion pen A it tungtuan deuh un ka theia, a khelhna uh a tam jiak deuh zong ahi maithei hi.

Missionary nasep nadan lama pan i etleh, nasep dan hoih leh haat ding deuh omleh kilawmin akithei hi. Hotdamna thu bek ngaihsut ciangin mi khenpeuh khate kibangveka ngaihtheih ahi a, ahiihangin missionary te suangtuah danin bel akibang vek kei hi. Gamnuaia amau omdan dana om maimaite, midangte zou thei tuanlou ding bangte, hotdam ahong hih ua le zong, amau hihna dandan a om maimai nawn ding bangte zoh zoh sangin, mi huham deuh mah leh hihna tak neia midangte loh zou thei dingte bang zoh masak ding a ngai poimoh masa uhi. Tua ahiihmanin Jesu in leng a nasep pen singtang dawna tawpsak mailouin Jerusalem dong atun hi. Huai hunlaiin Jerusalem Khawpi pen sahkhaw lama kialna munpi pen ahi. Tuabang dan mah bangin, Paul in leng Rome khopi.tun teitei a sawm mah hi.

Bible in, "Numei suanin Gul lu a khen sidup ding," aci a. Tulaiin gullu pen kisaat baanlou zomaha agilpen kisaat kha lela bangmah khawksak neilouhi. Gul lu pen Moscow leh Peking kikal koilai mun pen hiamah aom a, mun dang Tunis hiam. Madagascan ah bel aom



kei. Communist te ukna gamte pen Kristian lamkaite leh Missiona lamkaite peuhmahin vei pen a neih mahmah dingdan ahi.

Hunbi ciam nei banga sep pen i tawpsan ding uh ahi. "Juautatna toh Toupa nasemmite pen hamse thua-kin om hen," cih gelh ahi ngala. Saptuamin Communist te maituaha soal petmah akulta hi. Kidouna himhim ah eimah na kiven maimah penin zohna hontun kei.

A va sualtu a kuankhiak pen a kislam ahi jaw. Saptuamin Communist te khut ah gam tampi i mansuahta a, tuate i lakkik nawn uh a kislam mahmah hi. Pasion ngejin Kahpasik te natawm zong a kitamjak sak cih Sam laibu ah i mu uhi. Tua ahihleh Sik-Bang Umte khawng Amah adingin bangmah ahi kei hial hi.

Saptuam masaten asima guka gamta a, dan kalh in a nasem ua alohcjing uhi. Tuabang dana sep pen eiten zong i sinding uh ahi. Communist in hon nuai ma-in Thukhunthak a min khem a zatsekte uh, Simeon, Niger, John, Mark cihte khawng ka na theisiam keia, ahihhangan Communist gama nna kon sep taktak ciangun hibang min kheemte pen apoimohdan theisiamin ka hon zang saamta uhi.

Nitak Ann nanung pen nek a sawm laiun Jesun amin genkhiak neilouin, "Khawpi ah va lut unla, tua ah pasal khat, Bela tui pua na va kituahpih ding ua," acih in ajiak ka na thei keia, tuinbel ka theisiam ta hi. Tuabang dan deuhin i nasepnate ah i ki theithei uh cihte pen a sim a thamin ka kilang sak uhi. Saptuam masate sep banga i sep ngap nak leh eite leng Communist gamah i lohcing ngei ding hi.

Ahihhangin Tumlam gam ka hongtunga, makaitu khenkhatte ka ki muhiha, communist te hehpih nak sangin amau communist te mah banga huatna neiuhiin ka mu a; Marl Marx lawite a mangthang ding khate honkhe dinga Samari Mi hoih banga Mel hongkilang ding muhin aom ta kei hi.

Mi khatpeuhin sahkhua a buala, asima sim thoh hiam a gena genthoh sangin sih ngam khop hiala ginna a azuih pen atak ahi jaw.

Leinuai Saptuam ten a gintakna pen uh sihpih ngam khop hialin a gum ngam uh cih akitel mahmah hi. Tuin Communist gama suangkul lut nawn ding hiam, sawi thuk ding hiam, sih hialna dingahi cih thei napiin bangteng ngapin Sikbang um sung tanpha a bangteng kingapin nna pen ki sem veve hi. Tua ahih manin ka hon gelh khiak thute leng ka muangzou hi.

Hih dotnate dongthei hiin ka kitheia:-

America Saptuam lamkaite, Communist te lawma bawltheih miten a ginna uh sihphain a gum ngamna ding uam?

Suahlam gamte ava paia, Pastor nna vasema, communist te toh vaki thutuak dingin bangin amaute a dala le?

A dinmun sangtakte uh nusiain tuabanga va sem dingin amaute bangin a dala? Tu tadihin jaw Tumlam gam Saptuam makaiten tuabanga kingapna nei ahih lamuh akilatna aom tadih kei hi.

Mihing kampaute pen eite hinkhua banglampeuh ah kitheihsiamnate, kingaihnatnate i deih manin a khangjela, i gen utdante leng i utna bangjelin i genthei



hi. Ahihhangin Pasion thuguk leh khalam hindan gen dingin mihing kampaute in a gen zoukei.

Tuamahbangin khelhna huham dan leh thukdante mihing gensiam bat ahi kei a, Naxi pawlten meipi sa laka apaihlut dinguhiam, a ta pa mahmah a mitmuh ngeia tua meipi sa laka apaihlut sak laitak ua a lung tang nat dingdan kuan ahia gensiam ding?

Tuabang ahimanin, Communist te nuaia Kristi-ante gimna thuak, thuaklel leh thuak jel dingte khawng gensiam leng ka sawm tuankei.

Rumania gama Communist te khangliansak tu Lucretiu Patrascanu ngei toh zong suangkul sung ah ka tangkhawm kha ta uhi. A nasep gah alawmte kipahman piak pen suangkul lut ahi maimah. Ahai lou mihaite koihkhawmna mun-ah a koih teitei ua, a tawp injaw ahong hai khong hi.

Tumalama a a Secretary of State, Anne pauker leng tuamah bangin a hih uhi. Kristian te zong hibang a hihin aom nak uhi. Electric bang a mansak ua, puan-ak ban bei (strait jacket)khawng bang a silhsak ua, (Strait jacket pen savuna kibawl ahi a, Mihaite leh mi lauhaiten akhut uh a zat theih louhna dingua gawtna a zat ahi).

China gam kongzing a thil tungte khawng khovelin lamdang asa hial uhi. Mi khempeuh mitmuh ngeiin zong a mulkimhuai thei bangpenin a gamta ngap uhi. Chinate suangkul sung, kuamah vamuhpih louhna munte ah bangci zahta a mulkimhuaiin a gamta telmah dinguan maw?, Ngaihsun mah dih ua!

Ka jak nanungpen uah China mi thugenmi leh Kritian dangte a ginna uh a gup teitei jiafun a bil uh, alei

uh leh khete a tansak uh cih akija hi.

Pumpi soisa a, a sihsakte uh bangjaw bangmah pi hilou lai hi. Naupang leh tuailaite lungsung a tohbuai uleh a soisakte bangun a khawk mahmah ahi. Amau mite mahmah Saptuam makai leh a susetu bangun a koih ua, Tuailaite, Pasion leh Kris gingta lou dingin a hasuan phet uh hilouin huai MINTE a huat a haw dingin a ci jel uhi.

Kristian suangkul tang hong pawtkhiaten a innlam uh hon juana amau tate ngeingei, 'Pasion omlou hi,' ci-a na pangta a, amau na nuihsan maimahte cih khawng bang, a nat dingdan kuan a gensiam dia?

Hiai laibu leng laitui a gelhkhiak mai hilouin lungsim liamte sisan negia gelh ahi jaw hi.

Danial hunlaia tangval thumte, meipi sa laka a paihlut ua ahong pawtkhiak nungua meigim zong anam louh uh mah bangun Kristiante Communist suangkul a tangte Zarg communist gim nama amaute huatna nei tuan lou uhi.

Pak kilawmtak leng na khepeka na cilleh kipahman dingin a gim namtui honkhah khia hi. Tuamah bangun Kristiante communist te pawlin a soisak ciangun a soisa-kna uh kipahpihna in itna ape thuk sek uh.

Koumau hon vengtu ngeite leng tampi Kris kian-gah ka pilut ta uhi. Nna khat tup a om hi:- Honsoisatu Communist te ka neihlak ua ahoih penpen Eite Toupa Jesu Kris in Hotdamna hon piak pen piak thuk sam ka sawm uhi.

Ka lawm tampite mahbanga Kris mina si ding vangphatna ka tangkha sam kei a kei pen hon khah khia



ua, Rumania gam na ngawn zonghon pawtkhiaksan theiin ka om tel hi.

Tumlam Saptuam pitu tamtakte'n Sikbang leh Mau baang (China pen Mau baang kigaan khena om bang a gen ahisek hima) khenlama Leinuai Saptuam te banga Communist te itna pen nei lou deuh uh hiin a kilang hi.

Communist gama tengte adia amaute hotdamna ding bangmah sep aneih hetlouna un ahihna uh a kilangciang sak hi. Judate adingbang, Mosolmante adingbang, Budha juite pawl ading bangin Missionary tuamtuam anei ua, Kristianpawl tuam tuamte amau pawl a tel dia kijawl pawl tanpha in aom ua, hi lelung communist adingin jaw mission anei kei uh. A hehpih kei ua ahi. Tuabang hilou hileh pen, tuma lam pekin tuabang mission pen a bawlkhe ta ding uhi. Carey in leng India te ait a, Hudson Taylor in Chinate ait jela, amaute adingin mission abawlkhia uhi.

Communist-te itlou kia hilou uhi. Amau leh amau mah kiphat in, midangte ngaihsaklouin, a khenciang bangin Tumlam Saptuamte bangin Communist te vual-zohna lamlam ah amaute panpihtu bang in a guuk pan hial zomah lai uhi. Khovel mun tuam tuama Saptuamte laka kigolh lut dingin Communist te bang a hasuan zomah lai ua, communist paidan a lauhhuai dan khawng Kristiante a mangagilh sak thei dekdek hial zomah ta uhi.

Kristian masa pawlten leng Tangthupha genjak na dingin phalna Nero kiangah a ngen tuansam ua ci hileuh kilawm khopin communist te a hehpihthei het kei ua,

Kris adinga zoh a sawm louh phet uh hilouin a kep uleh a vak uh amau Belamte nasan zong a it taktak kei uhi. Communist te jaw i zoh zoh kei hial ua leh bel, tumlam gamte a hon zou ding ua, Kristian hihna pen bulphuka kalh khiak a sawm ngei ding uhi.

## **TANGTHU (HISTORY) AKIPANA ZILKHIK DINGTE BANG A KI THEIHMOH BAWL KHEMPEUH UHI.**

Kum zabi masa lamin Africa lam ah Kristian ahong pung nasa mahmah uhi. Tua a kipan in ahi St. Augustine te, St. Cypriante, St. Athanasius te, Tertuliante khawng ahong pawtkhiak uh. Ahihhangin Africa malam panga Kristian ten a sepdinguh a ngaihsak kei ua, Mohammed nungjuite Kris kianga pilut ding ngei kha.

A seplouh gah uh bel, tua Mohamad juituten Africa mallam pang hon umta ua, Kristianna kum za tampi nahisa leng a zungkalh khiakta uhi. Tulai ngei in leng tuagam pen Moslem te a, ahi lailaia; Kristian mission ten leng 'Pianthakna Daltu Suangpi,' aci hialta uhi.

History akipanin banghiam bek i sinkhia uh aw.

Reformation hunlaiin Pope hakkol pen sukbei ding mi ki cithei te ngaihdan ahi. Tuabang hunna na nain mipi adingin a dongkholh petmah a, tuabang mipi ngaihdan pen Husste, Lutherte leh Calvinten hon veipih ngei uhi. Tuabang dan deuh in tulai khovel mipiten zalen a deihnate uh koppih in, Leinuai Saptuam in leng zalena iom theih jelna ding ngaihsunin communist gama Tangthu-Pha thehjak dingpen tuppenin anei uhi.

Communist te ngaihdan paipi, akhup athala kai zou



thei ding Politics lam ah pawl dang aom kei. Nuclear thahatna leh thauvui-thautang khawng lah ahau ngal ua, galkap thahatna zanga dou lah leitunga kidouna pankhetu hih bana, mihing maktaduai tapi sihna ding ahi jel ngala. Tumlam makai tamtakte leng a khuak uh silsianga tohbuai sa ahita ngal ua. (brain washing), communist suksiat ding a ut kei uh.

Tua bang danin amauten zong agen ngei tham uhi. Zatui-zaha a ki kap siette (khamsakte), gitlouh ci tuamtuamte, cancer leh T.B. natnate khawng beivek dingin a deih mahmah ua, ahiihangin tuate sang maha mihingte hinna heksak jaw leh thangbawl jaw communist paidan leh gamtat siate sukbei ding pen lunglutna aneikei mawk uhi.

Russia laigelhtu khat, Ilya Ehrenburg in "Stalin in bangmah dang sem hetloua, mipoi khoih khaloupi anathahsak tengteng minte gelhkhe vekta bang hilleh, a damsung in leng a gelkhin zou man kei ding," ciin a na gen hial hi. Kruscheve in Communist Party of Congress 20 na a akikhopna uah "Stalin in Communist mi gintak huai leh muanhuai banah khelhna neilou tul tapi mahmah a na thatlum ta a....Congress sagihveina a Central Committee member ding kitel kuma telkhakte leh tel dinga candiate mi 139 te lak ah mi 98, za jela 70 te kha, akhonung lama suangkul sunga khum a kaplup vek ahi uh," ciin a gen hi.

Khaile, Kristiante lakah bangciin ahihta phet diam aw, ngaihtuah mah dih!

Kruschev in Stalin pen mohsain hon kheng khia a; ahiihangin aman leng a sunzom thou hi. Kum 1959 a

Saptuam Biakin dinglai kimkhat bek, tuin Soviet (Russia) gamah a ding phet hi.

China gam ah lah Stalin hunlai sang mahin a ngongtat jaw ua, a kigen danin Saptuam pen ding nawn mahmah lou a gen ahi. Russia leh Rumania gam ah lah Kristiante pen a honhona mat in aom uh. (Russia gama Kristiaante ahonhona kimat thu tunnai zeka ka jak uh ahi).

Juau thu-a kigensiatna leh kibumhainain khangthak mihing tuk leh dingawn omna gamte ah nna semin, Kristian leh khotang hinkhua kihuatna lungsim pusakin, tuain a zou jel uhi.

Naupang biakin-a hongkaidia kuante bangna tanggu in, ana beeng ekek ua; tuabangte Russia gamah i ut leh muhkak jel ahi mai hi. Tuaciin denlam cianga Tumlam gam a Kristiante gamtat susetu ding te pen Russia ten tulaiin limtakin avaak thau uhi.

Communist paidan zohtheihna lamkhat aom. Tuapen Tangthupha thahatna zat ahi. Tuapen Communist gam tenga Leinuai saptuam omte nasep ahi.

Tua Leinuai saptuamte panpih pen ginna a unaute kizopna ahihban ah, nangmah gamsung leh Saptuam ngei humbitna ahi. Tua Saptuam hinsak pen Kristiante kia sep ding ahi tuankeia, zalentaka om Kumpi vaihawmte sep ding leng ahi.

Leinuai Kristian ten Communist lamkai khenhatte Kris adingin a na zouta ua. Rumania Prime Minister Gheorghiu Dej leng Kristian a suaka, a gitlounhate ki phuangkhia in a sita hi. Communist gam tampi ah kumpi nasem tamtakte Kristian hingalin, a ki



phuangkhe ngam kei uh. Hicibang pen a khanglian thei jela, denzek ciangin communist gam hingal, a policy lamdangsak zou hial khopin a hongom thei hi, tuabang a gamta dingin tulai hun a lemnan laitak ahi.

Kristian ten i thugin uh i let kip mah bangin communist ten leng athugin uh a gingkip uhi. Ahihhangin tua thu ah haksatna a tuakta uhi. Communist paidan in nam tuam tuamte lak kitanauna a hon tun ngei ding cih ana lamen ua, hileleng huchih naksangin uital mah bangin amau leh amaute a kina tuah vengvung uh cih amuta uhi.

Communist paidanin simlei pialgal (lei paradis) om ngei dingin a na lamen ua, tuabang hih nak sangin buh-leh bal bangkim gam hausa dangte akipan in alei lei mai uhi. Communist ten alamkai te uh a gingta thei mahmah ua, himahleh a tanc inbu te uah Stalin zaw tual thah hat ahi a, Kruschev lah mihai ahi cihte bang asimkha maimah uhi. Rakosite, Gero-te, AnnaPaukar-te leh Rancoivi-te leng tuate mah bang ahi uh. Communist ten a lamkaite uh diklou theilouin a ngainawn theisam kei uhi. Pope telloua Catholic ate bangdan deuh ahi.

Communist ten alungsim uah thawmhauna tak anei ua, tua a thawmhauna uh Kris kia in a dimsak thei hi. Mihing in a piampil a kipanin Pasian a zonguhi. Mihing lungsim ah khalam thawmhauna leh vuaktanna aoma, tuapen Kris-in a luahdim masiah a vuakin aomden hi. Tangthupha ah itna, a lungtang uh khoihkha theiding geh aom a, zohtheihin aom uh cih pen ka mutel mahmah hi.

Kristiante, Communisten nuihsana a bawlsiat te un, amau mah leh a Innkote thuaknatna te khawng a mangngilh thei ua, angaidam thei jel ua, communisten, Kris zotna ding lampi amuhtheih ngeina dingun a hihtheih tanun a panpih sek uhi. Hicibang a sepna uah eite panpihna akul mahmah uhi.

Tua kia ahikei, Kristian ki-itna in khovel teng a uap zoua, Kristian takte lakah ki deidanna tuam aom mawng kei hi. Jesu ngeiin Pasion Niphapen mi hoihte leh mi giloute tungah zong a tangkhe vek hi a ci hi. Kristian itna zong tuabang mah ahi.

Tumlam Saptuam makai khenkhat communist mite kithuahtheihpih te'n, Melmate it dinga Jesun hon sinsaknate a judik ngel uhi. Ahihhangin Jesu'n amah unaute (sanggamte) mangngilha, melmate kia it dingin honci sam kei hi.

Ki-itna pen Kris tangthupha genna lam ah hilouin, a khut uh Kristian sisan kai niuniaute toh annte nekhawma zute dawnkhawmin a ki ensak sek uh. Ahihhangin Communist te mahin a sikdente uh a mangngilh nawn jel ngal uhi, Itna pen alohzou kei uh.

West Germany gama Evangelical leh Roman Catholic Saptuam ten gilkialte adingin Kum sagih sungin Dollar maktaduai 127 tak apekhe ta uhi. America Kristianten zong tuasang maha tam apelai uhi.

Gilkialte jaw a tam mahmah uhi. Kristian martarte sang a gilkiyal jaw leh huhna piaktuak jaw midang ka thei nai kei. German-te, British-te, Scandinavian Saptuamten panpihna a tuabang zah a thohkhiak theih ualeh, a kisamte khempeuhin dongkha uhen, ahihhan-



gin a masapenin, Kristian martarte leh a Innkuanpihten  
Tang masa phot le-uh maw!

Keimah ngei zong Kristian pawl khenkhatten hon  
tatkhiak uh kahi a, Ka gam ua kipana honlakkhiak uh  
kahi zomah lai hi. Hici-in om kei leng tatkhiak theih ka  
hihna kia in zong Tumlam Kristianten a sep dinguh  
semlou ahihdan uh a ki langcian sak mahmah hi;  
midangkhat mahmah leng tankhe lou ahih manun.

Kristian masa pawlten Saptuam thak a patlaiun,  
“Judate ading kia hia Jentelte adingleng ahi hia,” ciin  
aki dong ua; Tua dotna pen diktak in a ki dawngthei uh  
hi. Tuin zong acituam deuhin dotna hong pai nawnta.  
Kristian hihna pen Tumlam gam kia ading ahikei a, Kris  
pen America-te, England-te, Deomcracy gam dang te  
adingkia ahi tuan kei. Jesu zong a ban langkhat tuak  
jakin ahi a kilhbelh uh. Judate Kumpipa bek hilouin  
Jentelte a beczong hilouin Communist-te Kumpipa hih  
zong aut hi. “Khovet tengteng ah paikhia unla, thilsiam  
tengteng kiangah Tangthupha gen in, sinsak un,” Jesun  
A ci.

A sisan mi khempeuh adingin A pia a, tuajiakin  
Tangthupha leng mi khempeuhin a theih ngei dinguh  
ahi. Communist gamsunga thugen dinghon kithalawp  
sak mahmah jaw, a hong ki heikhe vanglak te, itna leh  
phatuamngaihna a adim pahpah uh ahi. Russia gamah  
Kristian lum lah lumlou, vot lah votlou cih khat lel leng  
ka tuakkha naikei. Tumalama Communist tangval hat-  
tak te bang leng, sinsaktu deihuai tak ahongsuak mai-  
mah uhi.

Krisin communist-te a ita, a paidan uh dikloutak a

kipan hotkhiak a ut a, mikhial te A ita, a khelhnate ua kipanin hotkhiak aut hi. Tumlam saptuam makaitu khenkhatte hibang ngaihdan dik omsun banga ngaikhaloute pen communist-te lakah a lungkim hun mahmah uhi. Hicibang a a om un amaute a dinga hotdamna ompen dalkha ua, khelhna pen zong khangsak uhi.

## **SUANGKUL TANG KA PAWTKHIAKA KA TUAHTE**

Suankul tang ka pawt nungin ka ji toh ka omk-hawm ta ua. Ka om jel dingdan ua ka deihdante ahon do tlai in, Kha hon kithuahpihna mun gamdaituama om ka ut pen ka ci hi. Ka ji leng tuabang aom ana ut pen ahi.

Ka tuailai hunin mi huham samtak khat ka hi a, ahihhangin kum tampi mah a tuama khumbit a ka om nungin bel pa - nna khempeuh ngaihsun hiat hiat mi leh zel din neuhneuh mi ka hong hita. Ka lungsim tuipi ki jial banga sou butbut leng a hong dai deuhta. tuinjaw Communist-te leng bangmah piin ka sim nawn keia, theih zong ka thei pha vak nawn kei hi. Vantunga Mou neitupa huang sungah ka oma, hon soisatute a dingin thu ka ngetsak jela, amaute ka it thei taktak ta hi.

Suankul sunga pana pawtkhiak pen ka kilamen pha nawn ngel keia, pawtkhe ding bang dana ka lunggel ciangin gamdai gamkeua Van Mouneitupa toh ki thuahna nuamtak neih vengveng bang ka duh thusam ahi sek hi.

Pasian pen "Thudik," ahi a, Bible pen Thudik tancin Thudik," ahi a. Theology zong 'Thudik a dikdan tancin Thudik,' a hi jel a. Fundamentalism pen 'Thudik' dikdan tancin Thudik,' ahi nawn jela, Kristian



te zong “Thudik’ dikdan tancin dikdan thudik,” ahi jel hi. Kristian te jaw ‘Thudik dikdan tancin dikdan,’ khenlam a i gamtat jiajin a kawitam lota a, ‘Thudik’ tak pen eimah ah a omta kei hi. Gilkial leh khet bah niipneepa ka omlaiun Theology leh Bible lamte ka theician thei ta kei uhi, Thudik tancin thudik pen ka theita kei uh, ahihhan- gin Thudik pen ah ka om zawta uhi. “Mihing Tapa pen na kiginlouh leh theihlouh dakkal ngeiin A hongpai ding,” cih gelh ahi ngala. Gingta dingin ki ngaihsutna taktak zong ka neithei ta kei uhi. Hon soisak nasat laitak uh, mialin hontuam laivel in Mihing Tapa koute lakah hongpai jela, suangkulh baangte khawng suangmantam bangin hon tesak setseta; suangkul sungte bang hon taanvaak puap jel hi. Hon soisatute lah niamtakin, taksa hinkhua ah a gamta ngal ua. Koute kha jaw Toupa ah akipakin nuam asa a, Tua ka kipahna uh Kumpipa Inn thupi taktakte toh zong kikhek ding pen ka phal dek suai kei uhi.

Kuahiam, banghiam nna khat dou dingin maw? Hi thahah lou e! tuabang ka sep noplouhte laka khat ahi. A dik lama pang ding hita mah leng adou thoh lam himhim ka ut kei hi. Biakbuk hingtakmai Kris a ding ngeia lamkhiak ka ut hi. Mun dai leh fianriala Toupa toh kithuahna neikhawm pen lamen kawm gige in eive, suangkul sunga kipana ka hong pawtkhiak.

Himahleh ka pawtkhiakni mahmah in, ka taan sunga soisakna laklaka a kihhuaibel communist-te nitna pen ka hon mukha paha. Thugentu minthang taktakte, Saptuam tuamtuama sem Pastorte leh Bishopte hial ka mukhak te’n amau kep belamte mahmah hekin leh

enkhetute banga zangin, aguka sem palikte toh kithuah dia a zatte bangun ka hon theita a. Amaute ngeiin leng khase takin tuabanga a zat uh honhilh sam uhi.

Suangkul sung lut di ngam in tuabanga amite uh ahektu hih tawpsan pen a kingapna uhiam cih ka dong ta mai hi. A vekun 'Ngamlou e,' aci ua, "hileleng amaute ka lauh jiakuh ahikei," ciin hon hilh thou uhi. A mite uh heka a pankei uleh A saptuam uh kikhaak ding ahih jiaka, tuabang vauna pen a lohcin louhna dinga hic-ibanga gamta ahi ua, Kei lut ma in tuabang a om nai kei hi.

Kho teng ah sahhaw lam enkhetu a guuka pang Palikte aom jel ua. A ut hun ua Siampite leh Pastorte samin 'Kua kuate a kikhawm mun deuh ua, kuate ahia Toupa Nitak Ann ne mun deuh; kuate phatuamngai deuh diak aom ua, kuate ahia khelhna ki puangte, bang-cibangin aki puanghia ua? cihte bang a dong sek uhi. Dawng nuamkei le-ulah amah muna Siampi taklou koih theih ahi jela, tuabang Siampi taklou inlah Saptuam mipite ahilouhna tantan un a heksia sek a, tuabang Kumpi naseggi omlouhna ah (a omlouhna mun bel a tawm petmah hi) A Biakinn te uh a khaaksak pah jel uhi.

Siampi tuamtuamten Aguka sem Palikte lakah gen ding tuam tuam anei ciat uhi. A khen ten linkawm pipi mahin a gen ua, a khen ten lah a sia leh pha theihna te uh khauhsak ahihtaak manin linlou hialin a lawite uh ahekse jialjial uhi, akhen ten lah kilawp mahmah in a genkhia uhi.

Kristian suangkul taangte tate khenkhat bang a genkhiak louh ciangun amau tate laisim ding bang phal-



lou dinga a vau sek jiakun, ahi thei tana laisim dingpen lah a deih jiakun saltangte tate na enkola na vaktute bang linkawm pipi mahin a gen uh.

Saptuam biakna tamtak ah communist - te sehmah siampiten Saptuam akem uhi. Mun siangthou pente bang ah khelhna in vai ahawm hi. Pastor leh Thugentute bang leng a se deuh leh ahoihlou deuhthe aom mah ngei ua; himahleh tuin jaw Pasion om-umloute pawl Central Committee in, Saptuam pen kep a sawmta uhi. Sahkhua himhim a zungpi a kipana kipan loupiin bangci danin tuabang saptuamte api tel ding uam maw?

Lenin in "Sahkhua ngaih sutna leh Pasion ngaih-sutnate khawng, tuabang deih khemkhemna neih mai leng gen theihlough hial khopa muhsithuai leh lauhuai tawpkhawk, kilohtheih kihhuaipen ahi."

"Simsenglouh khelhna leh, i nasepkhiak kihhuaui taktakte, thagum suahna leh pumpi natna kilohtheih khem peuhthe sangmahin hih Pasion lampang ngaih-sutna lungsim theihshiam haksatak pen a lauhuai jawtham hi," ciin a gen hi.

Soviet Russia sunga Communist khempeuh te Lenin juitute ahi vek uh. Tuahangin amaute adingin sahkhuua pen Cancer te, T.B. te leh Dadu te sangmahin zong a lauhuai zawtham hi. Tuaciin sahkhuaw makai dingte bang zong amaute mahin a sep ua, tuate toh Saptuam lamkai a na pangsatén a semkhawm jel uhi. A khente jaw a kithutuak ngel uhi.

Naupang khangdawng laite lungsima Pasion omlou ahi cih ginna cii, a tuhlay ngeingei uh ka mu tam ta a, tuabang ciindaan sukbei dinglah saptuam kuamahin a

sawmthei kei ua. Koute gamsung khopi khat Bucharast ngeiah leng Saptuam kikhopnate ah Sunday school hiam kikhopna himhimte ah naupang hiam tuailaite kikhawm muh ding a vaang mahmah hi. Kristian tate ngei leng kihuatna school ah akhanglian uhi.

Tuabang te ka muh hial ciangin honsoisak teng teng sang mahun comunist paidante ka haw deuh deuh hi. Keimah tung a a sep jiakua hua kahi keia, Pasion loupidan banga a sep diklouhte uh, Kris min a gensiat dante uh leh mi tul tampi mahmahte kha tunga a nasep dikloute uh jiaka hua mah ka hi.

Lou nei mite gam tuamtuam akipanin hon mu dingin hongpai ua, neih khempeuh kikop dinga a gelkhiak dante khawnguh hong hilh jel uhi. Tanglai Kanaan gam bangmaia gam hausa ah, lou neitute, grep huan neitute ngei zong, saltang gilkiial, annnek ding neilou, naupang bawngnawi dawn ding tak ngial leng neilou leh theigah tuam tuam nek ding zong omlou hial khopin a omta uhi. Communist ten guta leh juau thugen hatin hon ngoh uh ciin unauten honhilh uhi. A gilkiial mahmah jiakun tuma lama amau ngeingei, tua kikopkhawm tamai ahihdan uapanin bangbang hiam kiguuksak ahong kiphamoh ta a, aguuktak uh ki-iim na dingin juau thu genkhia apan a ngaita hi.

Khawlpi a nasem pawlten lah, democracy gamte a manglam nangawna zong a theih ngeilouh ding khop hiala kilamdang tuam ahihdan thute hon hilh ua. A semtute in lah deihlouh lam hileleng kuamah kiphawksak loua ommah ding danin aki khaam ua, Mi pilten lah amau lungsim sunggil tak kalh lampanga Pasion omlouh



thu sinsak ding ahi jela. Khovela mihing mun thuma khena mun khatte hindan leh ngaihsutna te lah hihsiat leh lampi dikloua piin aom ta ngala.

Nungaknoute zong ka lakah hong phun tei uhi. Communist Youth Organisation kikhopnate ah a sam ua, Kristian valnoute a na tawp (kiss) khaak jiak bangun a tai jialjial ua, a tawp theih ding uh midangte min bang a pia uhi.

A banglam peuhmah, a dik omloua kihhuai vek gawp ahipen mai hi.

Leinuai Saptuam sunga ka seppihte kahon mukha nawn ta a, khenkhatte matkhaaklouhin ana omlai ua, a khenten bel a pawtkhiak phetun a nna a zompah uhi. Honna kan sui ua, amaute laka kihela pangkhawm ding in honna cial ngutngut uhi. Amaute kikhopnate ah ka kihel jela, a Labu zatte bangun khut akigelh teikhiak-sawnte ngen ahi cih ka mu hi.

Tuaciin, St. Anthony pen ka theikhe thak hi. Gam-dai munah Kum 30 hilhial an ngawla thumin aom seka, Kris Pasion ahihna pen tungthu a Athanasius leh Arius kikala kisualna aomthu a theihphetin a hong paikika, thudik lampen ahong guma; St. Bernard de Clairvaux ka theikhe nawna; Amah ngei zong Kristian ten kidouna siangthou a suallai ua Arab leh Judate a thahdan thu leh gindan tuam ki lamdansak ut mana a kithah sek dan uha theih pheta, aomna mualdawn sangtak aki pana hong kum khesuka, tuabang kidounate a hoihlouhdan ahon genkhiak thute; tuaciin ken leng Kris leh Paul te leh misiangthoute sepdan pen ka engpan samta hi. Kha Siangthou kithuahpihna a khawl tawldam leng ka

sawmta keia, kidouna pen a tel ka sawm zawta hi.

Bangcibang kidouna hita ding hiam?

Suangkul sunga ka taan laiun ka melmate uh adingin thu ka ngetsak sek uhi. A khalam hotdamna ding ngei uh ka deihlam uh ahi a, hotdam ahih ciangun ka kipak petmah uhi.

Ahihhangin Communist-te khelhdante teng teng ka mu ua, ka haw mahmah uhi. Tangthupha zanga amaute gamtat hihsethei omsun, Leinuai Saptuam pen hatsak ka uta, Rumania gamsung bek ngaihsun ka hi keia, Communist gam khempeuh ka puaknat ahi uhi.

Tumlam gam ka hongtunga, amauten ana ngeingaih kei hial uhi. Saniavski leh Danielte pen, amau Communist pawlte laigelh tu minthang tuak mahmah hinapiin, amau suangkul sung maha tang dinga a moh-paih laiun khovel mun tuamtuama laigelh miten avui pih mahmah uhi. Ahihhangin Kristiante aginna hangua suangkula a lut ciangun a Kristian hihpih unauten a vuipih kha dek kei jel uhi.

Brother Kuzyck leng Kristian laidal, kipumpiakna leh Bible bohkhiaik laidal tuamtuamte a hawmjak mana suangkul lut zong, kua'n a vuipih a le? Brother Prokofiev leng sermon gelhkhiaik a hawmjak jiajin suangkul alutsak ua kua'n a vuipih ua le? Kuaten a theinuam ua le? Kuate ahi ua Hebru Kristiante zong theigige a, Grunvild leng sermon gelhsa a hawmjak mana atansak ua, a tapa lak mangsak laiun kua'n a genpih a? Ka tapa Mihai a pant kei hon lakkhiaik lai ua ka lungsim aom pen ka theigige a, Brother Grunvald te, Ivanenko - te, Granny Shevchuk - te, Taisya Tkachenko - te, Ekater-



ina Vekazina - te, Georgi Vekazin te, Latvia gama Pilat nupate leh martar dang himhimte thuakdan leng ka theihsiampih a, ka thuakpih mahmah hi. Kristian masa pawlten a lawmte uh gamsa laka apaih dek ua a ki kihinna uh khainiangte ana tawpsak uh bangun hiai mite kikhinna khainiangte ka tawpsak hi.

Tumlam saptuamten jaw bangpiin a simkei hial ding uhi. A thumna ua angetsakna dingte ulakah leng martarte min a telngei kei. Russia gam Baptist leh Orthodox Saptuam makaitute, amau mite mahmah heksia a kitheihmohbawlte New Delhi, Genevate khawngah pahtawina toh ana kipahpih uh. Tua ah amauten lah Russia gam a sahkhua biak tungtang ah zalenna bukim anei uh cih bangun a gen zomah lai uhi.

World Council of Churches makaitu khat ngialin houh Bolshevik Archbishop Nikodim in tuabang thu a genlaitakin a na tawp hial hi. Tua ah Worl Council of Churches minin ankuang luina thupitak anei zomah lai uhi. Tualaitakin Russia gama suangkulte ah Kristian suangkul taang tamtak aom ua, amauten ankam paklumte khawng akiat gemgem uhi.

Hici bang tel jaw ahi thei tawntung sam kei ding. Hiai thilte jiajin Leinuai Saptuam in ahihtheih liai aleh keipen hong paikhia a, thil omdante hon genkhe dingin hon ci uhi.

Tuaciin, Communist mihingte ka it kacih hangin communism (a paidan leh gindante uh) pen bel ka hua a, gensiat theih dandana gensiat ka sawm. Mi khenkhatin Tangthupha bek genin honci sek ua, Guksep Palik (Secret Police) ten zong; ahihhangin communist paidan

hoihloute gentelloua Tangthupha gentheih hiin ka thei-kei. Tua ahihmanin Tangthupha kia gen dia hongci teitei te jaw amau toh ki guizop hiin ka sep mai hi.

Ahihleh Baptist John in Tangthupha bek mah gen ahi hia le? "Kisik un, van-gam lah anaita ngala," cihlough thudang zong agen hi. 'Herod, nang zaw akhial mah na hi," leng acisam ve le. Tuahangin ahi, a lutang zong tankhiaka a om. Jesu ngeiin leng Tang tunga a thugente banah Saptuam lamkaiten negative sermon (Akalh lampanga thugen) acihding khop hial un thu a gen hi. "Laigelhmitte leh Pharisai bumhatte aw, na tunguh a gik hi," cihte khawng leh "Gul suante aw," khawngbang acih jia kin Amah zong kilhbellin a omta ve le. Tang tunga a thugen kia hileh jaw pharisaiten leng a pawna dingun a ginhuai kei hi.

Khelhna pen a min mahmah a i sam khiak ding ahi. Communist paidante leng leitunga khelhna omte laka a lauhuai pen ahi. Amaute gense lou peuhmahte jaw Tancinhoih thutak gen ahi kei uh cihna ahi mai.

Leinuai Saptuamten leng ahinna tanpha uh tanngam khop hialin a gensia uhi. Tumlam gamte ahouh apuhai sema i gensiat ding uh ahi.

"Anti-Communist," (Communist te gal) hihial a sap hilouin amaute paidan, kipidan leh gindan dikloute gensiat ekmah sawm ka hi. Hitler zong Anti-communist a ci hial na ua, a khua leh tuite a sikden in a bawlse zomah lai hi. Khelhna pen ka hua a, khelhna bawlkha te pen ka it hi.



## TUMLAM GAMA KA TAWLDAN

Communist - te khut a ka omlai saang mahin tumlam gama ka hongom pen a tawluhai zaw hi. Ka tawlu mahmahna khat jaw - Leinuai Saptuam leh akilawmna gen cet theihlauh khop hialte ka ngai hi. Communist gam ah mihing Tapa leh Amiten lu ngakna ding nangawn zong Mun a nei kei uhi. Tuamunah Kristian ten Inn zong a lam kei uhi. Banga cia ading? Suangkul a lut san ciangun a lilam (laksak) jel uhi. Innthak neih jiaak a zong honman thei mai uhi.

Tua munte ah Kris jui dingin Na Pa si bang zong na phum masa phot hiam, na Innkuante kampha in na kha phot hiam, Ki cih na man omlou hial hi. Kuate ahia Na U leh na naute? Hih lampang ah Jesu toh iki lamdang kei hi. Na Nu leh Pa, na sanggamte jaw Pasian deiham semtute hong hita uhi. Mou in Mouneipa a juau sana, naupangin Nu leh Pa a juau sana, Ji in a Pasal a Juau sana hibang mun ah sisan a laigui kizopna pen apha-tuamna bang aom dia le? Khalam kia a kizopna bek, kizopna taktak hong suak hi.

Leinuai Saptuampen genthei mahmah leh gimthiak nasa mahmah ahih bangin a lak uah Votlah votlou, lum lah lumlou cihbang mukhaak ding aom mahmah kei uhi.

Tumapek Kum 1900 laivela Saptuam kikhawmte bangmaiin a kikhawmsek uhi. Kuaman sahkhaw thupen a thei tam tuam kei ua, Peter in leng a theihlauh mah bangin; sermon paidan leng kuaman atheisam kei uh. Pentecost ni-a Peter sermonte bang Pasian thusiamten endik hoihta le - uh Mark a tawmpiak mah mah dingun a

uphuai. Communist gamsung ah leng Bible khawng vaang ahih dungjuuin thugentu tamtakte, Bible muh ding omlou mun Koltanna a kipan hong pawtkhiate bang aki hi a, a ki gen mawl thei mah hi.

Pa a gintak dan thu khawng a gen ciangun ze nei leh gelkhiakdan tampi in a genkhe thei uhi. Suangkul sungte ah nisimin Annek ding ngenin Pa, Bangkim hihthei lakah akun jel ua, amuh sun te uh bel Ankam lum, anita niin maimah te bang ahi lel hi. Tuabang hial hina piin Pa pen Hehpihtu Pasion hiin a um un a gumthou uhi. Pasionin Job hihlum ding bang hileleng a Pasion a gingta thou bangdan ahi uh. Kros tunga Jesun a thuaklaiin Pasionin paisanta banga akilat laiin zong "Pa aw, "ciin a sam lailai thou bangdan ahi.

Leinuai Saptuamte kilawmna, a kipiakzoh na uleh thuakzohdante khawngbang uh na na mukhasa te adingin jaw Tumlam Saptuamte lakah jaw lungkimna ding om mahmah lou himah hi.

Tumlam Saptuam masawmna pen mit mai ding bang a akilat jiajin communist gama ka omlai sangmahin ka tawlpah in ka gimpah jaw hi.

Tuin Europe gamsung kimkhat te ah Democracy (mipi vaihawmna - zalenna) a beita. Cuba tanphain a beita. Abana te lah a lusu zomah lai uh.

Communist lah lusu ngei mahmah lou ua. Ei Kristianten Thudik kimkhat bek i gum ua, communist ten bel juau pumlum a gum tentan uh. Hicah laiin tumlam a Pasion thusiamten thutak hilou, thu maimai te khawng genin a buaipah zomah uh.

Kum 1498-a Mohamed II-na in Constantinopole



khopi a umkimvel laiin, Balkan gam pumpi pen Kristian nuai ah hiam a om dinga, mohammedan nuai ah; cih ngaihsun detdet a panlak hun ahihlaiin a Saptuam lamkai ten:- “Nungak siangthou mite bang rong ahia cihte, Tui siangthou lakah Thoupi bang hongke khata leh, Thou pen asiangthou ahita diam, tui siangthou pen hong nin zawta ahi diam cihte bang angaihtuah maimah lai ubang ka theikhe nak hi. Kihoulimna a pawng gen maimai jaw ahikha thei, ahihhangin tulaia Saptuam tancinbu suahte khawng sim mah dih uh: Thu ginalou pipi a suah ua, communiste paidan alauhhuai dan thute leh Saptuam tuamuna omte gimthuakna anasat dan te bang a tuangkha sak ngeikei uhi.

Sahkhua na leh Sunglutna tak in Pasion thupen ila saam uhi. A thugente bang iki lawpun i taima ngei uh. Biak dan lam tuamtuama paipih dan kibangloute na buaipiha, eimah ngaihdan loupi banga paikhate na vui-pih pih sang bangin jaw, Saptuampawl tengteng zalentaka i omtheihna ding bang, ngaihsunin Tha-it thei leng kiman jawtham ding hi-a maw?

Jesu'n “Thutak in noute a hon zalen sak ding,” aci a, Tua zalenna bekmahin thutak honpe thei hi. Tua ahihmanin thil neu nounou, akul loupi khawng buaipiha thaman man sangin communist te sikbelhna nuaia kipansuakta a zalenna muna omtheih ahihna dingin kizomkhawmin pangkhawm leng ahoih ding.

Sikbang umsunga gimthuakte ka thuakpih jiakin ka tawl mahmah. A thuakte uh na thuakta ka hih manin ka theisiam mahmah hi.

Kum paita June kha in Soviet tancinbu Izvestia leh

Derevenskais Jizu kiciten, Russia gama Baptist Saptuamten Khelhna kithoihna dingin a tate uh that dingin a saptuam member te uh a sawl uh, ciin a ngoh ua, Nidanglaia a na ngohsa bangun ahi.

Kum 1959 in Rumania gama Cluj khua Suangkul ah Lazaravici toh ka taangkawm ua. Amah numei naupang that ahi ci a ngoh ahi a. Kum sawmthum phet a upa ahih hangin a sawi nasat mahmah jiakun a samte bang angou khin veka, puteek mah abang hial hi. A khutzungte ah a khutcin leng aom nawnkeia, a sep louhpi khelhna ka sem ci a kiphuangkhe dinga a sawlna lamun a cinte a sahkhia sak vek uhi. Kum khat hial ding soisaka athuaksak ek nungun a dikna thu theihkhiakin a omta a, a khah kheta uhi. Ahih hangin amah adingin zalenna pen bangmah pi a hinawn takei, a kisiat mahmah taak jiakin.

Soviet tancinbu in Baptist Saptuam a ngohna thu leng khenkhatten anuihsan kha dinguh, ken jaw a omdante ka theihcet mahmah taak manin ka nui theikei.

Russia gam Kaluga khua a Archbishop Yermogente, Nga vuna kijem Archbishop Nikodim leh Alexei-te sepdan deihloua zalenna sangjaw phut a kipei Bishop dangte koisana om ahi ta ua? Hiai mite sepdan banga sem Rumania gama Bishop tamtak suangkul sunga a sihlai mahmah uh na mukha kei leng jaw atunga mi siangthoute leng hici takin ka ngaihsun kha kei dinghi.

Nasemtu Nikolai Eshliman leh Gleb Yakumin te leng sahkhaw biakna thu a zalenna a phuutnaak jiakun 'Thununna' piak ahi uh. A thu tandan un jaw a natci het kei. Hileh leng tua 'thununna' pen kisoisakna leh kivua-



kna leh khamtheih kipiakna ahi cih akitheih ciangin a kipuaknat pih mahmah.

Communist nuaia thuakgim mite ka ngaihsut ciangin dahpihin ka ling hiala, amaban dinguh ka ngaihsut sak lai ciangin ka ling semsem hi. Tumlam saptuamte, a unau-sanggamte uh gimthuaka omte panpih sawm mahmah loute ka ngaihsut leuleu ciangin dahpih semin ka lingling zou hi.

Keimah mah khawl tawldama om utmah leng ka khawl tawl dam theikei.

Ka pumpi a dingin lauhhuai mah leh ka semjui jel ding. Ka man aleh communisten hon gumang ahi ding uh. Kum 1948, in hon gumang ta ua, suangkul ah hon khum ua, Sweden gam palai Sir Patrick von Reuterswaerde in ka tan lai a ka gamsung milian, Secretary of State Anna Pauker kianga a vapawt laiin, "Aw, Wurmbrand pen tulai takin Copenhagen kholak khawngah a vak hiauhiau ngei ding," ciin a hilha. Ahihhangin bangci ci hiama aguuk a lai ka na khak pen tuabang thuhilha jak lai in Sir Patrick in a sakhau ah ana kuah gu giugiau a, juau thu na hilh ahi cih athei tel mahmah. Tuabang dan omthei lai mah ahi. Tualsih ka thuak aleh zong communist te migoihte honthah hi ding ahi, kua-mah hon that nuam aomlauh manin. Min siatna tuamtuama ka minthan leh zong communist-te mah genthang hiding ahi. (Guksepalik ten 'Ka ut uleh hong minse sak thei ka hi uh,' acih uh mahbangin).

Mi muanhuaitak leh thei ngei leh ci-a hon deihsak mahmah in a hon-gen danin America gam Senate Innpi a thugenna ka neih nungin Rumania gama Communist-

ten hon thah a sawm uh cih ka ja. Ka pumpi goh hiam hon minsiat sak sawm ngei ding uh. Ruamania gama ka lawm ittak takte vauin leh zolbawlin hon soal ngei ding uh. Amaute lah apil un septheih ahau mahmah ngal ua.

Ahihhangin ka dai maimai thei kei. Simtu ittak, ka thugente adik leh diklough ciiktaka sui a etkhiak ding, nang mohpuak ahi saam hi. Tumlam gamte a lusu puk ua, phawnhalh a hun mahmah ta.

Thuak bang ineih khak ciangin i ngohding zon baihlamtak ahi, ahihhangin kua Saptuam mah, kua mahmah ka ngoh kei, communist gama ka thuakna tungtang ah. Khelhna pen upa mahmah ahita a, tulaia thuaknate pen tunaicin a hongkipan ahikei. Tumlam gam Saptuam kikhopna a tamveipi ka hohna ah "Bible sunga kigelh leitung kibawl khiakdan thu khawng adik-lou ahi, Jesu thohkikna thu zong aki gen maimai ahi," cih thute khawng agen mawkmawk uh ka ja. Tuabang Saptuamah kua atel nuam dia?

Khatvei Rumania ah Communist mi, Orthodox Siampi in, ama belamte ngei juausana omsek in ka mu a, Amah khut domkawmin Tapa taimang thu ka hilhta hi. Amah Huan sung ngei ah ka houlim ua, "Endih pasianin mikhial kisik taktakte pen itna toh Ana pomkik dan. Bishop hial himah lecin khelhna kisikte khempeuh ngaihdam ut vek ahi," ka cita hi.

Phatna la khawng sakpiha ka omkhawm laiun hong piangthak petmah ta hi.

Orthodox Siampi mah khat suangkul sungah ka tankhawm piha, Aman pawtkhiak aki lamet jiakin Pasion omlou cihthu agelh eka, ka houlim khawmta ua,



tuakhitin a laigelhsa a botse nawn vekta a pawtkhe nawn  
ngeilou dinga taandet leng a kingap ta.

Poi kasak mahmah khat aomlai: Ka lawm hoihpen  
te nasan in ahon theihshiam louh uh: Communist-te  
tunga heh leh thangpaiin hon koih ua, tuabel hilou hi.

Mosi hunlaia laigelhtu khat Klaude Nonteflore in  
agendan in "Jesun laigelhmitte leh Pharisaitte abawldan  
leh mipite makai a kou gawp dan pen A thupiak 'Na  
melmate uh it unla, hon hamsiatte vualjawlun,' A cih  
toh ki kelki mah mah ahi ciin agen. Dr. W.R. Mathew,  
Londona St. Paul Biakinn a makaitu ahihna apana na  
khawlsanta in leng, "Hih thu pen Jesu thuhilh leh a  
gente akituahlouhna leh ki-kelkitna ahi," ciin ana gen  
hi, Jesu mah zong mibanglou in a gen hi.

Nonteflore in Jesu acihna pen dik hetlou hulhual  
ahi. Pharisaitte pen Mipite maiah taiin kou gawpgawp  
mahleh itlou tuanloua, Amaute a it mana taia sal hijaw  
hi. Tuamah bangin Communist te dema a omdan hoih-  
loute uh ka genkhiak pen ka itjiak ahi jaw hi.

Tamveipitak Communist-te mangngilha, khalam  
thu kia gen dingin hasot in ka om hi.

Nazi nuaia thuak kha Gingtu khat kamu a, Aman  
ka kiangah 'Kris adia sahkhi a ka pan laiteng hon-gum  
ding ka hi, Communist te kalha bel paukhe lou ding ka  
hi," hong ci hi. Tuatak in ken zong "Hitler vaihawmna  
doua pangkha Gingtute diklou ahi uhia? a vaihawmna  
gitlouh daan genkhalou hiala leh kalh khalou hiala Lai  
siangthou thu kia a kipana genkhe dinga amaute sawla  
om uhiam" ciin ka dong hi. Aman leng "Hitler in Juda  
mipi Tul guk val that hi, Tuahangin kuapeuhin gense

thei uhi," ciin hon dawng hi. Ken ka dawng kik leuleu a, "Communist - ten Russia mipi Tuul Sawmthum leh Chinatate leh gam dangdang te Tuul tampi that ta uha, Judate zong tampi mahmah that ta uhi: Judate kia thaha aom ciangua thangpai ding idiam? ka ci hi. Tuatakin aman "Hipen jaw thu tuampi hiveh aw," hong ci a, ahihhangin ahihhcetna dang ka mu tuankei.

Hitler hunlaia thuaknate ka thuaka, Communist - te nuaiah zong ka thuak veve hi. Hihhun nihte athuaknate a kibang veve ahi uh.

Gingtuten Communist-te kia hiloua, Khelhna cituamtuamte zong idou ding uh ahi. Thu khat kia hiam nna khat kia hiam kithamanlou buaipih in omsek kei ni.

Communist-te jaw tu-hun adingin Kristiante a dingin melma thupi leh lauhuai pen ahi uh Amaute dou dinga pankhawma pan i lak uh kul mahmah hi.

Mihing (Kristian) te tup pipen jaw Kris batna ahi, tuapen dala suksiat Communist-te tuppen ahi. Amauten sahkua doupenin anei ua, mi khempeuh asih nung ciangun - cii (seed) khat hiam, banghiam khat khate (soul) suakthak mai dinga thupi louhial ding ahi ci-a aki hilh bangun a ngaihsun ua, leitung hinsunga nna leh vante khawngtoh kituaka om aut uhi.

Communist gama mikhat in Alfred Adler lai gelh 'Individual Psychology,' kichi a simjiak lelin suangkul ah akhum uhi. 'Individual' (mi malmal) cih lel mawk, a hona (group) cih ding ahi aci uhi. Mi mal eima' hihna ciata i hihna eive communist-ten suksiat a sawm nawn uh. Jesun leng ei mimal i omdan hihna ciat a om ahi adeih. Tua ahih manin Communist te toh kituak thei



mahmah lou ihi. Kauukai Religia (Science leh Religious) cih Thukijakna khat asuahna uah "Communist leh sahkua pen omkhawm thei mahmah lou ahi, amaute a kilangkhen hilhel, ua.....Communist program bawl leng sahkua sukbeina ding ahi.....sahkua hencipna akipana mite tangtawna a pawtkhiakna ding uh, sahkua neilou society bawlkhiakna ding a program pipen ahi," aci hilhial hi.

Tua ahihciangin, Communist leh sahkua pen omkhawm thei hilhel lou ding hi. Communist juimi mahin agenna ah "Communist pen sahkua dia sihna ahi," aci hilhial mah hi.

## SEH NGANA

### LEINUAI SAPTUAM TANCIN THUTAK, ORTHODOX SIAMPI LEH ARCHBI- SHOPTEN KOMIUNISTE HUH UH

A Leinuai Saptuam thutak lam i gen nawnta ding.

Haksapi mahmah laka semgima pang ahi ua, Communist gamah Pasion omlou cihpen sahkhua in kinei hi. Upa piching lambel a up dandan uh phal ahi a, ahihhan- gin naupang khanglaite bel tuabang ahi kei. Cinema, Radio, Theatre leh laigelh tuamtuam. Thukijakna don- gin Pasion thu uplouna ding bekbek toh kisai lam sepkhiaik leh bawlkhiaik vek ahi.

Hibang Kumpi lian leh thahatna neipen kalha, a thu paipi hoihlou dalna dingin amauten vanzat ahau kei hial uhi, Saptuam makaia kizangten lah Pasion thu sinna aneihloun uh gentakloun Pastor hibuang, Laisiangthou mukha nailou mawng bangzong aom uhi. Tuabang mite ordain na aneihdan uzong lamdang sam khat ahih manin honghilh ka ut hi.

Leinuai Saptuam kemtu Pastor apang Russia mi



tangval lai khat kamu kha a, ku'an nang Pastor dia hon ordain hiam ci-a ka dot leh "Saptuam bishop ten lah Communist te lemsakna telloupiin hon ordain ut kei ua, tua ahnmanin kou tuailai mi sawm ding khawng toh tuma a ka bishop uh a sita han kivuina munah ka va hoh ua, ka lak ua mi nih in a haan tunga suang kikoih ka domkang ua, midangten haan ka um kimvel ua, ka ding dimdian ua, Kha siangthou in hon ordain dingin thungetna ka nei ta uhi. Tuaciin Jesu khut liam ma ngeiin hon ordain hiin ka thei uhi," ciin honihilh hi.

Hih tangvalpa ki ordainna dan pen Pasion in pom-pih ngei dingin uming. Tuabanga ordain leh Pasion Thu sinna zong neikhalou-a Bible thu lah theitawm mahmah ngal, atheih sun teng gingta tintena zangthei miten Kris nna a sem hoih uhi.

Leinuai Saptuam ten Biakna Inn hoih taktak akinei tuankei. Aguksim maha gamnuai a ka kikhop ciangua, vantung lam ka et uh sanga biakna Inn loupi jaw aom thei ding ahia? Vasaten ka lasak gingte uh ging kilawm toh a na lemkhawm ua, ka kim ua pak gim namtui taktakte ka gim namtui lat in a pang ua, Siampi puan tual taktakte sikin martar puansilh se nipnep toh kivante bang a ngaihnat huai zotham uhi. Aksite leh kha vakte ka meivak un a pang ua, ka meivakte uh hondetsak leh ka biakinn te uh kemtu in Angelte a pang uhi.

Hih Saptuam kilawmdan pen genkhin zou zok kei ning. Hibanga aguka biakna kikhopte ka neih zoh phet ciang bangun mata suangkul sunglama khum dinga pai-pih pah pawlbang aki om hi. Mou in a pasal a kipan manphatak zungbuhte angaha, kipaktakin a bun bangin,

Kristian ten kolte leh sik khainiangte ka bunpah jel uhi. Suangkul sungte ah tuite khawng a vung tawn tunga, aman honna tawp pah hi. na dinmun pen kumpi toh zong kikhek ding na phal kei ding e.

Laisiangthou sung leh Aguka Saptuam kiphutte lakah gingtamite kipaka lungnuam mahmahte mute ing.

Amaute sikdena aom hangun lawmhoih tamtak a nei uhi, kumpi nasem tuamtuamte leh guksepalikte lak ngei ah leng. A khen ciangin amauten hih Leinuai Saptuamte a na hun jel uhi.

Tunai zekin Russia a tancinbu te'n "alangtang-maha gingtalou mite," a pun jelna uah a lungkim louhna thu uh a phuangkha uhi. Russia mite ngei gendan bangin Communist dana kilang a omngal ahilhanga a guka Gingu hi a, Leinuai Saptuam laka kihel tamtak aom sam jakun. Tuabang mite Kumpi zum (Office) leh Propaganda Department te leh gam teng ah a pung semsem uh hiin agen uhi.

Communist-te thukijakna in Numei khat, Communist propaganda Department a nasemlai tancin a gena! Sun ciangin a zum ah nna ava sem jela nitaklama a paiciangin A Innua dantan khat ah a Pasal toh a inn kim ua nungak-tangvalte samkhawm in Laisiangthou thute sinkhawm in thumna hunte anei jel uh. Communist gam ah tuabang a gamta mi atam hi. Communist gam cih ah hibanga a langtang hiloua a guuka pang a tam mah mah uh. Saptuam ngeina laka kihela Communist-te thu thu a kikhop mawk sangin hibanga om a tel jaw uhi. A gukin a hihna dinmun sangtak a kipan tuabangin Kris thu theihpih in a gam a dingin a sem uhi. Leinuai Saptuam



in hicibang member muanhuai tamtak anei hi.

Russia gam ah naupang baptisma hiam picing baptisma thu hiam leh Pope nasep khelh theih leh theihlough thute hiam khawng maimai bang genkhawma houlim khawng a cing kei uhi. Kumsang vaihawm ma leh nungding khawng leng a gen-gen sam kei uhi. Thugenkholh thute khawng ahilhian siam kei ua, a kiselsel sam kei uh. Pasion om umlou mite kianga Pasion ngei om ahihdan a taklat siamdan uh jaw lamdang sa ing.

Pasion om umlou mite a dawnna khawnguh mawlthei mahmah hi. Nekbawlna khata sa cich ki gohna muna ne dinga cialin omta lecin, tuabang nekding bawla a saitou pen omlou dingin na gingta thei diam?

Leitung pen eia dinga nek bawl na thupitak kibawlbang ahi. Tomato, Epul leh theigah ci tuam tuam na neia, bawngnawi leh khuaiju tanpha zong. Hih tengpi kua bawlkhiak ahia?

Hibang zahta mihinga dia kiphamohte leitungin a mah thua bawlkhe picing thei dingin na umthei mawng hia leh? Hibang bawlkhetu khat tei aom ngei hi. Amah Pasion ahi a, amah ompen umlou na hileh-kua hi mawng dinghiam, hibang bawlkhe thei a, semkhe thei peuhmah ding," cihte a kihilhna uh ahi.

Tangtawn hinna zong omngeina ahi cih pen hibangin hilhcetna hoihtak apia uhi. "Naungek pen anu gilsunga aomlaiin kihoupih thei hita leh, gilsunga a hinsungpen tomcik hi ding ahi. Anung zeka a hinna ding hun taktak in jui phet ding ahi cih hilhthei ta leng, nu gilsunga om naungek in bangci-a hon dawngin na uma le? Gawtmun leh Van-gam thu ka hon hilh ua, nou

Pasian om umlou miten nong dawnna uh mah banga hong dawng ngei dingin ginta ing.

Nu gilsung aompen hinna omsun ahi a, anunglam a hinna pen sahkhua neipawlte haina phet ahi aci ding uh. Ahihhangin tua naungek in ngaihsutna neithe i ta bang hileh pen, Hiai bante (arms) khawng a hong poukhe na ua, zan leng ka zankhe thei keia, ka zangthei sam keia, ka kiphamoh kei. Bangci dan a a pou leng hong poukhe mawng ahia? E! denlam cianga ka zat ding ahi kha ding e. Khe te bang leng a hong dawn khe sam ua, zan lah zankhe theilouin ka awmlam bangah a om maimah a, Bangdia hong dawnkhe se ading ua aw? Denlam cianga hiai zanga kalsuana paina dinga ka zat ding ahi ding e. Mialna in hontuam kimvel napiin, mitte bang ka neia lah ka zangthei si kei a, kiphamoh kei na mah ing e. E! leitung vak kilawmna mun khawng hongom ding hi a, huaimun khawng a ka zat ding hi eive," aci ngei ding.

Tuaciin nuangekin gil sunga hong khankhiak dante bang theisam leh mu masa se louin leng a nu gilsunga pana a pawtkhiak nungcianga a hinkhua ding leng a theisiam ding hi. Eite zong tuabang geih ihi uh. I nau-pan laiin itha a janga, lungsim zat dikdan bel i thei kei. I hong upa deuh a, theihna leh pilna ah i khanglian jela, laang (kijawanna laang) in hankhuk lama jawn dingin hon ngak gige. Tuabang hingalin, theihna leh pilna a zat-theih nawnlouh ding hinapi, banghanga khanglian jel i ding? Banghanga gil sunga naungekin khutte, khete nei ahia? Tua aomna sunga ding hilouin dencianga hinna hongoma a kho sakna a a zat ding ahi. Eite zong tuabang ihi uh. Denciang ading a theihnate, pilnate a khanglian



ih i uh. Sih nunga hindan sangjaw a hinga nasem dingin ikisa khawlin i ki puahpha uhi," ciin a gen uhi.

Communist-ten "Kris jaw Leia hongom khe nailou hial ahi," aci uh. Hiai bang zong amauten baihlam takin a dawngthei pahlian uhi. "Tua na sakhaua na kuah bang thukijakna ahia? Tuni a hia jana hia? Koimah dih kahon en ding. E! January 14, 1964 ni a a na hive le. Hiai 1964 pen bangcik a kipana ksimpan ahia? Omlah omloupi akipana simpat ahi maw leh? Amah lah omnailou na ci mawka, a pianni A.D. a kipanin hun leh kum lah na sima? A hong pian main hun pen jaw a om thama, ahihhangin tua tun pen aki gen leh kisp maimai ahi a, Amah hong piankhiak akipana hunleh kum pen ksimpan taktak phet ahi. Hiai communist thukijakna ngei in leng Jesu pen phuahtawm ahi kei cih a hilhcian," ciin.

Leinuai Saptuam kiselguk patna leh ahong kilat-hiakna pen khenkak theih ciah ahi kei. Pastor khenhatin Saptuam angeina a paite laka sem thouin Communist-te lemsakpih khenlam ah Leinuai Saptuam ah nasatakin nna a sem thou uhi. Tua ah Akiselgu leh a kiselgulou Saptuam pen a helh nek nuk uhi.

Tumlam Pastor ten amau kep saptuam sunga a thute bekmah thudik omsun hiin a sep uh. Tuabang pen ngaihdan diklou pumlum ahi. Amaute lakah upna thudik, gencetna thugen hoihtak khawng naza zokzok kei ding. Sibbang umsunga omten bel kisinna hoih leh thupi bangmah aneihlauh hangun mawl tak tak in a lawmte uh piangthakte lakah genin thu bulphuh kingakna kiptak aneisak jel uhi.

Angeina a a paipipen Saptuam pawlpi,

Communist-te pom penin tangthu saupi anei. Russian Socialist Revolution oma kipana "Saptuam Hing," ci-a Servius-te makaiha na kipan ahita hi.

Tua "Saptuam Hing," in Moscow khopi ngeia kipanin "Ka tuppen uh jaw Saptuam phuhthak hilouin sukbei a sahkhua sukhang ahi," ciin a phuangkhia uhi. Saptuam program dingin a kilawm ngei mai.

Gamteng ah tuabang Sergius putdan nei aom vek. Hungary gam a Catholic te lak ah Father Balogh aoma, Protestan lawikhat kithuahpihin communist ten gam alak theihna ding uh lampi sialpihin a panpih nasa mahmah.

Rumania gam ah tumalama Facist ana pang ngei Orthodox Siampi Burduce huhna vangin, communis-te a hong hat ua, communist - te lungkimsak a tupluat nalam in amaute sang mahmahin ahuham jaw. Soviet Secretary of State, Vishinki ma ah a dinga, communist kumpi a hong kipat ciilin Vishinki in "Hih kumpi in lei Paradis a bawlkhe deka, vantung Paradis iki phamoh nawn kei uh," ci - a genlaiin Amah Bruducea pen kipakin ana nui vengvung hi.

Russia gama Archbishop Nikodim tungtang thu kigelhna ciangtak aoma, Guksep Palik ana pang ngeita Russia gam na taikhiak santa Major Deriab in amah Nikodimpen Guksep palik te Agent ahi ciin a na genta hi.

Hicibang mi, Saptuam pawlcih ah aom. Rumania gam leh Russia gamte ah Baptist Saptuam lamkaite pen Saptuam mipite deihlam hilou, Communist-te deihlam mite sehsak ahi uh. Rumania gama Adventist-te lamkai



apang President Tachici-in Amahmah zong communist-te hong hat ua kipana Secret police te laka mite heka kizang mi ahih dan ka kiangah akigen.

Communist - te a hong haat tunglaiun Biakinn leh Saptuam tengteng khumbilh mailouin, biakinn tam khop khaak mah le-uh, a khente pen Kristiante pajia ettheih na ding leh gamdang pan hong khualzin mite laka akilawm dana etsak dingin a hawi uhi. Tuatē pen Kristiante leh ahihna uh suksiatna dinga zat a sawm dan uh ahi. Kei mahmah zong tuabang Biakinn khata Pastor nasemin hon koih ua, ka pawl sunga mite tancin amaute laka tunjel dingin thu hongpia uhi.

Kumpi theihpiha Saptuam kem tampite zuautat om mah le-uh, kha ahing taktak zong aomtham. (Tumlam saptuam te lak ah leng a kemptute hoihlouhleh cinlouhna nuaiah gingtu tak leh muanhuai tapi mah aom veve hi).

Lamdangtak jaw ahi ve, a lawmte uh heksiat cing mahmahte bangin leng thute agen sam ua, athugen uah Bible thutak tapi ahelthou uhi. Huan, mi hek-hatte thugen ahi cih thei napiin, piangthak leh communist - te laka amaute hekse pah ding ahicih zong thei napiin a piangthak thou uhi. Hih thupen Leviticus Bung 11 a Pasion omze neitaka Ana gen 'Haici ciin ding himhim a pumpi pen bangmah in na delhkha ta le zong, a nin keia," cih bang ahi.

Ahihhangin tua Saptuam pitu leh Kumpi a mi lian khempuhte Communist-te ahivek tuankei.

Saptuam pai lellel communist phalna a om pen jaw a tawm hiai hiai. Russia gam sungah Saptuam tul guk

kan a om ka umkei. U.S.A. ah a mitamlam kibang gige hinapi-in, Saptuam Nuai thum aom. Communist gam-sung ah jaw Saptuam icih zong Inn neu nounou sunga kikhawm te ahi deuh uh. Tuate zong Mel 80 kikaal hal dana tuat-in khat zong aomlouna mun aom hi.

Russia Communist lakah, za a sawmgiat in leng kikhopna anei zou kei uh. Hih bang mite mangngilh mai sawm ihih kei ngalleh jaw Leinuai Saptuam akipan beeka, sepkiak i sawm ding uh ahi. Lampi dang sep-theihna lah omlou ahih ciangin.

Moscow khopi a gamdang mi va zinjual ten Biakinn lian khat khawnga mi tampi kikhawm ava muhkak ciangun a gam ua biakna zalen tak aom toh kibang ahi ciin a tuat uhi. Amauten Protestan tak tak, maktaduai tamtak lungjinga omte phawkkha lou ua mukha lou uhi. Hih mite lakah mohpuakna i nei. Amaute laka Tangthupha i va gen uham, akigen theihna ding leh a khanna dingun thilpiak piain i thum sak uham hihen. Koi gam peuha Communist akhanlet aleh Saptuam pen a kiselgu nasa semding cihna ahi. Saptuam biakna innte a khaksa-kna mun khempeuh uh Sahkhua douna dinga kikhopna din, a zang jel uhi.

## **LEINUAI SAPTUAMTE, PASIAN OM UMLOU-TE LAIGELHTE APANA AKIVA AKDAN UH**

Elija pen Mulukolh ten a vaakmah bangun Leinuai Saptuamte zong Pasion om umlou mite laigelhin a kivaak uhi. Bible thute dem leh gensiat khawng a uang thei mah mah ua, "The Comical Bible," (Bible Nuihza-thuai) cih leh "The Bible for Believers and Unbeliev-



ers,” (A gingtami leh gingtalousmite Bible) cihte khawng laibu a suah ua. Bible thute haihuai leh thulimlou ahicih a taklatna dingun Bible tangte mah gelkhak jel ahong kula, tuapen koute kipahna lamtak ahonghi kha thethup.

A gensiatna te uh ataktak ahih jiajin kua gintang theih dingdan ahi keia, copy tam pipi a sun khe ngal ua, Bible tang kigelh dim ahi maia, koute adingin bel nuh-zathuai dinga a gelh uh ahihhangin a kilawm semsemhi. Laisiangthou thu pen Dawimangpa leh aheuten zong gense mah le-uh a dikna pen mang tuanloua, diklou tuanlou hial hi.

A laibu sut uh tamsem sunkhe nawn dinga ngetna lai amuh ciangun kipak thei mahmah uh ahih manin a sut belh hehu jel uhi. Ahihhangin tuabanga ngetna lai petute Leinuai Saptuam mite ahi jaw uh. Hibang loua Pasion thupha thehjakna ding dang omlou hial hi.

Pasion om gingtalous mite phatuamtaka zattheih danka theikhia uhi.

Amaute kikhopna khat ah communist Professor khatin Jesu pen dawisiam mikhat ahi-a, tualou ngal hihna dang bangmah neilou hi cih, lah khiak sawmin a kipei tena. Belvuak khat a koiha, tuasungah tui a dimin a sung saka, tua tui sungah banghiam vui khat a khe suka, atui pen ahong san khia a, “Hih pen a lamdang nna khat a hisam ve le, Jesu’n leng a puan-ak ban sungah tua ahela, uain suak sak dana kigen mai ahi. Jesu sangmahin zong isiam zaw kei ding maw? Hih tuisan zong uain suak sak thei nawn dingka hi,” aci hi.

Atui sung ah avui khat honkhe nawna, tuisan pen

tui siang hongsuak nawnta. A vui dang hon sung khe nawna, tua tui siang pen a san hongsuak kik hi.

Kristian mi khat hong dingkhia a. Professor zahtak huai aw, na nasepkhiak dan pen alamdang ngei mai, Thukhat ka hon dong ding aw. Tua tui uain a na bawlkhiak theih pen tamlou beek hon dawn mahdih, aci a. aman "Tua pen ka dawnthei kei, sihtheihna dingdan gunei ahi a, "ciin a dawnga Kristian mipan, "Tuapen Jesu toh nang na kibatlouh na uh ahi. Aman tui pen uain a suahsak a Khum ahi. Tua tui uain a suahsak penin Kum 2000 phial mahmah hon kipaksak a, nang bawlkhiak pen bel sihna gu a suak maimah," aci nawnta.

Tua Kristian mipa pen suangkul a tanloh mai mah, ahiihhangin tua thu pen a kigen thang haat mahmaha, mite upna a haatsak diak hi.

Koute pen David banga naupang haatlou tak ka hi uh. Ahiihhangin Pasion umlou mi, Goliath sangin ka hat jaw uhi. Pasion koute lampang ahiih manin Thudik pen koute a, a suak hi.

Khatvei zong communist lecturer khat in Pasion omlou hi cih thupi a neiin a gen vak maia. Nna Kibawlkhiakna mupia sep tengteng angaikhe vek dinga sawl ahi uh. Amaute lakah Kristian tamtak a telkha uhi. Pasion kalhlam panga a thugen leh nasepte, Jesu uppen haihuai ahi ci-a a gen khawng angaikhe vek uhi. Agentupa'n Khalam khovel a omlouh dan, Pasion omlou ahiihdan, Kris kici omlou mawng ahiihdan, denciang hunding kici omlou ahiihdan, mihing pen nna khat hi lela, kha zong kineilou ahi cihte agen-gen a. Leitungah "Na," kia om ahi cihte a gen nawn jel hi.



Kristian mipa khat hong dingkhia a, thu gen ding angena, aphalta uhi. Aman a zatlai tutphah pen a la khia a, a pai khia ekta. Dai dide kawmin a tutphah paihkhiaik pen a en vungvunga, Communist lecturer pa lam manohin a pai pheita a, Abiang langkhat a va beng ekmai hi. Lecturer pa a heh mahmaha, a maai bang a san huai huai hial hi.

Paukamsia a zattheih tengtengin a haangkhe ta a, akimvela, a communist-te kiangah mana suangkul a khumdingin a gen loiloia, "Bangci dana hon beng ngam himhim na hia? Bang jia ahia? aci lu lu a.

Kristianin "Tu mahmahin juau thei na hihna, nang mahmah nong kitaklang hi. Bangmah peuhmah "nna" ahi vek uh na ci a, 'nna' lou bangmah dang, omlou ahi naci khinzou lel hi. Ka tutphah ka la a, ka paikhe eka, "nna" ahi ngei nguta, bang mah zong gen theilouin, aom maimai hi. Nang ka hon benga, tutphah toh na kibang hetkei. Naki lamdang mahmah. 'nna' pen a hehin a thangpaiin a kikou khe keia, nangpen bel na hehin na kikou khe thei hi. Tuajiakin Professor zahhuaitak aw, gendik lou law mahmah nahi. Mihing pen 'nna' hih nak sangin 'Khahing' nei ihi zomah hi," ciin a dawngta hi.

Hici bangdan deuhin Pasion om umlou te Lainuai Saptuamten a ginna thu leh thugente uah a seldong jel uhi.

Suangkul a taan laiin a Political Officer khat un, khauh takin "Bangtan na sahkhua haihhuai uh zop sawm na hi ua," ciin hon donga. Ken bel "Pasion om, umlou mite kisika, a sih dektak ua Kris min sama, kikou

vomvom jelte ka mutam ngala; Kristiante upna pen diklou ahi cih nangmah ngeiin zong gingta a, amaute gintakna diklouna a pana hunkhe dinga Lenin hiam Karl Marx hiamte va samkhia a, va cial dingin na kin-gaihtuah hiam suangtuahna himhim na nei ngei ahia?," ciin ka na dongkika. "Na hon dawng siam ngei mai," nuikawm in ahon ci a: Ken bel ka gen zom jela, "Engineer in paina ding lei khat adoha, adohlai in zohngeu khat a vapai theitaa, zohngeu paitheih ngot jia kin tua lei doh pen mihing a dingin a hoih hynnta cihna a hi tuankei. Ahoih hun ngei cih cetna dingin Rel hiam khawng apai phot ding ahi. Tuamah bangin Pasian om, umlou hiala na oma, na hinkhuua lamzan louhna hiam na neihlouh jia kin lel in na pandan pen a dik hi tuanlou ahi aw. Lungkhamna na tuah ni himhim in jaw tua na neih na upna in jaw hon khauh kei hial ding," ka ci a, Lenin ngeikha a etsakna dingin ka zangpaha, Prime Minister ahih nung in leng nasepdan fellou a om ciangin thumna bang anei jel hi, ciin ka gen hi.

Kouten akhen ciangin dai dide in ka galdot mai thei ua. Communist-te bel a dai maimai theikei uhi. Sakhua kalh lamin a hahpan mahmah uh. "Nangmaha khawloute lungsim pen, khamuang theilou hial uhi" ci a St. Augustin in ana gen in adikdan akilangsak mahmah.

## **COMMUNIST—TE ZOHTHEIH AHI UH**

Nou a zalen gama om Kristiante aw, Leinuai Sap-tuamte na huh peuhmah ualeh pen, communist-te lungsim pen a zou dingua, khovel paidan hoihlou a hei lamdang ding uhi. Communist va hihpen, mihing paijia



leh pianphung toh zong kituak mahmah lou ahihmanin, zohtheih ngei dingdan ahi. Ui in leng amah kia a saguh kheuh ding a deih a, tuamah bangin communist-ten leng alungsim takun a nasep dingdan lampite uah, gingta dinga acih uh, hileleng amau nangawnin zong kilawmlou lua a sakte khawng banguh cih ding leh sepkhiaik ding a thadah thei mahmah uhi.

Communist-te gen danin "mihing pen, bang bang hiam nna khat kihelkhawm a kipana hong piang khia lel ihi ua, bangmah peuhmah "nna" (matter) hi vek ahi uh, i sih ciangun "nna" ci tuamtuam suaknawn mai ihi uh," a ci ua; ahiehleh communist gam tuamtuam a miten, bang bang hiam a deih jiakua sih leng lau loukhop hiala omthei ahiding uam? Nna khat peuh kigawm khawm (matter) a piangkha mihingten, nna deihdan bang nei-thei ahi hiam? Tuabang maimai nnaten, nna dang adia ahinna banguh pethei ngei ahi umaw? ci-a i dot kimvel ciangin a hon dawngsiam het kei uhi.

Communist ten Ju a hai dan khawnguh i et leh banghiam jaw omna ahi ve. Hinna saang jaw communist in a piak theihlough a deih uhi. Russia mite leng a tangpi a etin, lungsim lian thuukpi nei mi leh lungsim zatak nei mi ahi uh. Ahihhangin communist pen a langtangin a thupi het kei. Hinna thuuktak a zong ua, koimah ah lah amu tuan kei dingua, zu munte bangah a lutkha jel uhi. Zu khamna in mitphiatkallou khawng jaw lunggel nop deuhna ape saam a, Thutak pen thei le-uh jaw tuabang a omden thei dinguh hi ven.

Bucharest (Hungary) khopi-a Russia mite a hong lutlai un, khual buka khatvei va hoh ka kilawp mahmah.

Ka ji pen hong hohpih dingin ka jawnta a, Ka va lut ngei ua, Russian Captain khat, thaulawng khat a khuta tawikawmin ana dinga, a kima omte vau lauina, a zu dawn, dawn nawn dingin a na ngen lela. A khamluat tak jiajin ju pen a pe ngam nawn kei uhi. A kima mite lah dip kawsa in ana om uhi. Anei tupa Ka meltheih ahi a. Ka va juana, ju pe nawn mai dingin kava ci a. Tua ju a dawn-sung teng hon tutpihna ding ka hi, ka ci-a, buaina a bawlding leng khaam dingin ka ciam hi.

Ka ji toh, captain pa toh ka thum un dohkan khat uumin ka tu ua. Nou thum hon tawi ua. Zu buuk nih leh thum ahon tawi zomah uhi. Captain-in kisiamsak takin Nou thumte ah hon sungdim a, hileleng ka ji toh ka dawn louhjiakun a man a dawnkhin vek jel hi. A kham mahmahta a, ahihhangin zu dawn gige a hihmanin a khambuai se kei hi. Tuaciin, Kris tancin ka gen panta hi. Ka gintak kheelin a na ngaikhe mahmah vanglak hi.

“Khaile, kua nahia cih non hilhta a, ka hihna leng ka hon hilh samta ding. Orthodox Siampi kana hi ngeita a, Stalin in sawina a hon pat tunglaia ginna juausan masa lawikhat ka hi. Khoteng tawnin Pasion omlou hi cih thu te genin ka vialvavak hi.

Siampi a kapan laiin mite khawng juau thu-a na bumhai sek ka hi. Tuabanga ka om jiajin hon kipahpihthei mahmah ua, Guksep Palik Bulian dong in hon koih hial ta uhi. Keimah khut ngeia mite that dingin Pasionin hon gawtta. Tuabanga gi-loutaka ka na septe ka mangngilh theih khaak leh ci-a jute bang na dawndawn kahi, ahihhangin a phattuamna mahmah aom kei,” aci ta hi.

Communist tampite amau mahmah zong hibang in



ki that khajel uhi. Ala phuah siam mahmah uh Esse-  
ninte, Maiakovski-te khawng zong amau mah mah  
kithat ahi uh. Thugelh siam mahmah khat Fadeev in  
zong tangthu khat "Kipahna" cih a gelha, "communist-  
te guma sep pen kipahna leh nopsakna ahi," ciin a gelh  
hi.

Amah pen-a kipak petmah a, atangthu a gelhkhin  
phet cihin amahmah aki kaplum mai hi. Tuabang a juau  
bulom gente kisiamtan thei hetlou uhi. Russia gam a  
communist ahat laia makaite Joffe leh Tomkim ten zong  
communist kipidan leh paijia taktak hon muhkhiak  
ciangun, athuak zouta kei ua, amau mahmah a ki tha-  
lum maimah uhi.

Communist paidan juite kipaak hetlou uhi. A vai-  
hawmtu lian taktakte uzong kipaak lou uhi. Stalin mah-  
mah zong kipaak louhial ahi aw.

Amah lawmhoih tengteng a thakhit vek nungin,  
sihna gu neksak hiam, mi thahlup hiam a omkhak ding  
alauta mahmah a. Ihmutna dantan, dangka bawm banga  
kalh kip theih dantan giat tak aneia, koimun pena lum a  
hia cih leng kuaman atheikhe thei kei uhi. A annek ding  
zong a piak ciangun a Anhuan pan a cep masak kei aleh a  
ne ngam ngei kei hi. Communist vaihawmtu te mahmah  
zong kipak taktak theilou ahi uh. Kris a kiphamoh uhi.

Communist - te i zohzoh ualeh a sawisak - gim-  
thuak mite leng i hunkhia phet uh hilouin, amau com-  
munist mi mahmah zong hunkhia ihi ding uh. I mite sal  
taang, hutkhiak kul mahmahte panpih inla Leinuai Sap-  
tuam panpih in.

Leinuai Saptuam lamdanna mahmah khat jaw, cih-

tak mahmah a agintaak uh ahi. Nasemtu khat George kici in leng Leinuai Saptuam tungtang hicibangin a gelhhi.

Russia galkap bu Captain khat Hungary gamah Saptuam nasemtu khat kiangah a va hoh a. Tua captain pen a naupang lai mahmaha, Hungary gam a lakzoh tunglai uh a hi a, vualzou lawi a atel, kihisak mahmah kawmin a va lengla hi. Nasem tupa a tuam deuha kimuhpih aut hi. Dantan tuam khat ah a va lut khawm ua, Baanglaia Kros kitaak amu ta a. "Huai baanga kitaak pen, juau thu ahi cih na thei hilou hia maw?," aci pah phot a, agen jela, "Nou sahkhaw nasem ten singthem maimai in mipite na pimang ua, mihaiin omden le-uh na cih jiak ua na gen maimai ujaw hiven maw. Tuabang te khempeuh mi hausate adia na cih uh ahi. Khaile, tu'n inih kiain i omta a hongki phuangkhe mai ta awle, Jesu Pasion Tapa a hi cih gingta ngeilou mah na hihna, ki phuangkhia awle." ciin.

Nasemtupa a nui a, "Ka nau hehpihhuai aw, ka gingta mahmah ngala. Adik ngala," aci ta a.

"Hicibang maimaia hon khembawl sawm na hi hiam, na hon nuihsan viala; captain pa'n acinawn haha a, "Juau ahi na cih nop kei dia leh honkap lumding ka hi," aci nawna. "Tuapen juau ci theilou ka hi, adiktak lah ahi ngala," ciin a dawng nawn hi. Captain in a puakguk thau in a awm ah a suna, hilezong "Ka Toupa pen, Pasion Ta, taktak ahi ngala, tuapen juau ci theilou hial kahi, "aci teiteia. Tuaphetin captain pa'n a puakguk thau pen tuanglai ah a paikhia a, khitui luang keuhkeuh kawmin Nasempa pen a pom tonton ta hi. "Adik ahi,



Adikmah ahi ngeei hi. Ken zong ka gingta a; ahihangin tua thudik pen miten asihpih ngam taktak na uhiam cih ka theihcet main ka gingta ngam taktak kei, tua a hihmanin kipaak petmah ing! Ka ginna na hon haatsak taktak hi. Tu-in jaw a hi dingdan tak na hon theisakta boka, Kris adingin ka si ngam samta ding A cita hi, "ci-in agelh hi.

Tuabang dan deuha om pen ken zong ka tuak kha hi. Rumania a Russiate ahonglut cillai un Russia Galkap nih Biakin ah ahonglut ua, "Noute ginna pen hon gintak pihlou ka hi uh. Hibang ginna tawpsan lou peuhmahte thauin kon kaplum vek ding uh. A tawpsan utte peuhmah taklam pangah ki khinkhia unla," ahong cita mai uhi. Khenkhat taklam ah a kikhin khe ngei ua. tua mite pen paikhe dingin a sawl ua, kintakin a paikhe pah ua. A ginna uh tawpsan ut te a paikhiak khit un, tua Russia galkap ten a omlai teng a kawita ua, 'Koute zong Kristian ka hi ngeeiua, hibanga a ginna uh sihpih ngam hiala ginomte kia toh kithuahkhawm ka ut uhi," ahon cikhe ta uhi.

Tuabang miten ka gam sunguah nna asem jel ua, Tancin hoih thu kia a sem louin; zalenna ding bangin zong a sem pah uhi.

Tumlam gamte ah lasakte khawng Radio ah na ngaikhe jelua, khovel la leh la lenglawng khawng na ngaikhe sek uhi. Kouten tuabang ka ginsak ciangun bel, ka kikhopna ua thawm ngaihte polam miten a jak louhna ding ua ka ginsak maimai uh ahi. Tuabanga ka om uh za hiam thei hita le-uh, hong hekse pah dinguh ahimanin.

Hih thute laibu a hon gelh khepa bang jaw a bang-mah lou pen ka hi. Ahihhangin “Aw ginkhe sak theilou khop hiala sikbelh a omte “Aw” ka hi.” Khum cibilha oma, sik leh tang sawl theiloute “Aw,” ka hi. Amaute min siala upna toh cihtak taka seema Kristian-na pen ciiktaka enjui dingin noute ka hon ngen ngutngut hi. Amaute min mah sialin communist gam sunga Leinuai Saptuam pen thu nget sakin thumpih ni. Amaute itna mah toh it-in huh ciat ni.

★ ★ ★

Communist - te pen i zou ngei ding. Ahang khatna bel, Pasian eite lama a pan jiajin.

Anihna dingin, A lungsim sungnung pen ua a deiham uh leh lamet thu uh amau laka i tut theih jiajun.

Nazi thuneihna nuaia communist-mi, suangkul tangte tampi mahmahte, amau hun hamsat lai ngeiun zong thumna tampi anei uhi. Officer khenkhat ngial houh a sih ding kuanun “Jesu, Jesu,” ciin aki kou khe sek uhi. Keimah ngeiin zong ka mu hi.

Communis'te zou ngei ding ihi uh.

Tulaiin Kristianna lam toh kisaia thu gelh thakte khawng phal kei mah le-uh, tanglaia pi-leh-puten a na gelhsa uh, a ngaihntat louh theihlauh uh, Tolstoi gelhte, Eastern Germany a Goethe gelhte, Poland gama Szienkiewicz gelhte, Rumania gama Sadoveanu gelhte khawng bang, communist ten angaina louthei kei ua; Sadoveanu gelh “Misiangthoute hinkhua' cih bang houh Communist-ten, “Misiangthoute tangthu,” ciin a



sunkhe nawn ua, tua ah mi siang thoute tancin a tuang thou a, mite lungtang akhoih thou hi. Lem gelh lam lah Raphael te, Michael angelo te, Leonardo da Vincite khawng gelh ah Kris lem (picture) leh a tancin tamtak a tuang jela, tuate communist-ten a nawlkhin ngam taktak kei uh.

Communist-te ka houlimpih khak ciangin amau sia leh pha theihna lungsim thuuk pen uh a ki lingsak zoua, ka maitang ah pomnuam ci pah keimah le - uh; diksa a pom ahi uh cih a omdan uah akilang in, hon seelthei kei ua, tuapen va sukman nawn ding pen haksa khat ahi.

Amau communist Professor, Pasion omlou ahi cih thu khawng gen ding hinapi-a, panpihna ngeena Pasion laka thumna nei masa bang zong mukha ing. Khenhatte Leinuai Saptuam kikhopna te ah aguk-in hong tel ua, mat ahih ciang bangun a kigenkhiak theihna dingun a juau san jel ua, a juau san zoh phet ciangun a dawilok petmah ziak ua aginna uh a hansen sak zohlouh jiaq un kisikin a kap huphup jel uhi. Tuate zong eimah bang mihing ahi ua. Jesu'n "Nam teng sinsak un," aci a, Sikbang umsung ciang va pha kei un a ci kei hi. Tua ahihmanin, communist gamsunga mite lakah Kris Tangthupha pen a tun ngei ding ahi. Amaute laka semsate toh pangkhawmin amaute pansanin Pasion thuphate tangkoupihin i sem thei uhi.

## **LEINUAI SAPTUAM SUNGAH PAWL TUAM TUAM THUM KIGAWM KHAWM HI**

Communist Gamsunga Leinuai Saptuamte pawl tuamtuam ci tuamtuam thum kihelkhawm te ahi uh: A

*khatna* - Pastor-te, Upate, Tangthupha leh Communist thu-up sinsakte gawmkhawm theiloute ahi ua, amaute a telna saptuam akipan a hawlkhiaak, a tawpsakte uh ahi. Sawtpi suangkula a tansak nung ciangun a pawtkhe sak ua, huai hun ciangin amaute a gukin a nasep uh a sunzom jel ua, kuamah tawpsak theihte ahi kei uh. Amaute 'martar hinglaite,' cihin aom hial ua, a thakhek ding uh saptuam pailaiten nei mahle - uh amaute mundang leinuai, lei kohawm bang, loubuk leh buhpawl lak khawng ah biaknate neiin Pasian a dingin ginomtak in a sem uhi.

*Anihmate* - mi vantang leh galkap te lak khawnga pana kitel tak leh fel taka piangthakte ahi uh. Russia hiin China gam hitaleh koipeuha Kristiana kilou khempuhte lakah lum lah lumlou, votlah votlou a om pelhpulhte muh ding a vaang hi. Kristian hihna man pen sangpi leh manpha lua hi.

Tuabana a theihtuak mahmah khat nawn bel, tuabanga ki soisaka gawtna in Kristian hoih jaw, sahkhii hoihjau leh ginom jawte a piangsak jaw a, amaute Kristian kici ngala A mangthang ding Khate Kris kianga pilut ding kilawpna nei loute bang jaw, a theisiam thei het kei uhi.

Russia galkapte thukijakna khat Red Star ngialin a gen danin, "Kristanten jaw mi khempuuh zoh sawmin a phat pan mahmah uh," aci hial hi. A gam tat hoihte un mite a zouthi mahmaha, Kristiante khempuuh kho ciha miten angaina thei mahmah ua, Nupi khat ngaplouin omta henla, a tate bang enkol zou kei taleh, Kristian



nupi khat hongpaia, a tate bang hong etkol saka, mi khat a sing tuah ding na ngawn tua lut zou louin omta leh, Kristian mahin a singte tuahlut sakin, akhenciingin a puak sak zomah lai uhi.

Kristian ahihna uh a hinkhua uah akilanga, thu a gen ciangun zong midangten Kris mel amaitang uah kilangin a mu ua, angaikhe hoih in a taksang thei mahmah uh. Biakna Inn sunga thugen pen phalna neite-aa ahi pheta, midangten phatuam angaih mahmah jiakun, kongzing khawngah thute a gensek ua, Kristian sa juak tute bangin asa tuunna kaal khawng banguah Kristian thugin kigelhna khawng bang a zeptel jel uhi.

Khawl nasepna khawnga nasemtute bangin a sepna mun a pan a tawp ciangun, khawlsutna muna nasepna te banga hoh nawnin jan sawtpi Kristian nasepna toh kisaite semin lai a sunkhe jel ua, ni a suahkhiak main a paikhe phet jel uhi.

Kristian naupangten koisan mun hiam khawng a Kris thute kigelh bang amuh ciangun, ahoihna lailaite bang a teikhe sawn nawn ua, a heutu te uh sang siate puan-ak baan mong hiam sakhau sung khawngah a guukin a va guanlut sak jel uhi.

Hih Kristiante jaw gelgawtna meisa a halsiang sate ahi ta uh. Huai gelgawtnate Communist-ten Kristiante sukbeina dinga a sep uh ahi a, sukbei nak sangin amaute a siangthou sak zomah hi.

*Athumnate* - Communist - te phalna banga Saptuam omnate a Pastor nna sema, aguka Leinuai Saptuamte laka va sem jelte ahi uh. Communist kumpiten a seh Pastorte uh mundang Biakin polam khawnga Kris

minte a genkhiak uh bang leng apha kei ua, naupangte a kikhopna ua kihel sak zong a phalsam kei uhi. Sahkhua biakna toh kisaia zalenna om banga ngaih hinapi-in, dan bawltawm bangbang hiamin Saptuamte agaak jel ua, a zalenna un omdan mumal anei kei hi. Ahihhangin tuate poisalouin a gukin naupang leh tuailaite lak khawnga semin, thu hilhin, laidal khawng bang ahawmjak jel ua, Tunai cinin zong tuabang sem Pastorte a thei khia ua, Russia gama amatkhiakte bang uh suangkul sunga sawt pipi taang dingin thutanna a bawl uhi.

Upa-a na pang masaten Pasiana a ginom na hangun gulgawtnate thuakin hawlkhia kin a omua, a mau sika guan Upate banglah aki uangsak mahmah ua, bangteng hileh Leinuai saptuam pen jaw mangthei nawn maimai ding ahi kei.

Eiten hiai lam ah Leinuai saptuam i na ci hial na a hiven, communist gama ten jaw tuabang min pu hiallou uhi. Communist mite leh tumlam mi, communist gam sung maha oma, a sahhaw biakdan enkhe tute minphuah lel ahi. Tuahangin khualzin nazongte adingin muh ding om tuan lou hi. Tumlam gamte ah khualzin zin mah lecin, Russia mi enkhetu a om te pawl na mukha khol kei ding. Ahih hanga amaute omlou uh cihna hiloua, khualzin nazongte muh dingin Leinuai saptuam zong aom kei ka cihna ahi.



## SEH GUKNA

### CIALNA THUMASA GENKHIAKNA, THUKIN MAHMAH

Russia galkapte kianga a guuka Kris tangthuphate ka thehjakdan uh, huan Rumania gam khawnga ka sep-dante khawnguh ka genta a, Communist mite leh asik-dente uh mihing hehpihuai taktakte laka Kris tangthupha genjaka phuangjakna a hon huh dingin ka honcial ngutngut hi.

Ka hon cial ua ka hon genkhiakte uh a mawkna leh kilawmsakna a kon cial uh ahihlouh dan a kilat semna dingin communist-te thukijakna a kisuah khenkhatte hon gen nawn leng:

November 7, 1966 in Caucasus gama Suhumi khua ah Leinuai Saptuamin kholai a kikhopna a nei a, kikhawm leng a tam mahmah uh. Thugentuin a genzohin mi 47 in Kris pen a saangta ua, tua hun mahin Black Sea tuipi ah baptisma a tangpah lian uhi.

Uchitelskai Gazeta (Sinsaktute Thukijakna) 23-8-1966 in hicibangin a gen a: Rostov on Don khua a

Baptist Saptuamte, communist kumpi nuaia a pawl uh khumlut (register) utloun kongzing zuihna anei uh ciin a gen uhi. Hiai a lampi zuihni uh May ni khat pen, Communist - te Ankuang luina nipini khat ahi a, tuani sese, Kristian ten zong a teel uhi. Tuabang niin Communist in kongzing zuihna anei jel uhi. Tuaah mi khempuuh kihel dingin aci jel uhi. Tua Kristiante lam zuih niin mi tul khat leh zanga apha uh. Ahinna uh taan ding hitaleh, gilkiyal hiam soisak ek thuak ding bangteng kingapa hongpaikhawm ahi uh. Hongpai khawm tengtengin a malam khanih kha thum hiam paita a, Kullunda khua a Kristian khat ji, Hmari in a pasal luang a na muhdante a theivek ua. A pasal luang ahong tuntakin akhut khawngah a kolbutna khawng lim bang ana omlai a, akhutte, khut zungte, khenuai te bang ah meia a kihal na pawn bang, temta a a ki sutna munte bang muh aom hi. A khe taklam pen a bawk keihkuh a, a khe langkhat lam leh a pumpi khawngah kikhetna ma khawng muhin aom hi. Tua thu pen Kristian thukijakna "Secret manifesto," acih uah a suah ua, kongzing jui dia hongpai tengin a simkha vek uhi. Amaute soisak ek theih ahi cih akitheh ua, hilezong tua teng leng thuak kingapin ahongtel uhi. Martar tampite kivuina mun ngei ah leng ahongpai ua, Lai ki gelh "Kei adingin hin Kris ahi a, sih leng meetna ahi," cihte, Na pumpi uh hihlum thei a, Kha bel hih lumthei tuanloute jaw lau kei un," cihte leh "Maitam nuaiah Pasian thu jiaka thahlupa omte ka mu a, "cihte khawng a lam zuihna uah tawikawmin a pai uh cihte zong a theivek uhi.

Tua martar sihdan leh vuidan te in, lampi jua



hongpaite ahangan sak sem hi. Khopi teng tawnsuakin lampi ajui ua, Mi sawngiat ten Kris asang ua, Don luipi ah baptisma a tangpah ngal uhi. Tua 80 te laka mi 23 te Komsomols (Communist Youth Organisation) memberte laka mite ahi zomah lai uhi.

Motor in communist Palik te a hon pua a, ahong tun phet un Kristian omkhawmte a hon um kimvel pah ua; akikhawm teng teng suangkul alah khum theilou ding ahih manun a makaitu pen mat hon sawmta uhi. Tualaitakin gingu kikhawmte a khuukdin ua, thumna a neita uhi. Hiai ni a a kikhopna beek uh hoihtaka zou fel man ngei ding deiha thumna nei ahi uh. Kikhawmten thugentupa a dinkhum kimvel vek ua, palik ten a mel nangawn amu (en) theita kei uhi.

Hih thukijakna mahin Thukhenna muna Kristian khat tungtang thu a ngaihtuah lai ua, Kristian tuailaite theihpihtu (witness) dia a saplai thu uh zong agena. Communist thukhenna pen a muniam mah mah ua, a heh uh a suak sak zomah thei hi.

Tuacih naak kaalin, a na gal et mi dangten lah, thupi ngaih mahmah bangin Kristiante pawl ana gal-et diamduam uh," ciin a gelh hi.

Rostove khopi a Baptis Saptuam-te "dankalh" a Saptuam omte pawlin, aguukin laigelhna Khawlp (Press) anei uh cih zong hon gelh uh. (Russia a Baptist pawlte in Evangelical leh Pentecostal te zong a uapkhawm hi). Khangnoute a upna ua kiptaka omding hasotna leh, nuleh paten a tate uh "tomcik daihding leh akikhek pahpah ding nate a theihtheih na ding ua, sivuina khawnga tonpih dinga," akihasot thu a jak

khawng te uh a suahekhe jel ua, tuabang kihatotna thute kenzong hoih sa peuhmah ing. Tuaban ah, a tâte un Communist sanginn a Pasion omlouh thu a sinna ua kipan asuahtak theihna ding un leh a tate ngei uh Pasion thutak sinsakna neijaw dingin zong a hasuan uhi.

Hih Leinuai Saptuam laka kihelten, thuakna leh gelgawtna te zong laulou hialin Communist - te Pawlpi Office mai khawngah zalenna deih in a va ding uhi.

Tuin Leinuai Saptuamte thuguk, bangci ci hiama ka khut uh hongtungkha, ka ma ah a oma, ka hon hilh pah ding:-

*Thukin mahmah.* Eite Toupa Pa Pasion leh Toupa Jesu Kris in honvualjawlin hon khamuan ciat hen.

May 16, 1966 niin Evangelical Baptist Kristian te mi 500 ding, Moscow khopi a Union of Socialist Republics Communist Party Central Committee te maia a kihohna thu pen kahon hilhpah uhi.

A General Secretary uh Brezhnez ma ngei ah ngetna lai ka va pia uhi:-

Secretary pa omna Inn kongah mi 500 te ding diamduam mai hi. Jinglam a lai piak pen akiang tungloua akaal laka mang ahi cih akitheia, nitaklamin adang khat a kipe lut nawn hi. Tua zong mi khat Stroganov in secretary pa leng a pesawn ut keia, ana vau ek zomah lai hi. Tuaciin mi 500 te jan khovakin konglak ah a ki om maimah hi. Moto hongpai te akipanin buannawi peuha thehin a ki oma, ajingkal in communist heutu niamzaw deuh khat toh kimu dinga a Inn a valut dingin sawlin aki om hi. Ahih hangin a ki lut nuam keia, ahangbel In sunga lut peuhmah cianga, honna sawi ding uh ahi cih



aki thei hi. Tuaciin Brzhnev mah muh ngei sawmin konglak ah aki ding gige maimah hi.

Ani nihna ni taklam dak 1:45 in, Bus 28 a hongpaia, soisakin aki omta. 'Ki umkhawm pilpelin ka dingkhawm ua, khut kilenin 'Kros i puaktheih lai nite i damsunga i hun hoih neihsunte ahi uh,' cih la kasa ta uhi. Guksep Palik ten hon khen zialzial ta uhi. Ka kikhut let pan hon kaikhen ua, ka maite uh leh kalute khawng uah honkhen jialjial ta uhi. Khenkhatte ahumsam ua manin bus lamah a kailut ua, taisiat sawmte bangzong bangmah theiloudia aom masiah uh a kheenkheen mai uhi. Bus te a ki dim phit phet takin theihlauh gam kawm lakah hon pawmang ta uhi. Tuabanga a mat beilouh uh omlaiten atunga la kisa mah ana sa jel ua, bus sunga tuangten a paikawm kawmun a lasak uh gamlapi a tun dongun a za jel uhi.

Zaknophuai omlai hi. Tua mi 500 te suangkul sunga akikhum zoh ciangin, tuanung sawt kihal louin Belamcing mi nih, mi hangsan leh dik, G. Bins leh Horey te tua Party Cetrul Committee Office ngei ah a valut nawn uhi. Denlama mi 500 te koilam a koih na hi ua ciin a va dong pah uhi. Hiai minihte zong a pomang pah ua, a nung sawt kihal law louin Lefortovakai suangkul ah kikhum hi, cih akiza hi.

Hibang a ki soisakte khawng Leinuai Saptuamin a lau diam? Lau thahah lou e, Tua nak sangin Communist - te phallouh ahi cih theikawm pipi mahin tua ijak thu zong hon suahkhia uhi. Tua ah 'Kris jiaka Amah gingta te kia hong hilouin Amah vanga thuak dingin,' (Phil. 1:29) cihte zong hon gelh ua, 'hibang gimthuaknate jiaka

kuamah a patauh louhna dingun hibangte thuak ding-maha seh leh sap kahi uh cih noumaute hon theihpih tute na hi uh, "(I Thess. 3:3) cih thute bangin unaute a hanthawn jaw uhi. "Jesu i ginna siampa leh sem bucingpa lam enkawm gige in, i ma a kitaitehna ding omah kuhkaltakin i tai jel dinguh," Amauten ama ua kipahna om jiakin zahlaknate ngaineuin kros ah athuaka, "cihte bangin unaute a hanthawn jeljel uhi.

Leinuai Saptuamin "Setanin koute hun sungin vai ahawma, Saptuamten Pasion thupiak kalh bang hita le-uh zong a pom jel ngala "cihte bangin Saptuam ngeina a paite gensiatna bang agelh ua. (Tuapen Pravda Ukrami thukijakna October 4, 1966 a kisuah ah communist ten leng hon vuipih sam uhi).

Pravda Vostoka thukijakna ah, unau Alexei Neverov-te, Boris Gamashov-te, Axen Zubov-te bangin, America gama kipana Tangthupha Radio a a suahte uh, Tape recorder a ana teikhiak sawn ua ana hawmkhiak sawnte tungtang thu-a a tungthu uh a ngaihtuah lai thute khawnguh leng hon suahkhia uhi. Leinuai Saptuam in laibute khawng suah a sun thakthak jel ahi ciin Sovietscaia Moldavia thukijakna in a gen hi. (Sept. 15, 1966).

Hih tancinbu mahah Kristian pasal naupang thum leh numei naupang li-te'n Rel a a tuanna ua Kristian la 'I tuailai nite Kris adingin i pe ding uh, 'cih a sak jiakun, a kiangua tupa khatin kongzing ahte, Rel khawlmun ahte, rel leh bus te ah lasain thute ahilh uh ci-a genbehin aman ua, a tungtang thubuai a genlai thu-uh a tuanghi.

Ahimhim in, phallouh pipi mahin kholak leh van-



tang lakah kikhopnate a nei sek him ua, Kris thute a phuangjak jel uh, cih a ki hekna uh ahi.

Kristian la a sak jiakua mat aom, atungthu uh thutanna bawla mohpaiha a omuh a jak phet un a dinna mun uh vaihawmna tuanglai ngei ah akun suk ua, a khuk din ua, "Ka vek un Toupa khut ah ka ki lankhe ta uhi. Toupa aw, hibang kon gintakna uh neucik jiaka non thuaksak phal manin lungdam petmah ung," ciin thungetna anei uhi. Amaute na mukha te gendanin, Madan in ma a kaia, suangkul a lut jiak ua alasak ngeimah uh a sa zompah uhi," ciin.

May ni khat niin Kipeong leh Zaharovka khomiten Biakin a neihlough manun gamlakah kikhopna siangthou tak anei uhi. Amaute pianni (birth day) lawm banga kibawlin nidangin zong tuabangin biakna pen na nei jel uhi. (A ummi Inkuan mi li leh nga bang aomna uah kum khat sungin pianni 35 vei bang lopna neiin paulam abawl jel uhi, biakna kikhop a bawlpen uh selna dingin).

Leinuai Saptuamte pen sawina leh gimthuaksa-knate in patau sak tuan deklou hi. Amauten saptuam kipattungna ate mah bangin kipumpiakna leh hansan-nate nei mahmah uhi.

Pravda Ukraini thukijakna October 4, 1966 ah Russia gamsunga Leinuai Saptuam lamkai khat Prokonev pen in suangkul sung thumvei mahmah ngak a ahong pawt nawn nungin A sep ngeimah, Leinuai Saptuam lakah hon sem nawna, tuaphetin matkik pahin omnawn hi, cih thu zong honsuah uhi.

Hih mipa-in aguka thukijakna bangdan deuh a suahna uah "Mihing dante (Communist dan) a zuih

jiakun Saptuam ngeina (Kumpi deihlam dana phuhkhiak pen) in amah leh amahmah akibawl siat jiakin Pasion vualjawlna tangkha lou dingin a ki bawl zota,” ciin a gelh hi.

Leinuai Saptuamte jaw koipeuh ah suangkul sung hitaleh, bangci zahta a soisakna leh gawtna in zong lausak tuam lou hial hi. Tua naksangin Saptuam masate mah bangin a soisakna ngahte un kipumpiak na semsem a neisak zomah hi. Russia gama suangkul sungte, Tumlam gama suangkulte toh kibangin na na gelkha kha ding ua. Russia gamsunga suangkul tangdia mohpaiha na om peuhmah leh, soisak a thuakgimsak eka, gilkiial jena Sikbelh leh na khuak omna soisak ding cihna himai ahi.

“Naukai Religia,” (Telsuina leh Sahkhua) cih thukijakna in, Kristiante bawl dandan thukijakna a a gelh te banguh a suah jel ua. Hiai mun khawnga thukijakna leh tancinbu (magazine) ‘LOOK’ te “Time” (eite gam suak Illustrated Weekly bangte) bangdan a suah ua, A bu kawm ah Leo Tolstoy gelh tangthu Anna Karenina khawng a tuangsak jel ua, ahihhangin a sunglam ah Bible thu kia a tuangsak uh cih aki gen.

La-te zong Russia nam la kaih in Kristian la, Phatna late a bawl ua, Kristianten a sak jel da uh Kazakstankaia Pravda thukijakna June 30, 1966 ah a kigelh hi.

Bakinskii Robocii thukijakna, April 27, 1966 ah Tania Cuguova (Communist Youth League member) in Kris a hon up nunga a laikhak gelh ahon suahkhia ua, hih thukijakna pen kumpiten a matsak uhi. Hibangin akigelh hi:-

“Ka ni ittak, Nadia; I Toupa deihtak in hon vual-



jawl hen. Ni Nadia aw, A honitna a na thupi dan tel! Amah maiah bangmah kihi mahmah lou hi. Ni Nadia aw, 'Na melma it inla, hon hamsiatte vual jawl zogeihin, nang hon hote hoihna ding sem jaw in; nang hon simmohte thumsakin,' cihte aomdan na theihshiam ka gingta hi," ci-in.

Hih laikhak a mankha ta ua, tua nungaknu Kris kianga na pitu Peter Serebrennikov ngei amankha ua, suangkul ah akhum pahlian uhi. Hih thukijakna in uapa Sermon tamlou a gelh kha a, "Kristian masaten ana gintak mahmah bangun eiten zong i gintak mahmah ding uh ahi. Eite a dingin Dan pipen Bible thu ahi a, dan dang bangmah i pom kei Mite kha, tuailaite kha mahmah honkhe dingin tha-it taka iki noh ding ahi," cih ahi. Soviet Russia ten tuailaite kianga Kris tangthupha hilh ding a phalkei uh cih a hilh ua, aman "Koute adia dan omsun Bible ahi, "ciin a dawngkik hi.

"Tuailaite'n khalam late a sakhawm ua, baptisma khawng atang ua, kisinsakna huat-huai pen 'Na melmate it in, 'cihte khawng bang um tentan mah uh eive, "ciin communist thukijaknate khawngah agelh khia uhi.

Kazakstankaia Pravda thukijakna June 30, 1966 ah sang inn khata naupang siampen Kristian naupang ahikhak jiaka mulkimhuai a sak thu uh atuang hi.

Bakinskii Rabocii thukijakna mahin "Communist Tuailai Kizomkhawm pawlte laka tamtak gingtu tak suak ahi uh, "ciin gen. Tua thu khawnga lungkhamin "Communist sanginn te khawng a mawkna hilou maw? Vak cimtakhuai....Pastorten lah Sangsiate sin sakna mun akipana naupangte bang zolkhe thei ua, "ciin a

suah uhi.

Kirgizskaia Pravda thukijakna January 17, 1966 a kisuah ah, Leinuai Saptuama, nupi plwten Nupi dangte kianga ngetna lai a suah thu a gelh ua (hih zong kumpiten a matsak uhi). "Eiten i tate naungek ahih uapan, Pasion kianga laanthei dingin thumna leh nasepna ah i panghuan ding uh..... Leitung suksiati ding akipanin i tate uh i hunkhe dinguh," cih.

Russia gam Celiabinsk khua akipana thukijakna khat ah, Nungak nou khat Nina, Young Communist League member khatin Kris a gintakthu zong a tuang hi.

Sovietskaia Justitia thukijakna Nov. 9, 1966 ah Leinuai saptuamte kikhopna thu a kigelha, "Jan laiin, mun kilkawm kisel takah eimah liim mah zong lau phial-phiala lauthawng petmahin ahong paikhawm ua, Dantan mial mahmah khat a dim phitphet ua, khukdina omna ding leng awnglou khop hialin. Huihsiang a tawm manin a meivak det uh zong a mit hiala. A biangte uah kho-ul khawng a kai niaunau geuh a. Tualaitakin Toupa sikha khatin communist Palik te ahongpai uham cih konglam ah ava enkhe jel. Tuabang kikhopna ah unau mah bangin honna kipahpih uh," cih thu Nina in a gen tawp thei kei.

"Tu-a ka na neihtaak, ginna, mi suvak thei hial khop loupitak mai anei ciat ua, Pasion upna pen mah. Aman jaw a khajaknuai ah honpi lut ta a, Komsomols ten jaw hon houpit utloun hon peel vava mai uhen. Musit taka enghou in "Baptist," cih bangin hon sam vial mah le-uh, amau jaw kulnawn mahmah lou ka hive,



“khawng aci hi.

Amah bangin Communist tuailai tampiten sih donga muanhuaia Kris adia kizang dingin thupuknate a bawl ciat uhi.

Leinuai Saptuamten thukhenna muna thukhente a dawnnate uhang jaw Kha siangthou pina taktak, om mah hi. Thukhenpa khat in Kristian numei kiangah, “Bangci dan ahia, mi hon phallouh pipi-a mite pilut teitei na sawm uh,?” ciin a donga, aman “Ka tuppen ujaw, Leitung maikaih zousiah Kris adinga zohsiang ahi zomah lai hi, “ciin a dawng ekmai hi.

Sinlai numei khat kiàngah thukhen Mangpi khat in “Na sahhua uh science (telsuina) lam toh kikalh lua hilou hiam,” aci a; Amah nu’n leng ahon dawng teia, “Einsteina - te, Newton-te sangin science na thei in na siam jaw ahia? amaute zong Kristian hoihtak ahi uh. I tenna leitungin Einstein minte khawng bang a neita ua, High Schoola ka sinna laibu khat ah ‘Eistein leitung,’ cih bang ka simkha hial hi. Eistein mahmahin “Jesu sinsakna bangin Kristianna pen siangthou takin kem thei lehang jaw; hon suangtu khelhna tengteng akipan a leng hon hunkhe thei sahhua mahmah ahina ve.

‘Tua ahihmanin, hibang sahhua hatsakna dinga sep khiakpen mi khempeuhin a hih ngei ding ahi,’ ciin eive a gelh jawkmah. Kou namte Pavlov, psychologist minthang mahmah leng na theikei maw? Koumau laibu ngeiin zong ‘Kristian ahi,’ aci hi. Karl Marx in leng a laibu gelh khat, Das Kapital acih ah “Kristianna pen, Protestante sepdan ngialhouh, khelhna suksiat dimdema hindan siamthak nawna dinga sahhaw hoih bel

ahi, 'aci hi. Khelhna in a suksiat sa hinna nei ka hi a, huai ka hinna sesa siamhoih thak dingin Karl Marx mahmah in zong Kristian hi dingin hon sinsak hi. Nang Marx nungjuuin na zuih Marx.thu ka zuih tungtang ah bangci dana ka tungtang thu ngaihtuah thei na hia?' a ci-a.

Thukhenpa in a dawn dan ding a theita kei. Tua-bang dan deuha science toh kikalh sakhaw nei ci-a kingohna thu-ah Kristian khatin hi-bangin a dawng nawna: "Pu thukhenpa aw, Science a mi minthang mahmah khat Simpson, Naplup (chloroform) damdawi (lou) mukhepa leha damdawi dang tampi mah bawlkhepa sangin jaw thupilou zothamin ka hon thei. Aman jaw a mukhiat khempuhte laka a loupipen banghiam ci-a a dot lai un, "Naplup lou jaw ahi kei, ka mukhiak laklaka a loupi kasak pen jaw mikhial ka hi a, ahihhangin tua mikhial ka hihna kipana hon hunkhe thei Pasian hong itna ahi cih ka mukhiak a loupi penpen hi,' ciin eive a dawn," ciin.

Leinuai Saptuam lai kigelh khat, aguka honkhak khiak uah hibangin ana kigelha, "Kristian hoihjaw hid-ingin ka thumin ka ngen kei ua, Pasianin Kristian hih dingdan diktaka a seh banga omdingin bel ka thumin ka ngen sek uhi; tuapen Kris bang geiha Kristian hih, Pasian min loupina ding ngeia eimah kros, lin lou leh kihtakna nei hetloua paw utmi ahi," ciin a ki gelh hi.

Jesu cihmah bangin Gul banga pilin a om jel ua, a tungtang thubuai uh kigena munte ah zong a makaite uh a genkha ngeikei uh.

Pravda Vostoka (Suahlam thudik) thukijakna January 15, 1966 ah Maria Sevciuk pen Kristiana hon



suaksak kua hiam, ci a thukhen Mangpiin a dotna ah, "Pasianin kikhawma biakinn a pai dingin hon hipzou hi," ci-a a dawnna leh, "Ahihle kua ahia na lakua makaia pang?" ci-a a dot "Hon makaih mihing ka nei tuankei uh, "ci-a a dawn thute akigelh hi.

Naupang neute kiang banga "Kua'n noute na ngawng-oh-san uh paikhia a, pawlpi nuse dinga hong hasuan uham?" ci-a a dot ciangun "Kuaman hong hasuan kei uh, kou mau mah ka ut ua hi," ciin dawng-giap jel uhi.

Baptisma bang atan ciangun aki venghoih thei mahmah ua, amau leh amau mah ki tangsak mai pawl zong aom uhi. Baptisma tangsaktu a ding ngiala houh lauhuai sem ahihmanin a kiveng hoihdiak ua; a maitang khawng ubang akituam sak jel uhi.

uchitelskaia gazeta, thukijakna khat january 30, 1966 ah Volnecino-Korskii district a Voronin khua a lecturer khatin, Pasian omlou ahi cihthu a gelha. A thugen zoh phetin Kristianten dotna a bawlpah ua," "Ahihle nou communist-ten na dan uh na zuih hetlough uh, 'Gu ken,' 'tual that ken,' Eng ken, cihte koia na lak uh ahia? "ciin. Tuate khempeuh leh a dang tamtak zong Bible a kipana lakkhiakvek ahihdan a gencet sak dim-dem ua. Thugenpa (lecturer) in a dawngtheita kei, avuallel dimdema, gingtute vualzohna in tuakikhop a tawp maimah hi, "cih thu a kisuah hi.

## LEINUAI SAPTUAM SAWIGI-MTHUAK SAKNA UANGSEM

Tumalam sangmaha uangzaw in Leinuai Saptuamin sawina leh engbawlnate athuak zozem. Russia ah sahkhua khempeuh kikhham vek a, laigelhtute leh thukijakna am saite'n mi tampipi mata aomdan khawnguh asuah jel uhi. Judate uangsema sikdena ompen Kristiante adingin apuaknat huai sem hi. Ahihhangin communist ten uangsema a sawite ujaw Kristiante mah ahi uh. Mun khat ah houh Kristiante mihing 82 tak, mihaite koihkhawmna muna koih ding cih ahi a. Anung sawt kihallouin mi 24 ten thumna sawtpi mahmah aneih jiakun a si uh cih thu akiza hi. Thum sawtluat jiaka si, cih na ngei hia? A thil tuah uh mulkimhuai dan dingte aki suangtuah thei hi.

Kigawtna mulkimhual leh thuak hakpen dia ka tuat jaw: Nu leh paten a tate uh Pasion thutak a sinsak uh cih theihkhiak ahih peuhmah leh, damsunga muh nawnlough dinga a tate uh alakmang sak ua, kimuh nawn khak ding leng aphallouh himhim uh ahi. U.N.O. te dan khat: "Lai ki sinsakna a kuamah khentuam, paihtuam omlouh ding," cihthu-a thukimin Russia in zong suai apia hi. Tuabanah "Kuapeuh nu leh pain zong sahkhua leh bangkim ah amau deih leh lungtunna bangin a tate uh a sinsak thei dinguh," cih zong a tuanglai hi a Kristian kepte mansaktu, Russia Baptist pawlpite lamkai khat, karov in bel "Russia ah U.N.O. te kilemna bangbang kizang hi, "ciin a genkhe na a, amau communist lam laigelhtu leh thukijakna saiten bang gelh uham cih i-na en ding uh:



Sowjetskaia Thukijakna, June 4, 1966 ah hibangin kisuah hi:- “Baptist pawl laka kihel Makrinkov in ginna thutak hilhin, ngawng-oh-san zong oklou dinga a tate a sinsak ciangin a tate pen kikaih mangsak hi, “ci hi.”

Makrinkov in tuabanga a tate matkhiak ding ahi cih thu ajakin, “ka ginna jiaka thuak hilel ing,” aci hi. A tate a koihna mun ua omman ding amah lak ah a la ua, Pasion om uplough thu-a vakin aom ai uhi.

Ucitelskaia Gazeta thukijakna in, Ignatii Mullin leh aji tancin honsuah a. Thukhentuten aginna uh tawp-san ngei dingin hih nupate gel a khem nasa ua, “Pasion leh na tanu uh kua na deih jaw ua, tel dih ua le. Pasion hia na tljawk uh?,” a ci ua; Mullin-in “Ka ginna pen ka tawpsan theikei ding,” aci hi. Sawl tak Paul-in “Nna khempeuh i hoihna dingin Pasion in a semkhe jel,” aci a. Hibanga Inkuan-a kristian kisinsakna a na khangliana, muanhuai taka na omte pen; nu leh pa a kipana lakhia a communist sinsakna nuaia a om ciangun zong communist sinsaknate zuih naksangin, amaute ginna pen kip-taka lenkip in ginna thehjak tuin a va pang zaw uhi.

Bible ah “Kuapeuh Jesu sanga a tate uh itzaw pen A hon zuidia cinglou ahi,” cih ahi a. Hih thupen a taktak in sikbangum sunga mite lakah aom taktak hi. Kristian nupite aw, na tate uh mukha hetlouin Nipi kal khat sung khawng lel leng om hon sawm mah dih ua, Russia gama na unaute uh thuak thupidan na theisiam deuh ding uh.

Protestan Saptuam kia i gen kei ding ua. Sikbang umsung lam ah jaw Orthodox Kristiante leng aduaisam kei uhi. Maktaduai tamtak suangkul ah a kikhum sam ua; Jesu kilhluplai limte, gim namtuite leh hal namtui te

thawng banglah anei kei ua. Ami vantangte tanna munah la Siampi bang hongtang kha kei jela. Siampiten lah a Puan-ak tualte a silhlut theisam kei uh. Tanghou leh uain-te, sathau siangthoute leh thumna thukigelhna laibute va simjual theih banglah a neisam kei uh. Tua-bang teng omkhak louhna ah tuabang nnate tellouin zong thumnain Pasian pen a houtheih thou cih a theita uh.

Thu ngenin thum ua, Aman A Kha Siangthou hon sungbua jel. Kristian masae laka atung bangin Russia gama Orthodox Saptuamte lakah leng Halhthakna a tung nasa mahmah hi.

Hicibangin Russia leh gamtuam tuam ah Orthodox saptuamin zong thuakna leh gawtna tuakin tampi tak martar zong omta uhi.

Kum 50 hial Communist-ten Russia gam a vai-hawm khumta uh. Ahihhangin a thukijaknate uah Kristiante vualzohna thu, a suah mun mahmah ua. Leinuai Saptuamin hun haksa pipi tuak kha himahleh a khanglian hoih jel hi.

Kou Rumania gama omten ka lak ua hongsem Russia galkapte lakah aguk mahin a manpha mahmah cii-te ka pawu ua, gah hoih in leh tamtak a suangkhe jel.

Communist - te uk gamsung pen Kris adai laks zoh ngei ding ahi. Communist-te mah zong Kris dia mi muahuai, gingtuntak suakthei uhi.

Ka thugen adikdan: Russia, China leh Communist omna gamteng cih phiala Leinuai Saptuam a hongom khiakna akipanin na theitheih ding.

Hun haksa leh mulkimhuai laka om unaute



kilawmna hon thehsak ka uta, Russia gama suangkul tangte akipana laikhak, jan zek mahmaha kamuh ka hon taklang ding hi.

Kris laka Varia na na pilut a, gingta sak, Maria laigelh ahi—

“...Hiai munnah ka omlai uh. Miten zong hon deihsaek thou. Komsomol (Communist Youth League) pawla kihel mi khat in houh honna ngaina mahmah a; Khatvei ngial houh, “Bangci mihing na hia cih zong theih tel haksa nahi, mi tampi’n hon soisa ta ua, nase mahmah ding bangin zong hon khoih ua, hileleng tuate zong hehsan lou hialin akibang ciatin na hehpih theivek a, “hon ciguih ta mawka. Ken ka dawnga, “Pasianin i lawmte bek hilou, i melmate ngei zong it dingin hon sinsakta hi, “ka ci a. Hih nungak in ama lamin honna gimsak mun mahmaha, amah a dingin a tuamin zong thumnate ka nei seka; amah ka it theih leh theihlough thu hon dong guih ta mai hi.”

“Thudang tampi a dawng samlouin amah ka kawi guih ta maia, kikawi tuah kawmin ka kap tuakta ua; tuin jaw ka thumkhawm theita uhi. Hehpihtakin na na thumpih jel un aw, amin zong Varia ahi.”

“Aw leh thawm ging ngaih taktaka miten Pasian a phatlai khawnguh i jak ciangin ‘ci taktaka phat ahi uhiam,’ cih ding baihlamtak ahi. Ahihhangin hinkhua i et ciangin mi tampiten akam leh mukte Pasian hamsia lohna in neikha sek mah le-uh, ngaihnatna tak bang anei jel uhi. Alungsima thuma amau aw gingte banguh na ja ua, Hih mite lungsim pen a vuaka, tuapen a pasian

uplounhna ua dimsak a sawm uhi.”

Kris a nasanggam uh,

Maria,” ciin.

*Laikhak mihna:*

“Ka laikhak masa ah Pasian om gingta lou nungak Varia tancin kon-gelha, Ka unau deihtakte aw, ka kipahna mahmah uh hon hilh kal ka ngaklah uhi. Hih nungak Varia ngeiin Kris pen a Honpa dingin a sangta a, tuapen mi khempeuh maiah a genkhe ta.

Kris gingta a hotdamna kipahna a neih toh kitonin kipahna zong aneikei pah. Tuapen tuma lama Pasian omlou hi ci-a, a na gen in a lungsim anasak hi. Tua a sepkhelh pen selguk a sawmta.

Pasian om umlou mite kikhopna ah Variatoh kava hoh khawmua. Kidekthei mahmah dingin ka hilh khol na a, a kidekthei tuan kei. Varia in hoh teitei a sawma ka va juita hi. Communist la a sak khit un (Varia in bel a sakei). Varia in thugen na hun a ngenta. Ahun a piaktakun kikhawmte maiah hongding khia a, Hangsan mel-takin Kris pen a Honpa a a pomtakdan a genkhe ta. Lungsim mit vak louh jiaka a lawm luite tangtawn manthatna lampi-a a na pikhak thu-ah ngaihdam angen hi.

Tuaban ah amaute zong a khelhnate uh tawpsana Kris laka hongpai sam dingin a cial ngutngut hi.

A dai khipkhep ua, kuaman a subuai het kei uh. Thu agen zohin a aw hoihtak maiin Kristian la, “Kris tancin genkhiak ka zumpih kei, “cih a sa nawn hi. Tua zohin Varia pen a lamang ta uh.



Tuni May 9 a hi a, a tancin bangmah theih akinei nai kei. Ahihhangin amah honkhe dingin Pasion pen thahat mahmah hi. Thumma mahmah poimoh!

Noute Maria.”

*Laikhak thumna:*

Jan August 2, sunin I it mahmah uh Varia toh suangkul ah kava kimu uh. Ka ngaihsut ciangin zong ka kahtha a suak mai. Kum 19 beka upa a salam naupan lai mahbang a Toupa a ginna lam a zong naupang lai himahleh! Toupa a itdan a thupi mahmaha, lampi haksate leng tawnsuakin a muanhuai ngeimai. Tua nungaknou pen a gil hong kialta mahmah a, a omna mun akitheihapan nektheih bangbang akikhak jela hilezong tawm cik kia amusek hi.

Jan ka a amah sa ngei ka va muh leh a na gawng mahmaha, a dang kiuhkeuha; a khetkhetna mate banguh a pumpi ah a kilanga, amit jaw a Pasion khamuanna hangin ahi ngei dia avak kilkel hi.

Himah hi, itte aw; Kris a khamuanna thei ngeiloute a dingin theihiam theih dingdan ahi kei... Ahihhangin tua khamuanna neia theisiamte kipahna pen loupai hi na maijen e!

Ei Kris a omsate jaw thuakna leh engbawlina bangcibang tengin leng honkhen ding hilou hial mah ahi.

Sik kongkhak kikhungte awngvang kalah ka houpiphia “Varia aw, na sepkiaksate ah na kisik kei maw?” ciin ka donga. Aman “Kisik lou e, hon khah nawn ding bang hita le-uh leng Kris honitna thupitak mah eive ka gennawn pah ding. Thuak nasa lua in hon sep ken. Amin

jiaka thuak thei ding khop hiala Toupan hon hehpih  
jiakin ka kipak petmah hi," ciin hon dawng hi.

Amaha ding tuam mawnga lungsim tak toh thum a  
na ngetsak dingin ka hon ngen uhi. A kivatna leh van-  
neih khempeuhte a laksak vek ua, a silhlai lel lou ngal  
bangmah dang neih a nei nawn kei. Inkuan-laina leng a  
nei tuan keia, a mah a dia kiphamoh nnate khempeuh i  
piakkhawm uh akul hi. Dangka na honkhak nanungte  
uleng amah ading ngeiin ka koihtuam tadiha, gamdang  
muntuama a suankhiak ding ua leh kava pe ding. Siberia  
lamah a suan mai theluh. Tunung cianga zong thuak zou  
jel dingin Pasianin thahatna ape ngei ding cih ka um  
tentana, Pasianin amah kem tawntung jel ta hen!"

Noute Maria.

*Laikhak lina: Maria laka Varia laikhak:*

Ittak Maria aw,

Atawptawpin hiai lai konkhak thei khong hi...khua  
ka tungta ua, ka koltanna mun um khopi akipan mel  
sawma gamla ahi. Ka omdante uh gensiam ahaksa hi.  
Nangjaw na theihsa ahita a, Kei tancin jaw a tawmthei  
lampen hon hilh leng ka ut hi. Khuta nasepte bang  
semthei dinga Pasian in thahatna leh damtheihnate  
bang honpiak manin kipak mahmah ing. Kei leh unaunu  
khat 'X' Workshop ah hon semsak ua, Khawlte ka  
khoihkha pen uá, Unaunu 'X' pen a damtheih phatlouh  
jiakin apoi mahmah; ka nasepuleng a haksa ngala. Amah  
nasep bang ka seppih angai seka, kei zoh dinga seh khiak  
ka zou masa phota, huan ka seppih jel Ni khat in dakkal  
12 apan 13 dong ka sem jel uh. Ka annek uh nou



annekzah bangphet ahi ding, atawm thei mahmah. Ahihhangin tualm jaw ka gen tuppen leng ahi kei.

Nangmah ngei tungtawna hotdamna lampi muhsaka ka om manin ka lungtang a kipahtute genin Pasion ka phat jel hi. Tu huna hibang a ka hongom khiak hial ciangin ka hinnain manoh lam leh tup mumal bang leng a neita a; koilam juana pai ding ka hia cih leh kua jiaka thuak ka hia cihte ka theician ta. Ka lungtanga ka hotdamna kipahna luanglet ka muhkhak khempeuh mite laka genjel bang ka kilawp tun tun a Pasionin Kris a Ahonitna apanin kua'n ahon khenkhe thei dia? Kuamah in, bangmahin zong hon khenkhe thei het keiding cih ka thei tel mahmah. Thuaknate leh suangkul in zong hon khen theikei ding. Pasionin thuakna honpiak bang Amah i gintakna a khanna ding ahi zaw hi. Pasion itna in i lungsungte a luahdim phitpheta, aluang dimlet khe zomah hi. Toupan ka tunga a sepkiakte bang ka nasepnate a ngaihtuah kawm jelin ka daih pih theikeia, tuahangin gawtna bang ka tuak mun se-a, sep ding tuam bang piak munin ka om behlap sek hi.

Manthatna lampi-a na pialmangsa kei pen mi thak leh hinna thakin Aman honna siamkhe ta. Hiai thu ka daihpih dide thei ding ahia? Daihpih thei maimai louve, ka daihpih thei maimai het kei hial ding! Ka muuk a phun nimnim theihlai teng mihing ka muhkhaak khempeuh kiangah ka gen-gen ding.

Ka nasepna uapan ka omna mun uh juana ka paina lampi uah unau Kristian tamkhop tak ka kituahpih sek ua. Amaute ka muhphet in Pasion Tate ahi uh cih Kha Siangthouin hon theisak thei hi. Tuabang lamdang khat

kasak ahi. Kua hihl kulse louin muhphetin ki theikhe mawk hi.

Ka taanna munding juana Rela ka pailaiun, Rel khawlmun khata ka khawlna uah, Nupi khatin nekding Ann honpiak kawmin 'Pasian pen Ahing hi,' ciin thu kamkhat hon gena. Hiai mun ka tunni (ka zekai mahmahua, jankhanglai ahi a) ua kipanin leinuai lama dan tan khatah honkoih pah ua. Ana omsa te kiangah 'Khamuanna na kianguah omhen,'" ka ci ua, ki lamet hetlouhin amau zong "Khamuanna toh noute konna kipahpih uh, 'honci ua; tuaciin Innkuan khat bang ka hih uh ka theikhe pah uhi.

Ana hi petmah a, hih munah Kris pen Honpa a saangkhin mi tamtak zong om uhi. A taangte kimkhat saasnga tamjaw Gingtu takte ana hi ua; lasak siam mahmahte, thugen siam taktakte aom uhi. Nitaklama nasem khinzou phet bah kawm, ka hongtawp ciangun; Hondampa khephunga thumkhawm a ka hong kuun khawm ciangun a loupithei ngei mai! Kris toh i om khawm nak leh jaw koimun peuh ah Zalenna aom jel. Hihmuna ka om nungsangin zong Phatna la tamkuam sin behin ka theihbeha, Pasianin A thu manpha leng hon theihbeh sak jel hi. Kum 19 a upa ka hihin Kris pian campha ka lawmpaha phet hi. Hih ni loupithei leh kei a dia lamdangpen ka mang ngilh ni omthei ngei dingin ka gingta thei kei. Nisima nasep ahi gige a, ka lakua khenkhat bel luipi kiangah a va hoh ua, vuk khalte bang ava sukham ua, Pasian thu dungjuuin baptisma ka tangta hi. Tuani in midang sagih toh ka hi uh. Aw Maria, tuani a ka kipahdan, nangzong hong telkha sam lecin ka cihdan tel! tuma



lama na tunga kana sepkhelh khenkhatte genkhiaian ngaihdam hon ngen leng ka ut lua. Ahihhangin Pasiain eite pen i omna mun ding tekah hongkoiha, tuahangin i omna mun tekah muanhuaiin i pang ciat uh aw.

Pasian Innkuanpihte teng cibai honbuk sak in. Kei na hon vualjawl mahbangin Pasian ngeiin na maban ah hon vualjawl ngei ding. Heb. 12:1-3 na na sim ngeingei in aw.

Hih muna unau tengtengin zong cibai honbuk uhi. Pasian na upna a na tha khauhdan leh na thuak hatte pen tawpsan loua na pahtawi jel dante atheih ciangun kipak petmah uhi. Midangte bang zong lai na khak ding aleh ka cibai bukna thu uh honna gelhtel sak jel in aw.

Noute - Varia.”

### *Laikhak Ngana:*

Ittak Maria,

Atawptawpin saulou cik jaw kon gelh khathei tei-teia, a masabel in, Pasian hehpihna toh kei leh unaunu X pen ka damlaitak uh ahi cih kon hilh. Tuin jaw....Munah ka omta ua,....Mun ah hon kha khe nawn ua, hihmunah ka om tadih phot uhi.

Nute itna toh kibang geiha non itna hangin ka lungdamthu hongpuak ing. Na honkhak khempeuh zong ka mukim hi. Na honkhak teng laka a manpha pen Bible non khak manin kipak petmah ing. Na vekua kiangah kipahtu ka gena, na laikhak khiakna khempeuh ah ka kipahtu ulah cibai bukna thu na gen sawn jel in aw.

Toupa'n A honitna siangthou thuguuk thuuk

petpet, ka kianga hontheihsak jiakin leitunga a kipaakpen mihingin ka kisp hi. Ka tuah ding sawina leh gelgawtna khempueh zong Amah honit tuamna hiin ka sepa, Amah ka gintak ni geih akipana kipaak petpet a Amah adia thuakthei dinga honseh jiakin kipaak petmah ka hi. Atawp donga Amah adia muanhuai ka hih theih ngeina dingin honna thumpih jeljel un aw.

Toupan noute hon keem jel henla, kidouna siang-thou i tuah dingte ah thahatnate hon-guan jel hen.

Keimah ngei leh unaunu 'X' in ka hon tawp tantan uhi,....muna hon khakkhiak ciangun laikhak kon gelh-thei nawn mai thei. Hon lunghimoh kei hial un aw. Vantunga i kipahman dinguh tam mahmah ahihmanin nuamsain ka kipak jel uhi. Math. 5:11,12.

Noute a Varia."

Communist nungaknou, Varia ngeiin Kris a saan nunga a laikhak ngeei ahi. Kris thupha aphuan jiakin matin aoma, gim mahmah nasem dinga suangkul sunga taansakin aomhi. A tancin theihzomna aomta kei.

Ahihhangin Kris a itna kilawmtak, manpha tak leh A Khalam hinkhua deihhuai takin Leinuai Saptuamte, leitung maikaiha om seh thum suah seh khatte thuakna leh gim thuaknate atak ahihdan a taaklang mahmah hi.



## SEH SAGIHNA

### LEINUAI SAPTUAMTE AKIPANA THUK- HAHTE A ZALEN GAMA KRISTANTEN IHUH THEIH DAAN

“Leinuai Saptuamte Awging,” cihin ka om sek. Tuabang mun sangpi, Kris pumpi Awging cihtham jaw ka hikei hial.

Ahihhangin Leinuai Saptuam pen kum bangzah hiam ka na heukha ta a, Kum 14 sung, tualaka Kum 2 sungteng, dantan mialna mahmah; “Sihna dantan,” a kicih mawkna sunga koiha ka omlai nasenin leh tuamun a ka taangkhin pen lamdang mahmah in Pasionin suangkul sungte a hong vehin hon lakhia a, tuin tumlam gama A zalen Saptuamte lakah honkoih ta.

Simsenglouh hankhukte, theih gigena suang phuh (doh) te leh a kigelh bangmah zong omlou hial nuaia na kiphuma khawl tate min sialin ka hon ngen uhi. Tuni a damlai, aguuka gamnuai lak, innuai kawmbu lak leh mun tuam tuama kikhawm sekte min sialin zong ka hon ngen uhi.

Rumania a Leinuai Saptuam siangthouten ka omna gam ngeei nusia a A zalen gama Kristian omte laka thu tuna, thute tangkoupih dingin honci hamtang uhi. Tuaciin ka hong pawtkhe ta, ka nunga gelgawta oma, sawigimna thuakgim, si mai ding dinmun a om unau tampite hon thukhahna bangin kahon phuangkha:-

“Hon napnuul kei hial un!”

“Hon mangngilh kei hial un!”

“Hon koihdap kei hial un!”

“Vanzat ka taksapte uh honpia un! Ka zat man uh ka honpe na ding uhi.”

Sikdeen a om Saptuam, Leinuai Saptuam, za baanlou, mu baanlou, paukhe baanlou leh thugen dia aw suahkhe baanloute sik leh taangin kon genkhia hi.

Communist gama na unaute kah leh mau ging ngaikhia inla, ja in! Suakta a eite mah banga khosak nuama kithuahkhawmna ding pen hon ngen peuhmah loughial uhi.

Amaute hon ngetjaw aw, Khangthak hong om jel ding, a ta it taktakte uh hong khanglian tou jel dingte lungtang leh ngaihsutna; Pasion omlou cih gin takloughna dinga thugen leh nasepten a vakthau na uh guhaat-se mahmah, douna leh dalzohna dinga vanzat kizam mahmahte honpe le-u-cin ci-a lunga veinatna leh sinkhamna toh kinem mahmaha hong patau mai ahi uh.

Pasion thutak thehjak sem dingin Bible-te hon ngen ua, tuabang vanzat manphate neilouin bangcidanin a thehjak sem thei ding ua?

Leinuai Saptuam pen Siamah (Daktor) khat Rel a khualzina accident (a rel tuanna rel dang khat toh kiphu



kha) tuak kha toh teh lehang:

A sunga tuangte mi tampi liamin a om ua, munkhat ah akaikhia ua, a lum jia jua ua. Siamah hongkum khia a, a khual zinpih liamma tuakte a mu a, "Aw, ka siamah vanzatte dei hna mahmah ing e, ka van zatte na neikha mahmah leng aw;" aci vung vunghi. Ana tawikha hi leh mi tampi hinna pen humbit a panpih kha theiding hi-a, hutkhiak a ut thama, hileleng a vanzat ding na tawi khalou ahi.

Tuamahbangin Leinuai Saptuamten "Vanzat honpia un, Tangthuphate Bible-te, Thugelh tuamtuam vanzat theih khempeuh hon pe mai ve ua.

Ka taksap dangte uh zong honpe mai ve ua, noute gamtat leh khosak bang hilou hi-ung, adang kisamte kou bangci ci hiam lunggelin kana semkhe dinguh," honci uhi.

A sem ut mahmah ua, vanzat ding anei kei uh. Aomna mun uh nuamlou hial himahleh sawtpi om ding zong khawksa louhial uhi. Ahihhangin vanzat ding neiloua khutvuaka omom pen na sa mah mah uhi. A zalen gama kiningcing leh kisapluat neiloua om kianga hangsan leh kipezou Leinuai Saptuamin hon nget pen uh, eite dinmun te toh kivel thakthak kawmin kisutni, a mawkna a koihmai mah tel ding ahi diam?

## **A ZALEN GAMA OM KRISTIANTE HUH-THEIH DAN**

A zalen gama om Kristianten upna toh, muhtheih-louh Pasian toh kithuahin hinkhua a hingkawmin, ahuh thei mahmah uhi.

Unau Kristiante a soisak ciangun, a guplough dan uhiam deihlouh dan uhiam khawng na gen khe jel le uh tua zong lampi khat ahi. Thungetna toh sawia om Kristiante leh a sawitu Communist-te a ding mahmah a zong huh theih ahi.

Tuabanga thumna a kipanpih zong mawllua in ngai kenla, communist-te thumpih zong haihuai sa kei hial in. Athuaksak leh matte un athumpih ciangun bel, ama sangmah in gawtna bangzong thuak thei uhi. Ahihhangin kilhbelha aom dingkuan-a I Toupa Jesu thumna zong mawl mahmah napi-in lohcing mahmah hilou hiam.

\*\*\*

Jerusalem a te adia a thumsak khit in sing ah akilh belh thou ua, ahihhangin huai nung sawt kihallouin mi 5,000 mahmah ding kisika, awm kitumin, a piangthak uh hilou hiam.

Na thumsakna pen a mawkna in omlou hial dinghi. Kuahiam adia na thumsaka, alohcin khak se kei le zong, nanglam beek ah vualjawlna tampi toh hong kileh veve ding hi. Tuaciin na thumsak pen adingin hamsia suakthei hi. Kris hong cihna bangun ka lawmte toh Hitler leh a galkapte ka thumsak ua, tuaci-a kumpi kigawmkhawmten a zoh taak mah bangun ka thumpihna hangua zong kizou ahi hi.

I invengte pen eimah iki-it banga i it uh zong kislam lua hi. Communist-te zong eima invengte ahi uh.

Kris ummite, kipumpiakna hinkhua a hingkhawma



kihuhtuah theih luat ahi. Kristian masa pawlten zong a langtanga semkhia a kihuhthuaha athuakloh bangua kihuh leh kithuakpih pen bel, kihuhthuahna sangbel bel ahi.

Jesu'n "Hinna tamzosem aneihtheihna ding ua hongpai Ka hi," acih pen, eiten i tangtun kei.

Hibang a sang mahmah hinkhua, eite kianga A khekhap banga zuih dinga hon nutsiat banga i tangtun louh na hangun ahi, Communist pen ahong piankhiak. Ei Kristian kichite'n atam zosema hinkhiakna leh gahsuahna (gah tamsem) bawllou hihang. Hinna a, a kul mahmah nna khat, gahsuah a tamsem hinkhiak ding i ngeingai louh na hangun eive, tua i gahsuahna dingte hong hel ua, Communist kici hongbawlkhiak uh. Khelhna leh nunsiate'n thazoh in tatse petmah uhi. Tuahangin ei khelhmanin amaute akhonung a i suala i zoh uh kisam petmah hi. Ahihhangin i theih ngeei ding khat om: Kristianten melma banga dou ineih ciangin zong theisiam kawmin i it veve ding ahi.

Communist va suah jiaka khial tuamlua in geel kei hial in. Communist suahlouha zong ki khialin ki gilou mahmaha, ahohi i seplouh peuhmah cianga a khial hihang. Tuate itna in louh ni hang.

Communist a hoihlounhna pen itna toh vaivensak theihhi. Hihthu pen amawka ka genkhiak hilou hi. Gamsung khat a vaihawmte penin agamsung ua gitlounhna ompen itna toh a vaivensak dingin zong hasuan ngam sam keiing. Tua vaiven sakna dingin Pastorte bek hilou Palik thahatna zong kisama, agiloute leh kisik loute khumbilhna ding suangkulh bang kul hi.

**R**hovel pumpi ngaihin Communist - te jaw huham in gilou deuhmah hi uh. Gilou leh huhamten dangka bawm leh gam pumpi zong suamzou mahmah uhi.

Tuaciin Pastor te leh Kristian khempeuhin communist - te pen bangci zong tengin na gilou in, huhamin kheltat ta mahle - uh; Kris kianga pi lut pen i seplouh theihlouha hi a, i theihtawp suah a i pankhawm kulhi; amaute sikden aom te tengtoh. Amauten mi tampi pisiain, gilou nasep semin gamta se mah le-uh, eiten itna toh vehin, thumpih in, i hotkhiak ngei ding uh ahi.

## **BIBLE TE, TANGTHUPHA GELH CI TUAM TUAMTE KISAM LUA UH**

Ei a zalen gama om Kristian khempeuhin i mohpuakna theisiamin Bible leh Laisiangthou thu kigelh tuamtuamte pia ni hang. Tuabang a khaksawn utte adingin bittaka atunna ding lampi kigeel hi. Keimahmah in zong ka hong pawtkhiak nunga ka khaakte bittaka tunggei ahi cih theician ing. Leinuai Saptuam a i sanggamte, gaakcipa om khalouten na khak nop nak ua leh jaw, a khaaksawn dan jaw om peuhmah hi. Rumania a ka omlai ngeiin zong Bible bu tamkuam bangci dandan hiam hon puaklut uh ka na muta. A khaksawn dan pen jaw buaipih kei hialin, amaute a dingin pe khe phal phot maiin.

Bible - te kiphamoh law petmah uhi. Russia leh a kim kiang ah Bible hiam Tangthupha kigelhna laidal himhim na ngawn zong mukha nawn ngei mahmah lou, Kum 20 akipan Kum 50 sung mawngmawng mi a om uhi.



Nikhat, singtang papi, niin mahmah mi nih ka Inn uah ahong lut ua. Phalbi suklay a vuuk sah hunsung teng nasemin a kiloh ua, a lohkhiaq ua Bible lei ding ci a, kinema honglut ahi ua. Hih hun laitakin Bible hoih pipi, America lama unauten honkhak uh kana kep laitak ahi a, amau lamet jaw lui taktak, se nimnem lelung, a kizat theih liailiai naak leh zong lungkim mahmah dingdan ahi ua; tuaciin Bible thak liklek ka na peta maia, kipak luain aman zong honpiak a sawm ua, hilezong ka la utkei a, tuanungin midang min 30 tak kigelhna laikhak kamu a, Bible thak amuh jiaka akipahthu genna honkhak uh ana hi. Tua Bible pen, pilvangtakin seh sawmthum asuah ua, sim dingin a kihawm uh a na hi a, amau tanciat a sim zoh ciangua midang toh kisimkhek jel ding dana na kihawmjak uh ana hi.

Lai siangthou dal (pek) khat bek zong deiha khut-doh zong aom uhi. A hinna vaktu a aneih uh ahi. Bawng hiam kel hiam toh kikhekipih ding bang amuh ciangun a kipak thei mahmah uhi. Pasal khat in houh Thukhun-thak laibu se simta pen a kitenna zungbuh toh a kikhen-pih hial hi.

Ka tate un zong Christmas Card nasan amukha ngeikei uhi. Khat kia bek zong a muhkhak ciangun a khua a naupang tengteng hong paikhawm ua, picing khatin Jesu pianna thu, Kris hotdamna hong piankhiaq-dan khawngte bang hilhna in anei pah ua, Christmas Card khat bek adingin manpha mahmah hilou hia, mate! Hibang zong septheihna, amaute huhtheihna lampi manpha khat ahi hi.

Tuailaite kaina sanginn ah, a niampen akipan a

sangpen dongin Pasion omlou cih sinsakna anei uhi. Communist - te Bible khat "Pasion omlou cih a ummite Kipina," cih ah Pasion omlou cih leh sahkua khempuuh a gensiatna thu kia bekbek atuang hi. Tuatē pansanin tuailaite asinsak jel uh. Hih laibu pansanin naupang leh tuailaite lungtang susia zou uhi. Tuabang te a kizohtheihna dingin zong laidal tuamtuamte suahin i khak jeljel uh kul petmah hi. Russia leh akimvel gamte ah akizang pau tuamtuama kigelh tuabang thu diklou taklatna Laidalte neihsak ahihna siah uh amaute khut leh khe - leh hensawm bang i hi uh, cih thei ni. Tua ahihmanin communist - te bumhaia omtē, Pasion dawna - gingtute dawna - eite dawnnate aneih kin mahmah uh kullua hi. Adiklouhdan, thudik jaw leh Pasion hotdamna om ngeei ahihna kigelh laidal tuamtuamte in amaute huh zungzung ni, manlaang in.

Sanggam - unaute i huhtheihna ding lampi dang jaw-sum leh paai ahi. Nasema lunglut mahmahten sumleh paai aneihlough jjakun sem theilouin a om uh. Mun tuamtuamte ah kikhopnate aguuk a neihpih dingin kicial jel mahle - uh, paiman ding nangawn zong aneih lough ciangun lohsam khanak hi. Akiim a kiangua Mel 20/30 kahwnga kigamla te ah tuabang kikhopna khawng neihtheih jel dan ahi.

Saptuam ngeina a sem, aguka Leinuai Saptuam lama lungluta seemte pen, Communist kumpi a kipan khaloh saang ahi ua, hileleng tuabanga khaloh a saante pen uh bangmah a phatuam dia zat khiak theih tham ding ahihlough manin a nasepna uah haksa a thuakphah mahmah uhi. Tua a khaloh muhte un a nek ding uleh



silh ding neng zong sutuah lah jen uhi. Khasim hiamin tamlou cikcik in zong kithuahpih thei lecin jaw, a guka a nasepte uh gahsuah a khanglian jel ding hi. Amau kia sepna bek ah bangmah phatuam theilou. Amaute lah cithak (scabies) vei mah bangin phe tet tetin omthei mahmah lou uhi. Amaute lohsawn nuam mahmah ua, hehpihuai zojen uhi. Hibang a a septheih na dingun a kitaksap luat uh om: Bangdang hiloua na kithuahpihna Dangka mah ahi. Khasimin tamlou kia bek zong hawm-thei lecin jaw naaktei tuam deuh mah ding uh hiven, tuaci - a nangleng Kham gou khol hi ding hicin a; Tawm cikcik hitale zong pangsam mailou di na hi hiam?

Atungate banah, A zalen gama Kristian omten Radiote tungtawnin Tangthupha pen amaute lakah i phuangkhe thei nawn uhi. Tuciangan jaw communist gam ah Radio a thugente ngaihkhiaakteih ahita. Amaute mahin zong Propaganda (athusawm uh) phuankhiakna a a zat ut jiakun Radio pen pawngkham theih hilou hi. Tua ahihmanin Tangthupha phuanjakna dingin zong kizangthei ta hi. Hih Hinna Tanghouin Leinuai Sap-tuamte i vaak ding uh. Hibang a septheih na lampi hoihtak aki hon lai ngeiin.

## **KRISTIAN TUALSIHTE INNKOTE GENTHEIH DAN**

Kristian Tualsihte (Martar) Innkuanpihte i huh uh kul mahmah nawnhi. Amauten gentheihna genkhia theih vualloh khopa haksu thuak uha, tamzong tam mahmah ta uhi. Amaute kithuahpiha huh lah akham zomah laia.

Insunga Pa pen bang mata suangkul a khum ahih ciangin a ji a tate bang nase takin bawlse zomah lai uhi. Tansaka om Papen zong si phialphial mahin gawtin vua uhi. Tualah a suangkul taan akipatna bang hisak jel uh. Tamtak zong sizou petmah uhi. Tunai cinin, Russia gamah a honhona Kristian kimatna om nawn ngal. Nisimin tualsih a tam hiai hiai. Genthei ding inkuan a tam semsem cihna ahi nawn. Kei leh ka Innkuanpihte ngei zong, galkapte laka uanuten hon huh kei le - uh, hibanga genkhia leh genkhe thei dingin ka hongom kei mawng-mawng dinga hing leh damin ka hongsuakta kei hial ding uhi.

Tualsihte kibeh lap jeljel ua, a maute tunglam a kipahman la dingin pailiam zungzung mahle - uh, .... gelsau dihve! A Inkuanpihte un gimna thuak lailai ua, gilkiial leh dangtaka tasamin maumau uhi. India leh Africa gam khawnga gilkiiala puksi dingte ihuh uh kizam petmah. Tuaban ah, Kris itna haanga hinna peta Inkuanate (kemtu, makaih tu ding omlou, sum leh pai kivaakna muh dinglah omlou, deihsaktu, keemtu, dontu leh vaaktu ding; kingakna ding, lamet ding bei hiilherel) te saanga panpih leh huhtuak jaw om in ka theikei, nang bangciin na gel a?

Ka hong pawtkhiak akipanin European Christian Mission pawlin huhna a pe jeljel ua, ahihhangin a tangpi a etin, sepkhiak dinga kilawm a kimkhatta zong semkhe nailou hilai kha ni hang.

Leinuai Saptuam akipana hong suakta leh nungta kha omsun ka hihna jiakin hih thukhah ka hongpuaka, ahon sawlna bangngei ua zong hong puakthei kahih-



manin lungdam ing, zong lamdang sa zojen ing.

Communist te laka akinthei bang pena, panghuana tangthupha i tut dinguh kul mahmah ahi cih ka genta a, Tualsihte inkuanpihte zong tu-mahmaha ihuh uh kul ahihdante zong igen zouta. Panpiha panhuan kul petmah ahi a leinuai Saptuam hon etlah leh lametna bangngeia sepkhiaik pen azakha khempeuh mohpuakna ah akinga hi.

Suangkul a ka taanlaia ka khepekte ahon khetsak laiun nalua sain ka kikou khe sek. Bangjiak a de aw? Ka kamsung leh ka khepekte kigamla sima ki kaalnei himahle-uh pumpi khat a hihman uh ahi. Kizopna leh hiangkhat omna anei uhi. Tuamahbangin nou zalen gama Om Kristiante, Kris pumpi na hi ua, Communist nuaia gimthuak a soisak aom na pumpi kizoppih, ka hiang kizoppihte ngei, athuakgim uleh amaumau na aw gingte uh za theiloua, kitheilou sak mai ding na hi uhiam? Na sa a thuak gimpih thei samlou nahi umaw?

Eite Toupa Jesu, Getsmani huai sunga lungkham leh maua athum laiin Peter, John, James te sap phaka suanga deen phaak ding khawngah aom ua, ana ihmut san hial zomah uhi. Kris Jesu lungkhama a buai nasat maijen toh (amakaipa uh hi zomah lai) hibanga a na ihmut san tel uh pen, lamdang uh nasa kei maw?

Nang Kristian te laka khat hisam in, na unaupih tualsih te leh a inkote banci lelin na veikha a le? Nang Saptuam pawlpi in soisak leh gelgawt aom lelte pen bangci lelin na thuakpih thei ua? Ahihkei alelah - Peter leh a lawmte mah banga, lunghimohna nei het loua na ihmut san maimah na hi hia leh? Hih thute na Pastor leh

Saptuam lamkaite kiangah na dongtek mah dih uh. Sikbang um sunga gimthuakte leh a nawtsiat uh Inkuan tagah leh kingakna beite lakah bangbang na semkhe ta ua?

Leinuai saptuam, Kris a na ki zoppih, na sanggam leh lainaten, thuakgim bana Tangthupha gamzatna dia a dou ua, si kai niuniaua aom neng nung laiun - nang na na ihmu maimai dia hia?

Amauten makaitu ding neiloua, vehtu, kemtu leh huhtu ding neiloua Sikbang umsung a i biak Pasion min a kouhkouh laiun, nang koilama ki bukmang san lailai na sawma eita?

“Hon mangngilh kei unla, hon huh un”

“Hon ngaihthah kei hial un aw;”

“Hon kitheihkhem mohbawl kei hial un aw,”

ci - a communist gama Leinuai Saptuamte, tualsihte, muanhuai pate leh muanhuai nute, tualsihte innkuan genthei taka khosa a nekding dawnding silh ding ten ding kismate - Pasion om umlou - Communist te sawi leh gimthuak sak jiaka a nuai ua sal taasngte na sanggam uh na ki laigui zoppih ngei uh te a kipana thukhah ngei ngei kha, a honthukhah bang ngeiun ka hon taklang nawn a, ka hon baan taisak hi.

.....  
.....  
Kris jiaka thuakgimte leh Martarte Inkuanpihte huhna leh Communsit-te gamsunga Missionary nasepna dinga itna thawnpiakte na khak ut a, dotnop na neih leh Dr. P.P. JOB lamkaihna nuaiah hih laibu gelhpa Rev. Richard Wurmbrand Mission kici kibawlkhia in, Laisi-



angthou bu, Pasion thu kigelhna khempeuh laidal tuam-  
tuam leh laibu ta, silh leh ten, vanzat tuamtuum,  
sum-le-pai bangkim anuaia address ah khaktheih ahi.

Evangelist Dr. P.P. Job  
Post Box 4532, New Delhi-110016, India.

Tuaban ah Kris adia thuakgimte tancin "Tortured For  
Christ," kici, khasima kisuah zong ei Kampau leh kam-  
pau tuamtuum in na ngah thei ding hi. Laibu dang dang  
hah thulam toh kisai khempeuh zong atunga address ah  
thukhak lecin.

#### BEITA E.